

মাকড়সার জাল

শ্রীযোগেশচন্দ্র চৌধুরী প্রণীত

আষাঢ়, ১৩৪৬

পাঁচসিকা

শ্রীঅজিত শ্রীমানী কর্তৃক প্রকাশিত এবং বাণী প্রেস ১৬নং হেমেন্দ্র সেন স্ট্রীট
কলিকাতা হইতে শ্রীসমরেন্দ্রভূষণ মল্লিকদ্বারা মুদ্রিত।

উৎসর্গ

পরমারাধ্য গুরুদেব শ্রীযুক্ত রামসহায় বেদান্ত শাস্ত্রী

মহোদয়ের করকমলে—

ঠাকুর মহাশয়,

আপনি আমায় স্নেহ করেন বলিয়া আমার খারাপ লেখাও
আপনার ভাল লাগে। তাই অতি সাহসী হইয়া বর্তমান সমাজের অনেক
কুংসিত ঘটনা আশ্রয় করিয়া লেখা এই নাটকখানি আপনাকে দিলাম।

সমুদ্র মন্থনে যে বিষ উঠিয়াছিল, তাহা পান করিয়াছিলেন স্বয়ং
নীলকণ্ঠ। মাকড়সার জালে বিষ কি অমৃত উঠিয়াছে জানি না—তবে
সমাজ-মন্থনে আমার কৃত্রিমতা ছিল না।

চারঘাট, ২৪ পরগণা
হাল সাকিন, কলিকাতা
২২।৩ এ, গ্যালিফ ষ্ট্রীট,

সেবক—

শ্রীযোগেশচন্দ্র চৌধুরী

নিবেদন

“মাকড়সার জাল” নাট্যাভিনয়ের সূচ্যটি হইয়াছে। “রঙমহলে” ইহার অভিনয়ের জন্ত শ্রীযুক্ত অমর ঘোষ, শ্রীপ্রভাত সিংহ, নাট্যপরিচালক শ্রীযুক্ত হুর্গাদাস বন্দ্যোপাধ্যায়, শক্তিমান্ নট বন্ধুবর শ্রীযুক্ত মনোরঞ্জন ভট্টাচার্য্য এবং আমার হিতৈষী বন্ধু শ্রীযুক্ত অমূল্য মুখোপাধ্যায় প্রভৃতি বন্ধুবর্গের কাছে আমি কৃতজ্ঞতা প্রকাশ করিতেছি। নাটক মহলার সময় আমি একদিনের জন্তও ইহাদিগকে সাহায্য করিবার অবকাশ পাই নাই।

পাঠকগণের কাছে আমার মাত্র একটা কথা বলিবার আছে। “রঙমহলে” এই নাটকখানিকে “crimo-social” নাটক বা “অপরাধপ্রবণ সামাজিক” নাটক বলিয়া বিজ্ঞাপিত করা হইয়াছে। বিশিষ্ট দর্শকগণও নাট্যাভিনয় দেখিয়া নাটকখানিকে সাধারণ ডিটেক্টিভ গল্পের নাট্যরূপ মনে করিয়াছেন। একরূপ মনে হইবার কারণও আছে, “রঙমহলে”র অভিনয়ের উদ্দেশ্যও তাহাই।

এই উদ্দেশ্যে তাঁহারা নাটকের শেষ অংশ একটু পরিবর্তন করিয়া লইয়াছেন। মূল নাটকের আখ্যান ভাগে অপরাধের কথা থাকিলেও ডিটেক্টিভ নাটক লেখা আমার উদ্দেশ্য ছিল না। মানব চরিত্রের অন্তর্গূঢ় রস ও ভাব প্রকাশের জন্তই শিক্ষিত ভদ্র অপরাধীর জীবনের ঘটনা আশ্রয় করিয়াছি—। যখন নাটক আরম্ভ হইল নাটকের প্রধান চরিত্র তখন আর অপরাধী জীবনের ভার বহন করিতে পারিতেছেন না ; কিন্তু ‘গহনা কৰ্ম্মণে গতিঃ,’ কৰ্ম্ম শেষ করিতে চাহিলেই শেষ করা যায় না—তাঁহারা সঞ্চিত কৰ্ম্ম এবং সেই কৰ্ম্মপ্রভাবে তাঁহারা যে চরিত্র গড়িয়া উঠিয়াছে, সেই চরিত্র

তঁাহাকে সোজা পথে যাইতে দিল না—ফলে নূতন কন্মের সৃষ্টি এবং তিনি যাহাকে রক্ষা করিতে চাহেন তাহাকেই মরণের পথে টানিয়া আনেন ! তিনি পুলিশে ধরা পড়িবেন, কি ধরা দিবেন, বা আত্মহত্যা করিবেন কি আত্মরক্ষা করিবেন—এ সব ঘটনা বড় কথা নয়—বড় কথা তঁাহার অন্তরে তিনি কি আঘাত পাইলেন এবং রসের ক্ষেত্রে সে আঘাতের মূল্য কতখানি ।

পাঠকগণের সুবিধার জন্য মূল নাটকখানি পূরাপুরি ছাপাইয়া—পরিশিষ্টে পরিবর্তিত অংশ, যাহা রঙমহলে অভিনয় হইতেছে, তাহা জুড়িয়া দিলাম । পাঠকগণ নাটকখানির পরস্পর বিরোধী দুই বিভিন্নরূপ দেখিয়া বিশেষ আনন্দ পাইবেন, আশা করা যায় । নাটকে যদি কোন ত্রুটি বিচ্যুতি থাকে সহৃদয় পাঠক নিজগুণে মার্জনা করিবেন । নিবেদন—ইতি

২২।৩ এ, গালিফ ষ্ট্রীট,
কলিকাতা
২৩শে আষাঢ়, ১৩৪৬ সাল

শ্রীযোগেশচন্দ্র চৌধুরী

সিটি এন্টারটেইনমেন্ট পরিচালিত

রঙ-মহলে

প্রথম অভিনয়

৬ই জ্যৈষ্ঠ শনিবার ১৩৪৬ সাল

ইং ২০শে মে ১৯৩৯ সাল

সংগঠনকারীগণ

সভাপতি...	শ্রী অমরনাথ ঘোষ
প্রযোজনা	} ... শ্রী প্রভাত সিংহ
অধ্যক্ষ	
নাট্যপরিচালক	শ্রী দুর্গাদাস বন্দ্যোপাধ্যায়
দৃশ্য পট ...	শ্রী মণীন্দ্র দাস
সঙ্গীত ...	শ্রী শৈলেন রায়
স্বর ...	তুলসী নাহিড়ী
নৃত্য ...	শ্রী ব্রজ পাল

ষ্টেজম্যানেজার..	শ্রীঅমল্যচরণ মুখোপাধ্যায়
সহকারী ...	শ্রীবিশ্বেশ্বর দাসগুপ্ত
ইলেক্টিশিয়ান	শ্রীযোগেন দে
সহকারী ...	শ্রীসুশীল দে
	শ্রীশচীন ভৌমিক
	শ্রীজগদ্বন্ধু রায়
বেশকারী ...	শ্রীরাখাল দাস
” ...	শ্রীযতীন দাস
স্মারক ...	শ্রীমণিমোহন বন্দ্যোপাধ্যায়
” ...	শ্রীঅধীর ঘোষ
হারমোনিয়ম বাদক	শ্রীহরিদাস মুখোপাধ্যায়
সঙ্গত ...	শ্রীপূর্ণচন্দ্র দাস
পিয়ানো ...	শ্রীসুধীর দাস (ভণ্ডুল)
বংশীবাদক ...	শ্রীশরদিন্দু ঘোষ
ট্রমপেট ...	শ্রীবৃন্দাবন দে
সেলো ...	শ্রীক্ষীরোদ গাঙ্গুলী
বেহালা ...	শ্রীকালী সরকার

নাটকীয় চরিত্র পরিচয়

পুরুষ

স্বরজিৎ . . .	মধুর প্রকৃতি উৎসাহী যুবক
স্বরেন্দ্র নারায়ণ	বিখ্যাত ধনী সামাজিক
ভূধর মুখার্জি	মাকড়সার জালের কর্মসচিব
বিভাকর .	চিত্রার প্রেমাকাজক্ষী যুবক
সীতানাথ ...	নিরীক্ষণীয় পিতা
নিবারণ ...	হোটেলের ম্যানেজার
নলিন . .	অনিলার দেওর
রঞ্জন ...	ভূধরের সহকর্মী
দীনবন্ধু . .	স্বরেন্দ্র রায়ের ড্রাইভার
ঠাকুর ...	ভূধর মুখার্জির পাচক
কুমুদ ...	ভূধরের পুত্র
রামদাস শেঠ ...	জনৈক মাড়োয়ারী ধনী
সাতকড়ি ...	স্বরেন্দ্ররায়ের চাকর
বিপুল ...	অভিনেতা দশপ্রাণী
ডইরেক্টরদ্বয় ...	{ গীত-শিল্পী নৃত্য-শিল্পী

—স্ত্রী—

স্বনীতি	...	কুমারী কণ্ঠা
কুসুম কামিনী	...	ভূধরের স্ত্রী
চিত্রা	...	ভূধরের কণ্ঠা
নির্বরিণী	...	জনৈক অপহৃত। বিবাহিত। বালিকা।
জয়ন্তী	..	সুরেন্দ্র রায়ের স্ত্রী
অনিলা		স্বনীতির বন্ধু
প্রতিভা	...	জনৈক অপহৃত। বালিকা।

মাকড়সার জাল

প্রথম অঙ্ক

প্রথম দৃশ্য

উত্তর-কলিকাতা—একখানি নূতন হুন্দর বাড়ীর দ্বিতলের বসিবার ঘর—বিশিষ্ট আত্মীয়েরাই
এঘরে আসিয়া বসেন—বাহিরের লোক বড়একটা এ ঘরে আসেনা—ঘরখানি
হালফ্যাসানে সজ্জিত। গৃহকর্তা হরেন্দ্রনারায়ণ রায়—উঁহার পত্নী
শ্রীমতী জয়ন্তী দেবী (বয়স যথাক্রমে ৫২ ও ৪০)। অবস্থা ভাল
বলিয়াই মনে হয়। বাড়ীতে একটা নূতন লোক আসিয়াছে—
হুন্দর হুত্মী সৃগঠিত বলিষ্ঠ দেহ, নাম স্মরজিৎ মিত্র।
অনেকক্ষণ ধরিয়া কি আলোচনা হইতেছিল—
সকলের মুখ গভীর !

স্মরজিৎ। তারপর—?

হরেন্দ্র। স্মরজিৎবাবু, আপনি একটু এঁকে সাস্থনা দিন। আজ
পাঁচদিন উৎপলা বাজীতে নেই, এ পাঁচ দিন উনি ওঠেন নি—
কারো সঙ্গে কথা বলেন নি।

মাকড়সার জাল

জয়ন্তী। আমাতে আর আমি নেই বাবা ! এ কি দিনকাল প'ল !
আমাদের ঘরে যে এ রকম কাণ্ড হবে, তাতেই কোনো দিন
মনে করিনি— !

স্বরেন্দ্র। স্বরজিৎবাবু যখন এসেছেন—আর আমি ভাবিনে।
আমার মেয়েকে যদি আর কখনো পাওয়া নাও যায়, তাতেও
আমার দুঃখ নেই ; কিন্তু মর্শায়, বদমায়েসদের শাস্তি দিতেই
হবে !

জয়ন্তী। না, না—তুমি অমন কথা বলোনা। দুই লোকের শাস্তি
ভগবান দেবেন। তুমি আমি কি শাস্তি দেবার মালিক ?
তারা ধরা পড়ুক না-পড়ুক—তুমি বাবা, আমার নাকে উদ্ধার
করে এনে দাও !

স্বরেন্দ্র। উদ্ধার আমি নিজেই ক'রতে পারতেম্—আনায় ঠিকানা
দিয়ে চিঠি লিখেছে। এই দেখুন না—“৩৫ নং হরিহর দত্ত
রোড ; শালখিয়া—আগামী ২২শে সেপ্টেম্বর বারো হাজার টাকা
লইয়া—এই ঠিকানায় রাত্রি ১টা ৩৭ মিনিটের সময় আসিবেন—
আপনার মেয়ের দেখা পাইবেন”।

জয়ন্তী। আমি বলি, তাই তুমি যাও—যেমন ক'রে হোক, বারো হাজার
টাকা যোগাড় ক'রে তাদের সঙ্গে দেখা কর। মেয়ে আগে বাড়ী
আসুক, তার পর শাস্তি দিতে হয়—সে ব্যবস্থা পরে ক'রো।

স্বরজিৎ। ২২শে সেপ্টেম্বর ? আজ ২৭শে ; পরশু দিন— ?

স্বরেন্দ্র। ই্যা—এ রকম case এর আটগ আরো ছ'একটা হ'য়ে গেছে।

স্বরজিৎ। (চিঠি দেখিয়া) চিঠিতে কোনো ডাকঘরের ছাপ নেই তো ?

প্রথম অঙ্ক

স্বরেন্দ্র । না, কাল সকালে দেখি—“লেটার বক্সে” চিঠিখানা রয়েছে ।

লোক পাঠিয়েছিল নিশ্চয়ই !

স্মরজিৎ । পুলিশে খবর দেননি ?

স্বরেন্দ্র । এ রকম ব্যাপারে পুলিশে খবর দিয়ে কোন লাভ আছে, কি ?

স্মরজিৎ । আপনার মেয়েকে পাওয়া যাচ্ছেনা—এই বলে একটা ডায়েরি ক’রলে পারতেন ।

স্বরেন্দ্র । আমরা সামাজিক লোক—কুমারী মেয়ে—বুঝছেন তো ? আমি জানি—কারা এ কাজ করেছে । They are very big people—অত্যন্ত organised দল ! ইচ্ছা ক’রলে—they can easily buy up—

স্মরজিৎ । বলেন কি ?—এত বড় organisation !

স্বরেন্দ্র । নইলে আমি আপনাকে খবর দিতাম না । এর আগে ঠিক এই রকম আর একটা ঘটনা ঘটেছিল, শীলদের বাড়ীর একটা ছেলেকে আটকে রেখেছিল—

স্মরজিৎ । কোন্ শীল ?

স্বরেন্দ্র । ননীগোপাল শীল—সমস্ত এণ্টেটের উত্তরাধিকারী, নাবালক—। তারা অবিশিষ্ট টাকা দিয়েছিল— !

জয়ন্তী । বারোহাজার টাকা—তুমি দিতে পারনা ? না হয়, আমার গহনা-গাঁটা যা আছে—বিক্রী কর !

স্বরেন্দ্র । তুমি আমায় ভুল বুঝনা জয়ন্তী ! বারোহাজার টাকা আমার পক্ষে খুব বড় কথা নয় । মেয়ের চেয়ে টাকা বড় নয় । টাকা আমি দিতে পারি । কথাটা তা নয়— । I am the last

মাকড়সার জাল

man to let these things grow in Calcutta.

(স্মরজিতের প্রতি) You appreciate my view point ?

স্মরজিত । হঁ, বুঝতে পেরেছি !

স্বরেন্দ্র । ননীগোপাল শীলের স্ত্রী দিয়েছিলেন—তিনি ছিলেন স্ত্রীলোক—
আমাদের social আর economic lifeএ এর ফল যে কি
ভীষণ, তিনি তা জানতেন না। আমি সব জেনে শুনে এত বড়
পাপের প্রায়শ্চিত্ত কি করে দেব ?

জয়ন্তী । কিন্তু, আগে মেয়ে—তার পর অল্প কথা । ‘হু’দিন দেবী হ’লে যদি
তাকে মেরে ফেলে, কি আরো সর্বনাশের কথা—যদি নষ্ট করে !

স্বরেন্দ্র । আমার মেয়ে সে—আমার হাতে তৈরী—তাকে আমি physical
training দিয়েছি। She is an accomplished young lady,
—she can protect herself. নষ্টতাকে করতে পারবেনা; তবে
‘God forbid,—হয়তো মেরে ফেলতে পারে; কিন্তু সহজে এতটা
সাহস করবেনা। আমার ধারণা, তারা ব্যবসাদার—খুনে নয়।

স্মরজিত । আপনি তাদের বিষয় আর কিছু জানেন ?

স্বরেন্দ্র । তাহ’লে আর আপনাকে ডাকবো কেন ? এই ক’লকাতা
সহর আমার জন্মভূমি—আমি এখানে জন্মেছি। অনেক
বড়লোক সহরে আছেন, যাঁদের জন্মভূমি ক’লকাতা নয়—
তাদের কাছে এ সহর দোকান ঘরের মত—They earn
their livelihood here. তাঁরা টাকা উপার্জন করেন, টাকা
জমান। অবশু তাঁরাও এর মজল চান—কিন্তু এর কোন অমজল
হ’লে আমার প্রাণে যে গভীর ব্যথা লাগে, তাঁদের তা লাগে

প্রথম অঙ্ক

না। আমি বা আমার মত যারা এ কলকাতা মহরে জন্মেছেন, তাঁরা একে অলু চোখে দেখেছেন। আমি চাই না—আমাদের কলকাতা, লণ্ডন, প্যারী, নিউইয়র্ক, শিকাগোর মত হ'ক!

স্বরজিৎ। আপনার চাওয়া না চাওয়ার উপর কি মহরের progress নির্ভর ক'রছে? এই তো আপনার বাড়ীর গায়ের ওপর মাড়োয়ারি এসে বসেছে। মহর মাত্রই এখন cosmopolitan—যে দেশের মহর, শুধু সে জাতের নয়।

স্বরেন্দ্র। ঠিক সেই কারণেই international and infernal diseaseও এই সব মহরের হৃদপিণ্ডের ভিতর বাসা বেঁধেছে। Like cancer or phthisis they are eating into the vitals of the city. I want to eradicate them. আমি ১৯০৫ সালের ছাত্র—প্রথম 'বন্দে মাতরম্'-গান আমরা গেয়েছিলাম। তখন কলকাতা ছিল বাংলাদেশের রাজধানী, ভারতবর্ষের রাজধানী!

স্বরজিৎ। কাজের কথা শুনি—;

স্বরেন্দ্র। আপনি যদি সাধারণ ডিটেস্টিভ হ'তেন, আর আমি যদি ননীগোপাল শীলের মত শুধু একজন সাধারণ নাগরিক হ'তুম—problemsএর কথা তুলবার প্রয়োজন হ'ত না। গভর্নমেন্টের মেনিনারির দ্বারা এ কাজ হবার উপায় নেই। আপনি স্বদেশহিতৈষী, সমাজসেবক—

স্বরজিৎ। তুমি আগে সব কথা ঠেকে বুঝিয়ে বল—!

মাকড়সার জাল

স্মরজিৎ । বুঝতে আমি পেরেছি । কো-এডুকেশন, সিনেমা, মোটর গাড়ীর সঙ্গে সঙ্গেই এসব এদেশে কিছু কিছু আমদানি হয়েছে ।
আচ্ছা—আমি যেসব কথা জিজ্ঞাসা করি, আপনি তার উত্তর দিন ।

সুরেন্দ্র । বলুন !

স্মরজিৎ । আমি নোট করে নিই—আপনার মেয়ের নাম ‘উৎপলা’ । বয়স একুশ-বাইশ । আজও বিয়ে হয়নি ?

সুরেন্দ্র । না !

স্মরজিৎ । কলেজে পড়তেন ?

সুরেন্দ্র । না—কলেজে পড়াইনি । পাঁচরকম ছেলেমেয়ের সঙ্গে মিশে পাছে খারাপ হয়ে যায়—এই ভয়ে আমি তাকে কলেজে দিইনি । বাড়ীতে নিজেই পড়াতুম ।

স্মরজিৎ । মেয়ে কি পুরুষ-বন্ধু আছে আপনার মেয়ের ?

সুরেন্দ্র । আমাদের জানা বিশেষ কেউ নেই !

স্মরজিৎ । লেখাপড়া বেশ ভালই শিখেছেন ?

সুরেন্দ্র । ই্যা—গাইতে জানে, ঘরের কাজ জানে, কিছু artistic training—মেয়েদের সম্বন্ধে আমার নিজের একটা idea আছে, আমি সেইভাবে তাকে গড়ে তুলবার চেষ্টা করেছি ।

স্মরজিৎ । আপনার মেয়ে যে চুরি গেছে—আপনারা কখন সেট জানতে পারলেন ?

সুরেন্দ্র । রোজ বিকেলে আমার স্ত্রী আর উৎপলা মোটরে করে বেড়াতে যেতেন । গত ২৩শে সেপ্টেম্বর ঘটনার দিন এঁর অস্থখ ছিল

প্রথম অঙ্ক

ইনি বেরুলেন না ; উৎপলা একাই যায়—বাড়ীর গাড়ী, বাড়ীর সোফার—সন্মোহের কিছুই ছিল না !

স্মরজিৎ । তারপর কি হল ?

সুরেন্দ্র । রাত প্রায় দশটার সময় সোফার গাড়ী নিয়ে ফিরে এল—
উৎপলা গাড়ীতে নেই । •

স্মরজিৎ । সোফার কি ব'ল্লে ?

সুরেন্দ্র । সোফার বল্লে—লেকে বেড়াতে যায় । গাড়ীপানা রাস্তায় ছিল—উৎপলা হেঁটে বেড়াচ্ছিল । একটা পরিচিত বন্ধুর সঙ্গে কথা বলতেও দেখেছিল । তারপর ওরা ভিঁড়ের ভিতর গিয়ে পড়ে । ঘন্টাছুই অপেক্ষা করার পর—সোফার একটু চিন্তিত হয় ।

স্মরজিৎ । নোদা কথা—উৎপলা আর গাড়ীতে আসেনি । সোফারকে আপনি অবিশ্বাস করেন না ?

জয়ন্তী । না বাবা—সে বড় ভালছেলে—ভদ্রলোকের ছেলে । সে এ রকম কাজ ক'রতেই পারে না ।

সুরেন্দ্র । আমি তাকে পুলিশে দিতে যাচ্ছিলাম—ইনি আশায় ধ'রে ব'সলেন—ড্রাইভারের দোষ কি ? আমিও বিবেচনা করে দেখ্‌লুম—সত্যিই তো তাঁর কোন দোষ নেই !

স্মরজিৎ । লোকটাকে একবার ডাক্তারে পাবেন ? আমি দেখ্‌বো ।

সুরেন্দ্র । তার পরদিনই তাকে বিদেয় দিয়েছি । বলেন তো, খবর দিয়ে পাঠাই ; একটা মেসে থাকে—

স্মরজিৎ । আচ্ছা দরকার হয়—এর পর ডেকে পাঠাব ।

মাকড়সার জাল

স্বরেন্দ্র। আমরা স্বদেশী যুগের মাহুষ—আমরা ম্যানচেষ্টারের কাপড় পুড়িয়েছি, লিভারপুলের তুন জলে ফেলেছি। আমরা ছিলাম বঙ্কিম-বিবেকানন্দের শিষ্য। ভেবেছিলাম, আনন্দমঠের আদর্শে বাঙলা দেশকে নতুন ক'রে গ'ড়ে তোলা সম্ভব হবে। আমাদের কাপড়-পোড়ানো ব্যর্থ হ'ল, চরকাখন্দর ব্যর্থ হ'ল—নূতনতর পাশ্চাত্য বিলাসের শ্রোতে আমাদের সমস্ত উত্তম ভেসে গেল !

স্বরজিৎ। আপনি কি ব'লতে চান ? আপনার বক্তব্য আমি ঠিক বুঝতে পাচ্ছিনে।

স্বরেন্দ্র। শুনুন—আমি আমার দেশকে, আমার জন্মভূমি এই কলকাতা সহরকে—এই সমস্ত পাশ্চাত্য পাপ থেকে মুক্ত দেখতে চাই। But I am almost an old man ! I have plenty of money, even my wife does not know how much I have earned ! আপনি তরুণ, আপনি শিক্ষিত, আপনার উৎসাহ আছে, দেহে শক্তি আছে—আপনার followers আছে, admirers আছে। আপনি যদি পুলিশ অফিসার হ'তেন—আমি আপনাকে ব'লতাম না ; যারা অফিসার, তাঁদের কতকগুলো form-এর ভিতর দিয়ে যেতে হয়। You can go your own way. আমি আপনাকে অর্থ আর উপদেশ দিয়ে সাহায্য ক'রতে পারি,—but I have not the strength and courage to do it myself !

স্বরজিৎ। দেখুন, আমিও একদিন স্বাধীন ভারতের স্বপ্ন দেখেছিলাম।

প্রথম অঙ্ক

আমার কল্পনার ভারতবর্ষ—তার রূপ আলাদা ! তার
সহর এ রকম নয়, বাড়ীঘর এ রকম নয়, মানুষ এ রকম
নয়, শিল্প এ রকম নয়, সঙ্গীত এ রকম নয়, সাহিত্য এ
রকম নয়,—

স্বরেন্দ্র । আমি জানি, জানি—আপনাকে প্রথম যেদিন দেখি, সেইদিনই
বুঝেছিলাম—আপনি অগ্নিমত্রে দীক্ষিত !

স্বরজিৎ । আমি ভারতবর্ষের সমস্ত সহরে গেছি—বাংলার প্রতি পল্লীতে
গিয়েছি—যত কর্মক্ষেত্র আছে, সব কর্মক্ষেত্র দেখেছি—কর্ম-
পদ্ধতি দেখেছি—আমার ভাল লাগেনি !

স্বরেন্দ্র । দেখুন স্বরজিৎবাবু, তুই শ্রেণীর কর্মী থাকেন—সব দেশে
সব সময়ে । তাঁদের একদল গড়ে, আর একদল ভাঙে ।
আপনার মন্ত্র—ধ্বংস । পরাধীনতায় দুর্বল বাঙালী জাতির এই
যে পাশ্চাত্য-অনুকরণপ্রীতি—এ আপনাকে মানুষের মন থেকে
তুলে ফেলতে হবে । নারীহরণে মানুষ মানে বুঝি, চুরিডাকাতের
অর্থ বুঝি, গুণ্ডামি মারামারি—এ সব দেশে চিরকাল থাকে ।
যারা এ সব কাজ করে, তারা ভদ্রসমাজে মাথা তুলে বেড়ায় না ।
এই যে বাইরে ভদ্রবেশ, সভ্য আবরণ আর অন্তরে বিষাক্ত
মনোবৃত্তি,—আপনি জানেন না স্বরজিৎবাবু, এটা কি পরিমাণে
বেড়ে চলেছে ! ধনীর উপর অত্যাচার চ’লছে একভাবে,
দরিদ্রের উপর অত্যাচার চ’লছে অগ্ন্যভাবে । আজ আমার মেয়ে
উৎপলাকে হরণ ক’রেছে—আমি যদি শুধু তাকে উদ্ধার ক’রে
নিশ্চিন্ত হুই, তাহ’লে দেশের উপর, সমাজের উপর আমার

মাকড়সার জাল

যে কর্তব্য আছে, তা করা হ'ল না। আপনি এ কাজের ভার
নির্ন—যত টাকা দরকার হয়, আমি আপনাকে দেব !

স্বরজিৎ। যত টাকা দরকার হবে—আপনি আমায় দেবেন ?

স্বরেন্দ্র। ই্যা—দেব। উৎপলাকে আপনি উদ্ধার ক'রতে পারবেন—সে
আমি জানি। কিন্তু সেইখানেই থেমে যাবেন না।

স্বরজিৎ। আমি বিপদে ভয় করিনে—বরং শান্তশিষ্ট সহজ জীবন আমার
ভাল লাগে না !

স্বরেন্দ্র। আমি তা জানি। তার উপর you have thorough
training of a revolutionist. Like an ordinary
father শুধু যদি মেয়ে উদ্ধার করা আমার উদ্দেশ্য হ'ত, আমি
একজন ভাল ডিটেস্টভকে ডাক্তুম—কিন্তু আমি তা চাইনে।
আমি এই organisation ধ্বংস করিতে চাই—

জয়ন্তী। উনি অনেক কথা বলেন—আমি মেয়েমানুষ—আমি অত
বুঝিনে ; আমি তোমায় হাতে ধ'রে বলছি বাবা—তুমি
আমার মেয়েটাকে এনে দাও। তার জন্ত গোড়ায় যদি
গুণ্ডাদের কিছু টাকাও দিতে হয়, তুমি আমার কাছে চাইলেই
পাবে।

স্বরেন্দ্র। তুমি উতলা হ'য়োনা জয়ন্তী ! এ গুণ্ডা সহজ গুণ্ডা নয়।
আজ বারোহাজার টাকা দিলেই তুমি এদের হাতে নিস্তার
পাবে না। এর পর তোমার মেয়ের বিয়ে হ'য়ে গেলে—নানা
ছলে তাদের কাছে টাকা আদায় ক'রবে—ওদের জীবন
একেবারে বিষময় করে তুলবে !

প্রথম অঙ্ক

- জয়ন্তী । তুমি আমাদের এখানে থাকবে বাবা ? কতদূর কি হ'ল, রোজ তোনার কাছে খবর পাব ।
- স্মরজিৎ । না—আপনাদের এখানে থাকবো না । যেখানে থাকি, সেখানেও থাকবো না—আমি অল্প জায়গায় অল্পভাবে থাকবো ; ঠিকানা আপনাদের দিয়ে যাব । মাঝে মাঝে এখানে আসবো ।
- সুরেন্দ্র । আচ্ছা, পুলিশের সাহায্য নেবেন কি ?
- স্মরজিৎ । প্রয়োজন হ'লে আপনাকে বলবো । আপনি যখন আজও ডায়েরি করাননি—এখন ডায়েরি করানো—একটু অস্বাভাবিক মনে হ'তে পারে ।
- সুরেন্দ্র । আপনার record কেমন—পুলিশ আপনাকে জানে ?
- স্মরজিৎ । আমি revolutionary দলে মিশেছি বটে, কিন্তু active part কখনো নিইনি । আমার মনে হয়, পুলিশের record-এ আমার নাম নেই ।
- সুরেন্দ্র । তাহ'লে পুলিশকে একটু এড়িয়ে চলবেন । সাহায্য দরকার মনে করেন—সাহায্য নেবেন । Well, I won't dictate you. I give you full liberty. আমি কংগ্রেসের মেম্বর নই—কর্পোরেশানের কমিশনার নই—এমনি pure and simple business man. আমারই মত নিরীহ নাগরিকদের পীড়ন করা এদের কাজ—তবে আমি নিরীহ নই । আগে নিরীহ ছিলাম—এখন দেখছি in the long run, it does not pay. আপাততঃ খরচপত্রের জন্ত এই দু'শ টাকা রেখে দিন—দরকার হ'লে চেয়ে নেবেন ।

মাকড়সার জাল

স্বরজিৎ । ভার আমি নিলাম । তিনচার দিন পরে আপনার সঙ্গে দেখা ক'রবো ।

। তিনচার দিন দেরি হবে বাবা ?

স্বরজিৎ । নাও হ'তে পারে । দেখুন স্তরেনবাবু—আমি শুনেছি, এই রকম organised crime ক'লকাতায় আরম্ভ হয়েছে—আর ভারতবর্ষের সমস্ত বড় বড় সহরে এর শাখাপ্রশাখা ছড়িয়ে পড়েছে । কিন্তু আপনি কি সত্যি মনে করেন, আমাদের জাতীয় জীবনের উন্নতি-অবনতির সঙ্গে এর কোন যোগ আছে ?

স্বরেন্দ্র । নিশ্চয়ই আছে । অধিকাংশ ঘটনা যা ঘটে, তা খবরের কাগজে বেরায় না । Well, you take time and see.

স্বরজিৎ । আপনার মেয়ে সম্বন্ধে কোন কথা বলতে হবে না—সে ভার আমি নিয়েছি । আপনি যে ভাবে interpretে ক'রলেন—এই সব criminal organisations, এগুলো সত্যি আমাদের জাতি কি দেশের ব্যাধি কিনা? আমি তাই ভাবছি !

স্বরেন্দ্র । একটা জীবন্ত স্বাস্থ্যবান জাতির পক্ষে এটা হয়তো কিছুই নয়—a passing phase ! তারা বড় বড় সং কাজ করে, কাজেই বড় বড় অসং কাজ ক'রাব অধিকারও তাদের আছে । কিন্তু আমাদের মত অতুষ্করণপ্রিয় জাতির পক্ষে this is awfully bad—ভয়াবহ ব্যাপার ।

স্বরজিৎ । আপনি ঠিক বলেছেন ।

প্রথম অঙ্ক

স্বরেन्द्र । এই চিঠি আপনি রেখে দিন । টাকা দেওয়া প্রয়োজন মনে করেন—আমায় খবর দেবেন । পুলিশ ডাকা দরকার মনে করেন—ডাকতে পারেন । শুধু এইটুকু মনে রাখবেন, বড় criminal organisation—সোজা পথে ওরা যায় না ।

জয়ন্তী । বাবা—আমি আর তোমায় বেশী কি বলবো, আমার উৎপলাকে তুমি—

স্বরজিৎ । আপনি নিশ্চিন্ত থাকুন মা—উৎপলাকে আমি উদ্ধার ক'রবোই ।
আচ্ছা, উৎপলার কোন ফোটো আছে কি ?

জয়ন্তী । হ্যাঁ—আছে বৈ কি !

স্বরেन्द्र । চলুন, উৎপলার শোবার ঘরটা আপনাকে দেখিয়ে নিয়ে আসি । ঘরটা তারই নিজস্ব—সেই ঘরেই ফোটো আছে ।
আহ্ন—

[সকলে বাড়ীর ভিতরে গেলেন ।

দ্বিতীয় দৃশ্য

শালথিয়া—ভূধর মুখোপাধ্যায়ের বাড়ী। দ্বিতলের বসিবার ঘর—তাঁহার কন্যা
চিত্রা কবিতা আবৃত্তি করিতেছে।

চিত্রা। (আবৃত্তি)

O dark, dark, dark,
Amid the blaze of noon,
Irrecoverably dark, total eclipse
Without all hope of day !

O first created beam, and those good words
'Let there be light and light was over all',
Why am I thus bereaved of thy prime decree?
The sun to me is dark.....

(স্ননীতি দেবীর প্রবেশ)

স্ননীতি। Why the sun to you is dark, my darling !

চিত্রা। এস স্ননীতিদি !

স্ননীতি। কি হচ্ছে তোমার ?

চিত্রা। পড়া মুখস্থ করছি—

স্ননীতি। কি বই ?

চিত্রা। Milton—Samson Agonistes.

স্ননীতি। Samson Agonistes—কলেজে পড়ায় ?

প্রথম অঙ্ক

চিত্রা। হ্যা—পড়ায় বৈ কি ?

স্বনীতি। তোমার ভাল লাগে ?

চিত্রা। ভাল কি আর লাগে ?—একজামিন দিতে হবে যে !

স্বনীতি। আমসন্ কে জান ?

চিত্রা। এক্ষুণি বলে দিচ্ছি—নোট লেখা আছে।

স্বনীতি। নোট রেখে দাও—প্রতি মানুষই আমসন্

চিত্রা। না-না—প্রতি মানুষ কেন আমসন্ হবে ? আমসন্ একটা
বিশেষ মানুষ। সে অন্ধ—দুভাগ্য—

স্বনীতি। মানুষ মাত্রই অন্ধ—সামনে দেখতে পায় না, পিছনে দেখতে
চায়না !

চিত্রা। স্বনীতিদি, তুমি বেশ মজার মজার কথা বল ! আচ্ছা স্বনীতি-
দি, তুমি কোথায় পড়েছিলে ?

স্বনীতি। আমার বাবার কাছে।

চিত্রা। স্কুল-কলেজে পড়েছিলে ?

স্বনীতি। না !

চিত্রা। পাশ করেছিলে ?

স্বনীতি। পরীক্ষাই দিই নি !

চিত্রা। আচ্ছা স্বনীতিদি, তুমি কি বিয়ে করবে না—প্রতিজ্ঞা করেছ ?

স্বনীতি। না—প্রতিজ্ঞা করিনি,—তবে বর কোথায় পাব ?

চিত্রা। তুমি যদি বিয়ে কর্তে রাজি হও—বরের অভাব হবেনা।

স্বনীতি। তাই না কি ?

চিত্রা। তুমি যদি রাজি থাক—তাহ'লে ঘটকালি করি !

মাকড়সার জাল

সুনীতি । থাক্,—আর ঘটকালি করতে হবেনা । মিঃ মুখার্জি এখনো ফেরেন নি ?

চিত্রা । কোন্ মুখার্জি ? Junior or the Senior ?

সুনীতি । আমি কি Junior-এর কোন তোয়াক্কা রাখি—?

চিত্রা । Junior-এর যে তোমার জ্ঞান প্রাণ যায় ! দাদা ব'লেছে, তোমার যদি না পায়—বৈরিগী হবে !

সুনীতি । (সহসা গভীর হইয়া) চিত্রা—এসব কথা তোমার মুখে আর যেন কোন দিন না শুনি !

চিত্রা । রাগ ক'রলে সুনীতিদি ?

সুনীতি । না !

চিত্রা । বস !

সুনীতি । তোমার বাবা কখন ফিরবেন—ব'ললে না তো ?

চিত্রা । এখনি ফিরবেন—কত আর দেরি হবে ? ... বাবার সঙ্গে তোমার কতদিন আলাপ সুনীতিদি ?

সুনীতি । আমার সম্বন্ধে তোমার এত কৌতূহল কেন ? ...
আমার কোন কথা জানতে চেওনা !

চিত্রা । তুমি আমার উপর রাগ করেছ !

সুনীতি । না—রাগ করিনি । চিত্রা, আমায় একখানা গান শোনাও !

চিত্রা । আমার গান কি তোমার ভালো লাগবে ?

সুনীতি । নইলে গাইতে ব'ল্‌বো কেন ?

চিত্রা । কি গান গাইব—প্রেমের গান ?

সুনীতি । এমন একটা নারীর গান গাও—যে আজীবন তার বাস্তবিক

প্রথম অঙ্ক

অপেক্ষায় থেকে—এইমাত্র তাঁর পায়ের ধ্বনি শুন্তে পেল !

‘জানা আছে এমন গান ?

চিত্রা । মনে করে দেখি—

স্বনীতি । কথা না হ’লেও আনার চ’লবে—শুধু—তুমি যদি স্নয়ের আব-
হাওয়া সৃষ্টি করতে পার !

চিত্রা । তাহ’লে তো মোটেই পারবোনা !

স্বনীতি । না না—তুমি যা গাইবে, তাতেই আমি ভাব আরোপ ক’র্ব্বো
—আমার অস্তবিশেষ হবে না !

(চিত্রা গাহিল)

গান

ঝর ঝর ঝর ঝর

শাওন গগনে ঝরে বারি !

ঝিল্লিমুখরিত; বিজন বনপথ,

ঝনন্ ঝনন্ ঝন্, মেঘ-গরজন—

কুঞ্জ কুটীরে একা রহিতে নারি !

প্রিয়তম হে—

কণ্টক ফুটে ফুলশয়নে,

নিদ নাহি রে আর নয়নে

এস হে হিয়ার গোপন পথচারী !

ওই তার পদধ্বনি দূর বনে শোনা যায়—

মা'কিড্‌সার জাল

মেঘের মাদল বাজে বাদলধারায় !

দ্রিম্ দ্রিম্, দ্রিম্ দ্রিম্—

বরিষণ ঝিম্ ঝিম্,

হিয়ার এ ছুরু ছুরু কেমনে নিবারি ॥

(কুমুদরঞ্জন প্রবেশ করিলেন)

কুমুদ । স্ননীতি দেবী—কতক্ষণ ?—নমস্কার !

স্ননীতি । নমস্কার—খুব বেশীক্ষণ নয়—চিত্রার গান শুন্‌ছিলাম !

কুমুদ । ও গাইতে জানে না—আপনি একখানি গান !

স্ননীতি । আমি গাইতে জানি না ।

চিত্রা । তোমার মুখ দেখে মনে হয়, তুমি খুব বড় গাইয়ে ।

কুমুদ । তুই থাম—আর গান শুনে কাজ নেই ! যা—বাড়ীর ভিতর থেকে স্ননীতি দেবীর জন্তে জল খাবার নিয়ে আয় !

(চিত্রার মুহূ হাশু)

স্ননীতি । আমি তো জলখাবার খাইনে !

কুমুদ । এক কাপ চা ?—

স্ননীতি । না—ধন্যবাদ ! আপনার বাবার আস্তে দেবী হবে কি ?

কুমুদ । আধ ঘণ্টার বেশী নয়—

স্ননীতি । তাহ'লে আমি বরং উঠি—

কুমুদ । আমিই না হয় চ'লে যাচ্ছি—আপনি যেমন চিত্রার সঙ্গে গল্প ক'রছিলেন, তেমনি গল্পগুজব করুন না ?

স্ননীতি । না—আমি একটু পরেই আসবো । নমস্কার ! . [প্রস্থানোচ্ছত ।

প্রথম অঙ্ক

কুমুদ । আপনি কি সত্যিই চলে যাচ্ছেন ?

সুনীতি । হ্যা—! কেন—আপনার বিশ্বাস হচ্ছিল না ?

কুমুদ । একটু বসুন না—চা না-হয় নাই থাকেন !

সুনীতি । আমি বসলে আপনি খুসী হন ?

কুমুদ । এই চিত্রা, আরে গেল যা—তুই শুধু শুধু হাসছি কেন ?

চিত্রা । হাসি পেলে হাসবো না তো—গোম্ড়ামুখো হ'য়ে ব'সে থাকবো নাকি ? বস—সুনীতিদি !

(সুনীতি বসিলেন)

(নেপথ্যে বিভাকর নামে একটি ছেলে ডাকিল—“চিটরা”)

বিভাকর । (নেপথ্যে) চিটরা—!

চিত্রা । কে—বিভাকর ?

বিভাকর । (নেপথ্যে) ভিতরে যাব ?

চিত্রা । এস না ?

(বিভাকর ভিতরে আসিল)

কুমুদ । তাহ'লে সুনীতি দেবী, আপনি না হয় একটু পরেই আসবেন !

(চিত্রা আবার খিল খিল করিয়া হাসিয়া উঠিল)

সুনীতি । না—আর যাবনা—একেবারে মিঃ মুথার্জির সঙ্গে দেখা করেই চলে যাব ।

কুমুদ । তারপর বিভাকর—Your latest sensation ?

বিভাকর । সিগ্‌রেট খেতে শিখেছি !

চিত্রা । কবে থেকে ?

মাকড়সার জাল

বিভাকর । This fine morning তিনটে থেয়েছি—the fourth light. ভালকথা দাদা—আপনাদের কাছে আমার একটু আর্জি—হয় আপনারা বালিগঞ্জে চলুন, না-হয় আপনার বোনকে কলেজ ছাড়িয়ে নিন ! Well, চিট্রা—get a cup of tea at least. I'm awfully tired ! বাসে আস্তে হ'ল—একঘণ্টার উপর সময় লেগেছে । (স্থনীতির প্রতি) মাপ করবেন—বড় অসভ্যের মত ব্যবহার ক'রেছি—আমি মনে করেছিলাম রমলা ! Well চিট্রা, গুঁর সঙ্গে আমার পরিচয় করিয়ে দাও ?

চিট্রা । আমার সহপাঠী শ্রীযুক্ত বিভাকর ব্যানার্জি—আর ইনি আমার স্থনীতিদি !

বিভাকর । স্থনীতিদি বল্লে তো কোন পরিচয় হ'ল না !

চিট্রা । চায়ের কথাই বলে আসি ।

[চিট্রার প্রস্থান ।

বিভাকর । কুমুদদা বস—দাঁড়িয়ে রইলে কেন ? Well, I see. Am I an intruder ?

কুমুদ । ভারি ইয়ার হয়েছ যে—এইটুকু ছেলে !

বিভাকর । এইটুকু ছেলে ! —স্থনীতি দেবীর সামনে আমায় অপমান করনা !

কুমুদ । এইটুকু ছেলে ছাড়া কি ব'লবো ?—সবে তো আজ সকালে সিগ্রেট খেতে শিখেছি !

বিভাকর । তুমি কতদিন খাচ্ছ ?

প্রথম অঙ্ক

কুমুদ । সেকেণ্ড ক্লাস থেকে !

বিভাকর । তাহ'লে তো এতদিন তোমার গাঁজার ক্লাসে প্রমোশন পাওয়া উচিত ছিল ! স্ত্রীতি দেবী, মাপ করবেন—কিন্তু আপনার সম্বন্ধে তো কিছুই জানলুম না—বলনা কুমুদদা ?

স্ত্রীতি । আমিই বলছি—উনি জানেন না !

বিভাকর । ওঃ—মাপ করবেন—I have been a cad !

স্ত্রীতি । পরিচয় শুনে চান কেন ?

বিভাকর । এমনি—কৌতূহল হ'য়েছিল । প্রায়ই আসি—দেখা হয়নি কখনো । কৌতূহল দমন করছি !

স্ত্রীতি । এঁদের বাবা—মিঃ মুখার্জির আপিসে আমি ক্যান্ডাসারের কাজ করি ।

বিভাকর । মাপ করবেন—এও ঠিক পরিচয় হ'ল না ; এর চেয়ে চিত্রার 'স্ত্রীতিদি'—টের ভাল পরিচয় ছিল !

স্ত্রীতি । সত্যি—চিত্রার স্ত্রীতিদিই আমার সব চেয়ে বড় পরিচয় !

(চিত্রা চা লইয়া আসিল)

ত্না । বিভাকর !

বিভাকর । আমি একা ?

ত্না । দাদা খেয়েছে—স্ত্রীতিদি খান না ; তোমার সব কথায় কৈফিয়ৎ তলব যে ?

বিভাকর । None to keep company ? একা একা অসভ্যের মত থাব !

ত্না । তুমি কি বলতে চাও—তুমি স্বসভ্য ?

মাকড়সার জাল

বিভাকর। স্বনীতিদির কাছে একটু সভ্য হবার ইচ্ছে ছিল ! সবাই স্বনাম-
প্রচারের কামনা করে।

কুমুদ। এই বিভা—তুই এবার খেল্ছিস্ ?

বিভাকর। কেন—তুমি আর মাঠে যাওনা ?

কুমুদ। না—

বিভাকর। রেসে যাচ্ছ বুঝি ?

কুমুদ। No, Greater sensation !

(সকলের অজ্ঞাতে বিভাকর চিত্রাকে কি ইঙ্গিত করিল)

বিভাকর। চিট্রা !

চিত্রা। কেন ?

বিভাকর। একটা কথা ছিল—

চিত্রা। বলনা ?

স্বনীতি। আমি চলে যাব ?

বিভাকর। না না না—সে কি হয় ? তার চেয়ে বরং আমরাই—wel

চিট্রা—one minute !

[উভয়ের প্রস্থান]

কুমুদ। স্বনীতি দেবী !

স্বনীতি। আমায় ডাকলেন ?

কুমুদ। হ্যাঁ !

স্বনীতি। কিছু বলবেন ?

কুমুদ। আপনাকে আমি যদি স্বনীতি দেবী না বলে শুধু স্বনীতি
বলি, আপনি কি রাগ ক'রবেন ?

প্রথম অঙ্ক

সুনীতি । না—আপনি সুনীতিই বলবেন ।

কুমুদ । ওঃ—আচ্ছা, সুনীতিই বলবো । দেখুন সুনীতি, আচ্ছা—আপনি আমার সঙ্গে ভাল করে কথা বলেন না কেন ?

সুনীতি । কেন বলবোনা?—এইতো কথা বলছি ।

কুমুদ । আপনাকে যদি ছ'একটা প্রশ্ন করি ?

সুনীতি । বেশ তো—প্রশ্ন করুন !

কুমুদ । আপনি এতদিন আমাদের বাড়ীতে আসেন যান—অথচ আপনার কোন পরিচয় আমরা জানিনে !

সুনীতি । আপনার বাবা জানেন ।

কুমুদ । আচ্ছা, আপনি যে এই “লেডি ক্যানভাসারে”র কাজ করেন—এটা কি খুব ভাল কাজ ?

সুনীতি । মন্দ কি?—আমার তো বেশ, ভাল লাগে !

কুমুদ । আপনার স্বামী আপনাকে এ কাজ করতে দেন ?

সুনীতি । আমার স্বামী আছেন, এ খবর আপনাকে কে দিল ?

কুমুদ । আমি মনে ক'রতাম! তা বেশ, বেশ—আপনার অভিভাবক কে ?

সুনীতি । আমি নিজেই—

কুমুদ । Excuse me. আমি যদি প্রশ্ন করি, আপনি বিয়ে কচ্ছেন না কেন ?

সুনীতি । আমার টাকা নেই যে—

কুমুদ । টাকা?—টাকা কি হবে ?

মাকড়সার জাল

সুনীতি । বরের বাপকে অনেক টাকা না দিলে বাংলাদেশে মেয়েদের বিয়ে হয় না—এ আপনি জানেন না ?

কুমুদ । এমন বরও তো পাওয়া যায়, যে টাকা চায় না !

সুনীতি । আমার বাবা অনেকদিন ধ'রে আমার জন্যে সেইরকম একটা বর খুঁজেছিলেন—তিনি পাননি !

কুমুদ । এখন যদি সেইরকম একটা বেশ সুশিক্ষিত ভদ্রবংশের ছেলে পাওয়া যায়—আপনি বিয়ে করবেন ? এখন তো আপনি নিজেই নিজের অভিভাবক !

সুনীতি । আপনি কি আজকাল বিয়ের ঘটকালি ক'রছেন নাকি ?

কুমুদ । না, তা নয়—তা নয় ; এমনি জিজ্ঞাসা করছি !

সুনীতি । চিত্রা কোথায় গেল ?

কুমুদ । বিভাকরের সঙ্গে বারান্দায় গল্প ক'চ্ছে ।

সুনীতি । না—বারান্দায় কেউ আছে বলে মনে হয় না ।

কুমুদ । তাহ'লে বাড়ীর বাইরে কোথাও গেছে !

সুনীতি । আপনার বোনকে এভাবে ছেলেদের সঙ্গে মিশতে দেন আপনারা ?

কুমুদ । আজকাল সবাই তো মেশে !

সুনীতি । আপনার না কোথায় ?

কুমুদ । সিনেমা দেখতে গেছে বোধহয় !

সুনীতি । মেয়েকে সঙ্গে নিয়ে গেলেন না কেন ?

কুমুদ । পাছে রোজ রোজ সিনেমা দেখে মেয়ে খারাপ হ'য়ে যায়, তাই ওকে নিয়ে যান না—অথচ নিজের যাওয়া চাই ! মায়ের কথা

প্রথম অঙ্ক

আর বলবেন না। ওসব কথা বাক্—আপনাকে যে প্রশ্ন করেছি, তার জবাব দিন !

সুনীতি। প্রশ্নটা আর একবার করুন—কি বলেছিলেন, আমার ঠিক মনে নেই !

কুমুদ। একটা ভাঁল ছেলে যদি আপনাকে বিনা পণে বিয়ে ক'রতে রাজি থাকে, আপনি রাজি হবেন কিনা ?

সুনীতি। আমার সঙ্গে ছেলেটীর আলাপ করিয়ে দেবেন—আমি বিচার ক'রে দেখবো !

কুমুদ। এমনো তো হ'তে পারে—আপনিও তাঁকে চেনেন, তিনিও আপনাকে চেনেন,—শুধু মন-জানাজানি হয় নি !

সুনীতি। তা হ'তে পারে। আচ্ছা, আপনি তাঁকে একদিন সঙ্গে করে আনবেন—তারপর মন-জানাজানি হবে।

কুমুদ। আপনি ঠাট্টা মনে করবেন না—আমি seriously বলছি !

সুনীতি। আমিও খুব seriously শুন্চি। আপনি তাঁকে আনবেন, আমি একটু বাজিয়ে নেব—অচল কি সচল ?

(মিঃ ভূধর মুখার্জির প্রবেশ)

ভূধর। এই যে—সুনীতি, কতক্ষণ ?

সুনীতি। অনেকক্ষণ—আপনার ছেলের সঙ্গে বসে বসে গল্প করছি !

ভূধর। কে—কটকে ? এই বাদর—বাস কোথায় ? এরকম করে চুল ছেটেছি কখন ?

কুমুদ। আজকাল সবাইতো ওইরকম ছাটে—নতুনটা কি দেখলেন ?

ভূধর। জগদীশ বাবুর সঙ্গে দেখা করেছিলি ?

মাকড়সার জাল

- কুমুদ । করেছিলাম—
- ভূধর । কি বল্লেন ?
- কুমুদ । এখন পঁচিশ টাকা করে দেবে !
- ভূধর । কাল থেকে আপিসে যাবি—বুঝ্‌লি ?
- কুমুদ । আমি যাব না !
- ভূধর । কেন ?
- কুমুদ । আমি পঁচিশ টাকা মাইনের চাকরি ক'রবো না !
- ভূধর । হুঁ, তোমায় পাঁচশ' টাকা মাইনের চাকরি কে দেবে ? বি-এ, ফেল করে পাঁচ বছর ধ'রে বাপের অন্ন ধ্বংস ক'রছ—লজ্জা করে না ? কত বড় নজর—পঁচিশ টাকা মাইনে পছন্দ হচ্ছে না ! হুঁ, পেলে বর্তে যাবিরে হতভাগা—পেলে বর্তে যাবি !
- কুমুদ । আমি business করবো !
- ভূধর । আচ্ছা করিস্—এখন এখান থেকে যা । তোর না কোথায় ? চিত্রা কোথায় ?
- কুমুদ । জানিনে !
- ভূধর । রেস খেলতে আরম্ভ ক'রেছ গুন্‌লাম ?
- কুমুদ । আপনার টাকায় নয় !
- ভূধর । চুরি ক'চ্ছ ?
- কুমুদ । আপনার পকেট থেকে নয় !
- ভূধর । তোমার মায়ের বাক্স থেকে ?
- কুমুদ । মা সেদিকে হুঁসিয়ার ! বাক্সের চাবি ঠিক আছে—গুধু ছেলে-মেয়ে কোথায় গেল, তাই ঠিক থাকেনা !

প্রথম অঙ্ক

(কুসুমকামিনীর প্রবেশ)

কুসুম । ছেলেমেয়ে তো আর কচি খোকাখুকী নয় যে, চোখে চোখে রাখতে হ'বে ?

ভূধর । শুন্তে পেয়েছ ?

কুসুম । কাণ থাকলেই শুন্তে হয়—কাণের মাথা তো খাইনি আজো !

ভূধর । ষাট্ ষাট্—বালাই ! অমন কথা মুখে আনে ?—এখনি কাণের মাথা থাকে কি ? আগে চুলগুলি শোনের ঝড়ি হোক, দাঁত পড়ুক—অন্ততঃ বারছই চোখের ছানি কাটা হ'ক—তারপর তো কাণ ?

কুসুম । আহা—কি স্তম্ভদগা ! পতি পরমগুরু, পত্নীর মঙ্গলকামনা ক'চ্ছেন !

ভূধর । কামনা না ক'রলেও অবস্থাটা আমতে খুব বেশী বিলম্ব নেই—তা যতই সেপ্টিপিন এঁটে কাপড় পর—আর মুখে পাউডার ঘস ।

কুসুম । আমি একাই বুড়ো হব—আর তো কেউ বুড়ো হবে না ! তোমারও ও চেকুনাই আর বেশীদিন থাকবেনা—মনে রেখো !

ভূধর । যাক্ যাক্—ওসব কথা ছেড়ে দাও—Make peace, we are too old to quarrel in public.' শেক্হাও করবো নাকি ?

কুসুম । আর শেক্হাও করতে হবে না—থাম ! গোড়া কেটে আগায় জল দিচ্ছেন !

ভূধর । চিত্রা কোথায় গেল ?

কুসুম । তোমার up-to-date মেয়ে—মায়ের তোয়াক্কা রাখে কিনা ?

ভূধর । মাও তো আর কিছু old hag নয় !

কুসুম । কি বললে ?

মাকড়সার জাল

ভূধর। ‘নয়’ বলেছি—Old hag নয় ; তবে হ’তে বেশীক্ষণ লাগে না—
only ten years. আজ যে up-to-date, দশবছর পরে সেইই
old hag ! (কুমুদের প্রতি) এই হতভাগা, তুই কি শুনছিস ?—
বাপনায়ের রসিকতা enjoy কচ্ছ ?—stupid কোথাকার !
যা—বাইরে যা !

কুমুদ। যাচ্ছি—কিন্তু এসব ভাল নয় !

ভূধর। কি ভাল নয় ?

কুমুদ। বুড়োবয়সে এই সব কষ্টনষ্ট ! পাড়ার লোকে আপনাদের
স্থখ্যাত করে না। ভুলে যাবেন না—আপনাদের বানপ্রস্থ
নেবার বয়স হয়েছে।

ভূধর। বানপ্রস্থ নিচ্ছি—সংসারের ভারটী তুমি ঘাড়ে কর ?

কুমুদ। আমি কেন সংসারের ভার নিতে যাব—আমার গরজ ? যার
সংসার সেই বুঝবে ! কি বলেন স্ত্রীশ্রী দেবী ?

(চিত্রার প্রবেশ)

কুমুদ। কোথায় গিয়েছিনিরে চিত্রা ?

চিত্রা। কোথায় আবার যাব ! বিভাকরের সঙ্গে গল্প করছিলাম।

কুমুদ। রাত্তায় ?

চিত্রা। ই্যা—রাত্তায় বৈকি ! টিপ্ টিপ্ করে বৃষ্টি হচ্ছে—রাত্তায় যাব
না তো আর যাব কোথায় ? [কুমুদের প্রশ্নান।

চিত্রা। মা, তুমি আমায় লুকিয়ে “মেরী এন্টিয়নেট” দেখে
এলে তো ?

প্রথম অঙ্ক

কুসুম। “মেরী এন্টিয়েনেট” দেখবার বয়স তোমার এখনো হয়নি—
তুমি দেখবে “মিকি মাউস”।

চিত্রা। আমার অনেক বয়েস হয়েছে—আমি “হাভলক্ এলিসের” উপর
প্রবন্ধ লিখেছি—আর আমি দেখবো “মিকি মাউস” ?

সুনীতি। যে দিন “হাভলক্ এলিসের” দশকথা বুঝবে, সেইদিন
“মিকি মাউস” দেখেও আনন্দ পাবে !

চিত্রা। সুনীতিদি কি যে বল ?

ভূধর। মিসেস্ মুখার্জি, আপনার কুমারী নিয়ে দয়া করে একটু বাড়ীর
ভিতরে যান না—আমাদের একটু business talk আছে।

কুসুম। (জনাস্তিকে) business talk ?

ভূধর। হ্যা—সত্যি ?

কুসুম। তুমি ভাব, ছুনিয়ার লোক বোকা—তুমি একাই চালাক ?

ভূধর। মেয়ের সামনে,—একটী ভদ্রমহিলার সামনে—কি বলচো ?

কুসুম। তুমি বকধাম্বিক সেজে থাক ব’লে মনে ক’চ্ছ বুঝি ভিতরের
কথা কেউ জানেনা ? আমার উপর চাল দিতে যেওনা !

ভূধর। পাগল ?—আমার কি বুদ্ধিব্রংশ হ’য়েছে যে, তোমার উপর চাল
দিয়ে জিত্বার কল্পনা করব ! চিত্রা, একটু বাইরে যাও তো
মা—বাইরে যাও ! [চিত্রার প্রস্থান।

কুসুম। আচ্ছা !

ভূধর। (জনাস্তিকে) কিছু ভেবো না—(সর করিয়া) “তোমারেই করিয়াছি
জীবনের প্রবতারা। এ সমুদ্রে আর কত হব নাক দিশেহারা।”

[কুসুমকামিনীর প্রস্থান।

মাকড়সার জাল

ভূধর । স্তনীতি !

স্তনীতি । বলুন !

ভূধর । অনেকক্ষণ অপেক্ষা করতে হয়েছে ?

স্তনীতি । একঘণ্টার বেশী নয় । রাত হয়ে গেল—এখনি উঠতে হবে ।

আজ টাকা দেবেন ?

ভূধর । নিশ্চয়ই !

স্তনীতি । নগদ ?

ভূধর । না—চেকেই দিচ্ছি—(চেক লিখিলেন) । এ সপ্তাহের রিটার্ন
—আর এই টাকা !

স্তনীতি । (হাতে করিয়া লইল) এখন আমার কোনো কাজ আছে ?

ভূধর । রাত কটা ?—দশটা সতেরো ? তুমি direct বাড়ীতেই যাবে ?

স্তনীতি । আপনি যা'বল্বেন ।

ভূধর । কখন ঘুমবে ?

স্তনীতি । রাত ছুটোর পর ।

ভূধর । একটা থেকে দেড়টার ভিতর যদি ফোন না পাও—আজ রাতে
আর দরকার হবে না জেনো !

(বাহিরে কড়ানাড়ার শব্দ হইল)

ভূধর । (জানালার কাছে গিয়া) কে ?

স্মরজিৎ । (নেপথ্য হইতে) একটু দরকার আছে—অকুগ্রহ করে দোরটা
খুলে দিন না একবার !

ভূধর । স্তনীতি, একটু বস—তোমার সামনেই লোকটার সঙ্গে কথা কইব ।

(ভূধর চলিয়া গেল । চিত্রা দোরের কাছে আসিল ।)

প্রথম অঙ্ক

চিত্রা । স্নানীতিদ !

স্নানীতি । এখন এখানে এস না চিত্রা !

(চিত্রা স্নানীতিকে লক্ষ্য করিয়া চলিয়া গেল, ভূধরের সঙ্গে স্মরজিৎ ঘরে আসিলেন)

ভূধর । আপনাকে পরিচিত মনে হচ্ছে না !

স্মরজিৎ । না—পরিচিত নই !

ভূধর । আপনি কাকে চান ?

স্মরজিৎ । তা ঠিক বলতে পারছি না । আচ্ছা—এটা তো ৩৫নং হরিহর
দত্ত রোড্ ?

ভূধর । নম্বর তো বাড়ীর গায়েই লেখা আছে ।

(স্মরজিৎ কথা কহিচ্ছেন ভূধরের সঙ্গে, কিন্তু তাঁহার দৃষ্টি ছিল স্নানীতির উপর)

স্মরজিৎ । আমি একটু শর্টসাইট্, নম্বরটা ঠিক বুঝতে পারিনি । এই
বাড়ী কি ?

ভূধর । হ্যাঁ—এই বাড়ী ; কি দরকার বলুন তো ?

স্মরজিৎ । একটা বন্ধুর আসবার কথা ছিল—এই ঠিকানায় ।

ভূধর । আপনার বন্ধুর ?

স্মরজিৎ । হ্যাঁ—আমারই ?

ভূধর । কোথা থেকে আসছেন ?

স্মরজিৎ । তাও ঠিক জানিনে—চিঠিতে ঠিকানা দেওয়া নেই ।

ভূধর । কখন আসবেন লিখেছেন ?

স্মরজিৎ । রাত দশটার পর ।

ভূধর । আপনার বন্ধু ভুল ঠিকানা দেননি তো ?

স্মরজিৎ । আমায় হররাণ ক'রবার মতলব থাকলে দিতেও পারেন !!

মাকড়সার জাল

ভূধর । আপনি বসবেন ?

স্মরজিৎ । না—শুধু শুধু এখানে বসে আপনাকে আর কষ্ট দেব না ।

ভূধর । আপনার বন্ধু কি আমার পরিচিত ?—নামটী কি বলুন তো ?

স্মরজিৎ । স্মরজিৎ মিত্র ।

ভূধর । ও নামে আমার পরিচিত কেউ আছেন ব'লে মনে হচ্ছে না তো !

স্মরজিৎ । আচ্ছা, আমি তাহ'লে এখন আসি—আপনাকে শুধু শুধু কষ্ট দিলাম ! (ষাইতে ষাইতে ফিরিয়া আসিয়া) ই্যা—দেখুন, যদি এরপর তিনি আসেন—অনুগ্রহ করে এই ঠিকানায় আমার সঙ্গে একবার দেখা করতে বসবেন । (একখানি কার্ড দিলেন)

ভূধর । (কার্ড দেখিয়া) আচ্ছা । আর কিছু জিজ্ঞাসা করবেন ?

স্মরজিৎ । না—তবে (স্মনীতিকে দেখাইয়া) এঁকে দেখে আমার অনেক দিনের পরিচিত একখানি মুখ মনে প'ড়েছে—ওঁর সঙ্গে একটু আলাপ ক'রবো ।

ভূধর । আপনি আলাপ করুন !

(স্মরজিৎ স্মনীতি দেবার কাছে আসিলেন)

স্মনীতি । আপনি ভুল কচ্ছেন—আমায় কখনো দেখেন নি !

স্মরজিৎ । তাই কি ?

স্মনীতি । ই্যা !

স্মরজিৎ । আপনি ছেলেবেলায় এলাহাবাদে ছিলেন ?

স্মনীতি । না !

প্রথম অঙ্ক

হরজিৎ । আপনার যখন ন'বছর বয়স, তখন আপনার বাবা কি সম্মোসী
হ'য়ে চ'লে যান ?

শ্রীমতী । না !

হরজিৎ । সেবার প্রয়াগে কুন্তমেল হ'য়—মনে পড়'ছে ?

শ্রীমতী । না !

হরজিৎ । কিন্তু, আমার তো ভুল হ'ওয়া উচিত নয় ?—সে মুখ যে আমার
মনে গাঁথা আছে !

শ্রীমতী । আপনি আমায় এ সব কথা কেন ব'লছেন ?

হরজিৎ । আমার অপরাধ হয়েছে—আমায় ক্ষমা ক'রবেন ! আচ্ছা—
আমি আসি ! [প্রস্থান ।

ভূধর । চেনো নাকি ?

শ্রীমতী । ঠিক মনে ক'রতে পারছি না !

ভূধর । তোমার বাবার সম্বন্ধে যা বললে, তা সত্যি ?

শ্রীমতী । একেবারে মিথ্যে নয় !

ভূধর । কি রকম ?

শ্রীমতী । আপনাকে বলতে নিষেধ আছে ।

ভূধর । ও—আচ্ছা—এলাহাবাদের কথাটা ?

শ্রীমতী । মনে পড়ে না ।

ভূধর । লোকটা ধাপ্পা দিয়ে গেল ?

শ্রীমতী । কি জানি—মনে হয়, কোথায় দেখেছি !

ভূধর । দেখা কিছু আশ্চর্য্য নয় ! পথেঘাটে, ট্রেনে—কত জায়গায়
দেখা হ'তে পারে !

মাকড়সার জাল

স্বনীতি । আমি এইবার আসি, রাত হয়ে গেল !

ভূধর । যা বলেছি, মনে থাকে যেন ?—সজাগ থেকে !

স্বনীতি । ছুটোর আগে ঘুমোব না ।

[প্রস্থান ।

[ভূধর ঘরখানি ঘুরিলেন—জানালার দিকে গিয়া রাস্তার পানে

চাহিলেন—একটি সিগারেট ধরাইলেন]

(কুসুমকামিনীর পুনঃপ্রবেশ)

কুসুম । ছুঁড়িতে চ'লে গেছে ?

ভূধর । হাঁ গেছে—কেন ?

কুসুম । ছ'চোখের বালাই !—ওকে আর বাড়ীতে এনোনা ।

ভূধর । কেন ?—ওর অপরাধ কি ?

কুসুম । তোমার গুণনিধি ছেলে 'লভে' পড়েছেন—ওকে ছাড়া আর কাউকে বিয়ে ক'রবেন না !

ভূধর । বটে ?—বটে ? কার কাছে শুনলে ?

কুসুম । চিত্রা ব'লছিল ! আমি তোমায় ব'লে দিচ্ছি—ও মিটমিটে ডান—ওইজন্তেই এখানে আসে । চূপচাপ ভালমানুষটির মত ব'সে থাকে,—লোকে দেখেই মনে করে, এমন মেয়ে আর হয়না !

ভূধর । সত্যি, মেয়েটা একটু অদ্ভুত বটে !

কুসুম । যা শুনলুম, কুমুদকে তো হাত করেছে ! কখন আসবে মনে ক'রে হা-পিভেশে বাড়ী ব'সে থাকে,—সন্ধ্যার পর তো আর বেরোয়ই না ! .

প্রথম অঙ্ক

ভূধর । এটিতো ভালকথা নয় ! মেয়ে ‘লভে’ পড়ে পড়ুক, বিয়ের খরচা বেঁচে যাবে—ছেলে ‘লভে’ প’লে যে বহু টাকা লোকসান !

কুস্তম । কি হ’ল তোমার বালিগঞ্জে বাড়ী করার ?

ভূধর । এই হ’য়ে এল আর কি !

কুস্তম । আচ্ছা—তুমি কি বললে শালগেয় বাড়ী ভাড়া করলে ? এখানে ভদ্রের লোক থাকে ? বিশেষ, আমাদের মত আপ্ট-ডেট-ফ্যাসানের লোক ? কি সব neighbours—আজও লক্ষ্মী-পূজা করে !

ভূধর । ওঁা, বল কি ? লক্ষ্মীপূজা—এখনো লক্ষ্মীপূজা ! নাঃ—এদেশের আর আশা নেই !

কুস্তম । ই্যা—বাড়ীজোদের বাড়ী থেকে নিমন্ত্রণ কর্তে এসেছিল ! চল, চল—এই মাসের ভিতরেই তুমি বালিগঞ্জে চল ; এখানে আর নয় । আমি বলছি তোমায়—বালিগঞ্জে না গেলে তোমার ছেলেমেয়ের বিয়ে হবে না ! শালগেয় কে মেয়ে দেবে ?—আর শালগেয় মেয়ে নেবেই বা কে ? যেখানকার “সিনেমা হাউসে” সাতটা “হাউস” ঘুরে একথানা দেখবার মত ছবি আসে, সেইখানে বাস ক’রে তুমি হবে মডার্ন !

ভূধর । যা বলেছ ! তবে কিনা, শালগেয়ও কতকগুলো স্ত্রীবিদে আছে—যা একেবারে ignore করা চলে না ! তা ছাড়া, ‘ভেজিটেবল্ স্ত্রপ্’ আর ‘পটেটো চপ’ খেয়েও অনেকদিন পর্য্যন্ত মডার্ন থাকা যায় ।

মাকড়সার জাল

কুসুম । না, আমি ওসব কোন কথা শুন্তে চাইনে—বত শীগ্গির পার,
বালিগঞ্জের বাড়ীর ব্যবস্থা কর । পূজোর সময় এখানে থাকলে
ঢাকের বাঙে আর ঘুমুতে হবেনা !

তৃতীয় দৃশ্য

[সুনীতি দেবীর বাসগৃহ—দোতলা বাড়ীর একখানা নীচের ঘর । ঘরখানি
পরিষ্কার-পরিচ্ছন্ন, সাজানো-গোছানো—একদিকে বিছানা । সামান্য,
কিন্তু শোভন । একটা “ইকমিক্ কুকার”—কি রান্না হইতেছিল ।
সুনীতি ঘরের কাজ করিতেছিল—অত্যন্ত নীরবে এবং
মনঃসংযোগের সহিত—সদর দোরের শব্দ শোনা গেল]

সুনীতি । কে ?

অনিলা । (নেপথ্যে) আমি, দোর খুলে দে !

সুনীতি । অনিলা ?

অনিলা । (নেপথ্যে) ই্যা— !

[সুনীতি দোর খুলিল, অনিলা ঘরে আসিল, হাতে পানের ডিবা, সুনীতির সমবয়স্কা
ঘরগী-গৃহিণী—বেশ রসালো মামুষটি, আসিগা ধপাৎ করিয়া বিছানায় বসিয়া পড়িল]

সুনীতি । এখনো চ'রে বেড়াচ্ছ ?—কর্ত্তা কোথায় ?

অনিলা । কি জানি, কোন্ বন্ধুর বিয়েতে বরযাত্রী গেছে,—এখনো
ফেরেনি ভাই !

প্রথম অঙ্ক

স্ত্রীতি । ওঃ—তাই বিরহিণীর শব্দাকণ্টক হ'য়েছে ?

অনিলা । ডু'বণ্টার বিরহেই শব্দাকণ্টক !

স্ত্রীতি । আমি তো শুনেছি, অনেক সময় পলকের অদর্শন অসহ্য হয়ে ওঠে ! চোখে পলক থাকার দরুণ কোন কোন অসহিষ্ণু বিরহী চোথকেই গালাগাল দিয়েছে !

অনিলা । দিয়েছে দিয়েছে—সব বিরহ-মিলন এখন থাক ; একটা কাজের কথা ব'লতে এলাম ।

স্ত্রীতি । কাজের কথা আমার সঙ্গে ? বল—আমি তো সংসারের সকল কাজেরই বাইরে !

অনিলা । তোমায় সংসারের বাইরে থাকতে দেওয়া হবেনা ।

স্ত্রীতি । ষড়মন্ত্র ?

অনিলা । না, প্রকাশ্য বিদ্রোহ !

স্ত্রীতি । ও বাবা ! গীতা ঘুমিয়েছে ?

অনিলা । অনেকক্ষণ !

স্ত্রীতি । ঘরে চোর আসবে না তো—?

অনিলা । ঠাকুরপোকে বসিয়ে এসেছি—সে পড়ছে ।

স্ত্রীতি । নিজের ঘরসংসার গুছিয়ে নিশ্চিন্ত হ'য়ে পরোপকার ক'রতে বেরিয়েছ ?

অনিলা । সংসারী মানুষের নিয়মই তাই । তারা হিসেব করে কাজ করে ।
তোর মত আপনভোলা নয় !

স্ত্রীতি । তাহ'লে পরোপকার ক'রবেই ?

অনিলা । ঠিক পরোপকার নয়—আত্মরক্ষা !

মাকড়সার জাল

সুনীতি । হৃদয়দুর্গে বন্দী করে রেখেও ভয় গেল না !

অনিলা । অতো বাজে বক্‌বি তো চ'লে যাই—

সুনীতি । আচ্ছা ভাই, বল—বল ! পান-শুপুরি ছাত্রে নিয়ে শুন্‌বো নাকি ?

অনিলা । তুই তো আর পান খাসনে—পাবি কোথায় ? চালাকি রাখ—আমার কথা শোন্ । তোকে বিয়ে ক'রতে হবে ।

সুনীতি । কেন ? কর্তা আইবুড়ো ভাড়াটে রাখবেন না ব'লে নোটীশ দেবেন নাকি ?

অনিলা । কর্তা যদি না দেন—গিন্নী দেবেনই !

সুনীতি । অত সাবধান হ'চ্ছ কেন ?

অনিলা । দিনকতক গিন্নী হ'য়ে ঘর ক'রলেই বুঝতে পারবে—সাবধান হওয়া কত দরকার !

সুনীতি । ওঃ—ভগবান যখন দেন, এই রকম একসঙ্গেই দেন !

অনিলা । কি রকম ? অগ্র 'এন্‌গেজমেন্ট' হ'য়েছে নাকি ?

সুনীতি । আজই সন্ধ্যায় আর একজন 'ক্যাণ্ডিডেট' প্রস্তাব ক'রুছিলেন । অথচ, একদিন বাবা যদি একটি অতি গরীব পাত্রের সঙ্গেও আমার বিয়ে দিতে পারতেন—স্বখে ম'রতেন ; কিন্তু চেষ্টা করেও সেদিন তা তিনি পারেন নি !

অনিলা । সেই অভিমানে তুই কি চিরকুমারীই থাকবি ?—কখনো বিয়ে ক'রবিনে ?

সুনীতি । না করাই উচিত । তবে অতখানি জোরের কথা মুখে ব'ল্‌বো না । যাক্, তোমার কথাই শুনি—মাতুলটি কে ?

প্রথম অঙ্ক

অনিলা । মাতৃঘটি ভালই ছিল—কিন্তু তুমি যদি প্রতিজ্ঞা ক’রে থাক বিয়ে করবে না, তখন আর মানুষের কথা শুনে তোমার কি হবে ?

স্বনীতি । শুনে রাখি, ভবিষ্যতে কাজে লাগতে পারে ! কে কখন কি চলে আসেন, তা কি বলা যায় ?

অনিলা । আচ্ছা—তুই কখনো ‘লভে’ প’ড়েছিলি ?

স্বনীতি । না—সে সৌভাগ্য হয়নি !

অনিলা । তবে তুই বিয়ে ক’রবিনে কেন ?

স্বনীতি । ‘ক’রবো না’ বলিনি তো !

অনিলা । ওরে, লোকটি খুব ভাল ! তুই যেমনটি চাস—ঠিক তেমনি !

স্বনীতি । আমি কেমনটি চাই—কি ক’রে জানলে তুমি ?

অনিলা । তোমায় আমি চিনি গো! চিনি ! যতই জ্বতো-পায়ে ব্যাগ-হাতে আপিসে আপিসে ঘোরো, তোমার প্রাণের ছবিটি আমার নখদর্পণে আছে !

স্বনীতি । তুমি ব’লতে চাও, আমার পোষাকটাই ক্যানভাসারের ! প্রাণটা কার ?

অনিলা । প্রাণটা বিরহিণীর ! দে-রকম পুরুষ পাওয়া যায়নি ব’লে আজো তুমি কুনারাই আছ, তোমার ‘ক্যানভাসারের’ খোলস ভাঙছে না, ইনি সেইরকমের পুরুষ !

স্বনীতি । দেখলেই আমার ব্রতভঙ্গ হবে ? হয়তো হবে—আমার মন আমি জানিনে ! তুমি দেখিও না !

অনিলা । কেন ?—এত কি তোমার অভিমান ?

মাকড়সার জাল

স্বনীতি। অভিমান নয়! তুমি আমায় ভুল বুঝনা ভাই! অভিমান ক'রবো কার উপর? সংসার কি অভিমানের জায়গা?

অনিলা। ওরে শোন শোন—আমার মুখে তোর কথা শুনে তোকে তার এত ভাল লেগেছে, শুধু একটিবার তোর সঙ্গে দেখা ক'রে দুটো কথা ব'লতে চায়। বলিস্ তো একদিন নিমন্ত্রণ করি!

স্বনীতি। না—!

অনিলা। 'না' কেন?

স্বনীতি। তুমি আমার সব কথা জান না, আমার সংসারে নতুন বন্ধনে বাঁধা প'ড়বার উপায় নেই—হয়তো শক্তিসামর্থ্যও নেই!

অনিলা। বুঝেছি,—সংসারে সাধারণ মেয়ে যা চায়, তুমি তা চাওনা—তুমি অসাধারণ!

স্বনীতি। মোটেই না। আমি সাধারণ মেয়ের মতই সংসার কর্তে চেয়েছিলাম। জীবনের সুখ সেইখানেই। কিন্তু ভাই, অমুতে তো সবার অধিকার থাকে না—শুধু দেবকন্যারাই সুখ পান করেন! যাক্—একদিন তোমায় সব কথা ব'লবো। ওই তোমার কর্তা উপরে উঠছেন—যাও ভাই, ঘরে যাও!

অনিলা। তোর জন্তে আমার বড় ভয় হয় স্বনীতি!

স্বনীতি। ভয় ক'রো না। তোমার মত বন্ধু যার আছে, তার ভয় কি? যাও—ঘরে যাও!

[অনিলা চলিয়া গেল।

প্রথম অঙ্ক

[ঘরের দরজা খোলাই রহিল, সুনীতি অন্তমনস্কার মত একস্থানে চুপ
করিয়া দাঁড়াইয়া রহিল—তারপর বহুশ্রুত একটা পুরা তন গান
কি ভাবিয়া শুনু গুনু করিয়া গাহিতে লাগিল]

গান

“ভাস্লে তরী সকাল বেলা,

ভাবিলাম এ জলখেলা !

মধুর বহিবে বায়ু ভেসে যাব রঙ্গে !

মনে করি কুলে ফিরি,

বাহি তরী ধীরি ধীরি,

কুলেতে কণ্টক-তরু

বেষ্টিত ভুজঙ্গে !

বাহারে কাণ্ডারী করি,

সাজাইয়া দিনু তরী

সে কভু না দিল পদ,

তরণীর অঙ্গে ॥”

(গানের মধ্যে ফোন বাজিল)

সুনীতি । কে—সেজোবাবু ? কি দরকার ! কি—একটি মেয়েকে রাতের
জন্ম আশ্রয় দিতে হবে ? তারপর—সকালে চলে যাবে ? রাত্রে ?
আপনি তো জানেন, এটি ভদ্রলোকের বাড়ী—সন্দেহ ক’রবার
মত নয় তো ? নিয়ে আসুন ! হাঁ—একাই আছি ।

(অতি সন্তুর্পণে স্মরজিৎ ঘরে আসিলেন)

মাকড়সার জাল

সুনীতি । কে ?

স্বরজিৎ । আমি !

সুনীতি । আপনি !—আপনি কে ?

স্বরজিৎ । আপনিই বা কে ?

সুনীতি । এ আমার ঘর, আমি এখানে থাকি ।

স্বরজিৎ । অনুমান করা কঠিন নয় । ঘরটি ভাল—বেশ ঘর, গৃহকর্তার
কচির পরিচয় পাওয়া যায় !

সুনীতি । আপনি আমায় follow ক'রেছেন ?

স্বরজিৎ । হ্যাঁ,—শালথে থেকে ।

সুনীতি । কেন ?

স্বরজিৎ । আপনি নিশ্চয়ই জানেন ।

সুনীতি । না—জানিনে !

(স্বরজিৎ ঘরটি ঘুরিয়া ঘুরিয়া দেখিতে লাগিলেন)

সুনীতি । মিষ্টার মুখার্জির বাড়ীতে আপনি আমারই খোঁজে
গিয়েছিলেন ?

স্বরজিৎ । কে মিষ্টার মুখার্জি ? শালথের ঐ ভদ্রলোক ?

সুনীতি । হ্যাঁ—সেখানে আপনি আমার খোঁজে গিয়েছিলেন ?

স্বরজিৎ । সেখানে তোমার খোঁজে গিয়েছিলুম, কি এখানে তাঁর খোঁজে
এসেছি—এখনো ঠিক বুঝতে পাচ্ছিনে !

সুনীতি । সত্যি কি আপনি আমায় আগে কোথাও দেখেছেন ?

স্বরজিৎ । আমার সামনে এসে দাঁড়াও—একবার ভাল ক'রে তোমায়
দেখি ।

প্রথম অঙ্ক

সুনীতি । আপনি আমায় কখনো দেখেন নি !

স্বরজিৎ । কেমন ক'রে বুঝলে ?

সুনীতি । তখনই মনে হয়েছিল । এখন বুঝতে পাচ্ছি ।

স্বরজিৎ । হয়তো তোমায় দেখিনি—দেখতেও পারি ! কিন্তু তোমাকেই আমি খুঁজছি ।

সুনীতি । আমায় খুঁজছেন ?—কেন ?

স্বরজিৎ । বসতে পারি ? বাইরে অনেকক্ষণ দাঁড়িয়েছিলাম— ;

সুনীতি । বসুন না !

স্বরজিৎ । ভয় পেয়েছ ?

সুনীতি । এখনো ভয় পাইনি । ভয় পাবার কারণ আছে বুঝলে চোঁচাতে পারবো—উপরে লোকজন আছে ।

স্বরজিৎ । জানি । একটি সিগারেট ধরালে তোমার অস্ববিধা হবে ?

সুনীতি । না—!

(স্বরজিৎ সিগারেট ধরাইয়া দুইতিনটা টান দিলেন)

স্বরজিৎ । দু'একটা কথা জিজ্ঞাসা করব ?

সুনীতি । করুন— !

স্বরজিৎ । তোমায় কেউ ধ'রে এনেছে ব'লে তো মনে হয় না !

সুনীতি । না—ধ'রে আনবে কেন ?

স্বরজিৎ । তবে তুমি চ'লে এলে কেন ?

সুনীতি । আমি কোথা থেকে চ'লে এসেছি ব'লে আপনার ধারণা ?

স্বরজিৎ । তুমি যদি সে হও—নিশ্চয়ই আমার কথা বুঝতে পাচ্ছ ! স্বীকার কর আর নাই কর !

মাকড়সার জাল

সুনীতি । আপনি বেশ মজার মানুষ তো ! আপনি যাকে খুঁজছেন, তাঁর নাম কি ?

স্মরজিৎ । তা ব'লবো না—তুমি নিশ্চয়ই জান !

সুনীতি । আপনি কাকে খুঁজছেন—আমি কি ক'রে জানবো ?

স্মরজিৎ । তোমার উদ্দেশ্য কি ?—কাউকে ভালবাস ?

সুনীতি । আপনি অপরিচিত ভদ্রলোক—আমায় যদি ভদ্রমহিলা ব'লে মনে নাও করেন, তবে আপনার এ প্রশ্ন করা উচিত হয়নি !

স্মরজিৎ । আচ্ছা, প্রশ্ন ফিরিয়ে নিচ্ছি—আমি তোমায় ভদ্রমহিলা ব'লেই মনে করি । ভদ্রমহিলার চেয়ে বেশী মনে করি,—তাই, আপনি না ব'লে তুমিই বলছি ! তোমায় দেখে ভালোলাগলো—যদি কিছু মনে ক'র, 'আপনি' ব'লতে প্রস্তুত আছি—।

সুনীতি । 'আপনি' ব'লতে হবে না— !

স্মরজিৎ । তুমি দুর্গামের ভয় কর না ?

সুনীতি । ভয় না থাকে কার ? কিন্তু এমন মানুষও তো থাকতে পারে—যার ভয় ক'রলে চলে না !

স্মরজিৎ । বটে ? মিষ্টার মুথার্জি কে ?

সুনীতি । এমনি ভদ্রলোক, কাজকর্ম করেন— ;

স্মরজিৎ । তোমার সঙ্গে কতদিনের পরিচয় ?

সুনীতি । বছর পাঁচেকের হবে—

স্মরজিৎ । কি জন্তু তুমি ওঁর কাছে যাও ?

সুনীতি । বিজ্ঞেন্স সংক্রান্ত কাজকর্মে । ওঁর “ফ্যান্সি গুড্‌স্‌”র কারবার আছে । আমি “লেডি ক্যানভাসার” ।

প্রথম অঙ্ক

স্বরজিৎ । “লেডি ক্যানভাসার” ?—এই তোমার পরিচয় ?

সুনীতি । হ্যাঁ—এইই আমার পরিচয় !

স্বরজিৎ । বিশ্বাস ক’রতে ইচ্ছা হয় না !

সুনীতি । সে আপনার অভিরুচি ! কিন্তু, আপনি এ সব কথা আমায়
জিজ্ঞাসা ক’রছেন কেন—এ প্রশ্ন ক’রতে পারি কি ?

স্বরজিৎ । যদি বলি, তোমায় ভাল লেগেছে বলে—?

সুনীতি । বিশ্বাস ক’রতে প্রবৃত্তি হয় না !

স্বরজিৎ । কেন ?

সুনীতি । শুধু ভাল লেগেছে বলে—আপনি আমার পাছ নিয়ে এতদূর
এসেছেন ?

স্বরজিৎ । এমন কি কেউ আসতে পারে না ?

সুনীতি । আসা উচিত নয় !

স্বরজিৎ । উচিত-অনুচিতের বিচার আমার কাছে ।

সুনীতি । আপনি ভদ্রলোক !

স্বরজিৎ । তোমার কি মনে হয়—আমি অভদ্র ?

সুনীতি । না ?—তা হয় না । সেইজগেই আপনাকে গিনতি ক’রছি, আপনি
আর একটুও দেরী না ক’রে এখান থেকে চ’লে যান !

স্বরজিৎ । তুমি দুর্গামের ভয় ক’চ্ছ ?

সুনীতি । আপনাকে তো ব’লেছি,—ভয় আমার আছে !

স্বরজিৎ । তোমার নাম কি ?

সুনীতি । সুনীতি !

স্বরজিৎ । না— !

মাকড়সার জাল

সুনীতি । আমি মিথ্যে কথা ব'লছি, আপনার ধারণা ?

স্বরজিৎ । তুমি সত্য ব'লছ না । কেন ব'লছ না ?

সুনীতি । আপনি কে ?

স্বরজিৎ । তোমার শত্রু নই !

সুনীতি । আর বেশীক্ষণ এখানে থাকলে আমার শত্রুতা করা হবে ।

স্বরজিৎ । আমি তোমার সত্য পরিচয় জানতে চাই ।

সুনীতি । মিথ্যে কথা বলিনি— !

স্বরজিৎ । যা জেনেছি, তার চেয়ে আরো বেশী কথা জানা দরকার !

সুনীতি । আমি ব'লতে পারবো না ।

স্বরজিৎ । উৎপলা কে ?

সুনীতি । “উৎপলা” !

(সুনীতি কিসের শব্দ শুনিয়া একটু বিচলিত হইল)

সুনীতি । (সোষেগে) আপনি যাবেন না ?

স্বরজিৎ । না । ওঃ, কেউ আসছে ?—বেশ তো, আসুক না ।

(পায়ের শব্দ শোনা গেল । একটু অপরিচিত যুবক ও যুবতী ঘরে আসিল)

স্বরজিৎ । (অভ্যর্থনা করিয়া) আসুন— !

যুবক । কে ?

স্বরজিৎ । দেখা যখন হ'য়েছে, পরিচয় হবে বইকি ? বসুন !

(সকলে পরস্পরের প্রতি সন্দেহের দৃষ্টিতে চাহিল, কেহ কোন কথা কহিল না)

দ্বিতীয় অঙ্ক

প্রথম দৃশ্য

(হুরেন্দ্রনাথের দোতলার বসিবার ঘর—হুরেন্দ্র, স্মরজিৎ ও জয়ন্তী)

হুরেন্দ্র । ফোটোর সঙ্গে মিলেছে ?

স্মরজিৎ । অনেকটা—but I am not sure,—বয়সটা দু'এক বছরের বেশী ব'লেই মনে হ'ল ।

হুরেন্দ্র । অনেকটা ঐ ধরণের মেটে—very serious girl !—ঠিকানাটা কি ?

স্মরজিৎ । রাত্রে গলিটা ঠিক বুঝতে পারিনি—নাম প'ড়বার সময়ও হয়নি । আমি আবার অনেক দিন ক'লকাতায় ছিলাম না তো—ও কোয়ার্টারটা একেবারেই ব'দলে গেছে—চিনবার উপায় নেই, আজ দিনমানে খোঁজ ক'রবো ।

জয়ন্তী । অনেক দিন ওবাড়ীতে আছে ব'লে মনে হ'ল ? ... তা কি ক'রে সম্ভব !

স্মরজিৎ । May be—there is some love affair at the bottom of it ! অনেক দিনের যড়যন্ত্র,—আপনার ভ্রাইভারেরও ভিতরে ভিতরে যোগ থাকতে পারে !

জয়ন্তী । যদি কেউ তামা-তুলসী-গঙ্গাজল ছুঁয়ে দিব্যি গেলে আমার বলে—উৎপলা কোনো ছেলেছোকরার সঙ্গে বেহায়াপনা ক'রেছে,—আমি বিশ্বাস ক'রবো না ! সে মেয়েই আমার নয়—!

মাকড়সার জাল

স্মরজিৎ । এ কথা ঠিক । সহজে কাউকে ধরা দেবে না, সে—awfully self-willed ! প্রায় একঘণ্টা তার সঙ্গে কথা ক'য়ে আমার এই ধারণা হ'য়েছে, এরকম মেয়ে বাঙালীর ঘরে বিরল—অন্ত জাতের ভিতরেও খুব বেশী দেখা যাবে না !

সুরেন্দ্র । তাহ'লে সে নিশ্চয়ই উৎপলা !

স্মরজিৎ । কিন্তু আপনাদের গোপন ক'রে থাকবে কেন ?

সুরেন্দ্র । ওই জায়গাটাই তো মিলছে না— !

জয়ন্তী । তুমি তাকে ব'লেছিলে,—তোমার বাবা-মা হা-পিত্তেশে তোমার ফিরবার পথ চেয়ে ব'সে আছে— ?

সুরেন্দ্র । আহা, সে অল্প মেয়ে কি না—এ সন্দেহটা আগে দূর করা দরকার !

জয়ন্তী । না না—আমি বেশ বুঝতে পাচ্ছি, এ নিশ্চয়ই আমার মেয়ে । তুমি তার নাম জিজ্ঞাসা ক'রেছিলে বাবা ?

স্মরজিৎ । নাম ব'লে স্ত্রীতি !

সুরেন্দ্র । এইখানে আবার সন্দেহ আসছে ! নাম গোপন ক'রবে কেন ?

স্মরজিৎ । তা গোপন ক'রতে পারে—There are hundred and one causes. আমাকেই বা টপ্ ক'রে বিশ্বাস ক'রবে কেন ? আমিও তো আপনার ঠিক পরিচয় দিইনি !

জয়ন্তী । ঠিক কথা বাবা, ঠিক কথা ! সে লেখাপড়া-জানা মেয়ে—আর খুব ধীরবুদ্ধি ! একটা বিপদের ভিতর গিয়ে প'ড়েছে—তারা ওকে আটকে রেখেছে । কে কি মতলবে আছে, জান্বে কেমন ক'রে ? তাই একটা অল্প নাম ব'লেছে !

দ্বিতীয় অঙ্ক

স্বরেন্দ্র । নেহাং মিথ্যে কথাও বলেনি ! বরং প্রকারান্তরে ঠিক নামই বলেছে ।

স্বরজিৎ । কি রকম ?

স্বরেন্দ্র । তোমার মনে আছে জয়ন্তী, রামশরণ যখন আমাদের বাড়ীতে কাজ ক'রতো—একদিন বাজারের হিসেবে গণ্ডগোল ক'রেছিল ; তাকে কত উপদেশ দিল ! আমি সেই সময় উৎপলাকে ঠাট্টা ক'রে বলেছিলুম—মা, তুমি যে রকম স্বনীতি-তুর্নীতি নিয়ে বক্তৃতা ক'চ্ছ, তা তোমার নাম উৎপলা না রেখে স্বনীতি রাখাই উচিত ছিল ।

জয়ন্তী । হ্যাঁ—ঠিক, তুমি বলেছিলে বটে ! (স্বরজিতের প্রতি) তুমি আর একবার যাও বাবা ! তাকে স্পষ্টোস্পষ্ট আমাদের কথা বল । আর যদি কিছু মনে না কর—আমায় সঙ্গে নিয়ে চল । আমি তার হাত ধ'রে টেনে নিয়ে আসব !

স্বরেন্দ্র । আমি উপযুক্ত লোকের হাতে ভার দিয়েছি—তুমি কেন উতলা হ'চ্ছ ?

জয়ন্তী । আমার মায়ের প্রাণ—তা তো তুমি বুঝতে পাচ্ছ !

স্বরেন্দ্র । বুঝেছি সব, কিন্তু উপায় ত্রৈ কিছু নেই ! যতদূর যা করা যেতে পারে, চেষ্টার ক্রটি আমি ক'রবো না । তবে, ঠিক সময়টী না হ'লে কোন কাজেরই কোন ফল পাওয়া যায় না । ছুদিনের সময় বড় সাবধানে থাকতে হয় । তুমি যাও—স্বরজিৎবাবুকে একটু চা-জলখাবার দেবার ব্যবস্থা—

স্বরজিৎ । না—না, গুঁকে আর কষ্ট দেবেন না ।

মাকড়সার জাল

স্বরেন্দ্র । যাক—যাক, পাঁচকাজে থাকলে তবু একটু অল্পমনস্ক হবে । এই আপনি আসবার দুমিনিট আগেও কঁাদছিল । যাও তুমি—দেখ, ঠাকুর কি ব্যবস্থা ক’রলে ! ছিঃ—কঁাদেনা, চোখের জল মোছ !

(জয়ন্তী চোখ মুছিয়া চলিয়া গেলেন)

স্বরেন্দ্র । আমার অবস্থা দেখছেন স্বরজিৎবাবু ?—দিনরাত এই অবস্থাকে বোঝাতে হচ্ছে ! তাই কি সব সময়ে নিজে মনে জোর ক’রতে পারি ? তারপর ধরুন, যদি তাকে পাওয়াই যায়, তখন আমাদের হিন্দুসমাজ—that eternal social problem—মেয়ের বিয়ে দেব কার সঙ্গে ? অবিশি—স্বীকার করছি, আমার টাকা আছে, পাত্রের অভাব হবে না । কিন্তু ঠিক মনের মত পাত্র পাওয়া সোজা কথা নয়—কত রকম ট্রাজেডি হ’তে পারে !

স্বরজিৎ । তা পারে,—কিন্তু আমি যে আপনাকে আর একটা মেয়ের কথা বল্লুম, সে মেয়েটাও তো উৎপলা হ’তে পারে !

স্বরেন্দ্র । উৎপলার চরিত্রের সব চেয়ে বড় লক্ষণ, সে অত্যন্ত তেজস্বিনী—ভয় পাবার মেয়ে নয় ! নতুন মেয়েটার সঙ্গে আপনার আলাপ হ’য়েছে ?

স্বরজিৎ । না—আলাপ হয়নি ; (খবরের কাগজ দেখিয়া) এ খবরটা দেখেছেন ?

স্বরেন্দ্র । দেখেছি বই কি ?

স্বরজিৎ । যে মেয়েটার কথা আপনাকে আমি ব’লছিলাম, সেই মেয়েটা ব’লেই মনে হ’চ্ছে !

স্বরেন্দ্র । কি ক’রে ?

স্বরজিৎ । এই যে লিখছে—“বাড়ীর আত্মীয়স্বজন জানতে পেরে তখনই

দ্বিতীয় অঙ্ক

একথানা টাক্সি ক'রে যুবতির অত্মসরণ করে—শেষ পর্য্যন্ত মেয়েটিকে লইয়া যুবকের গাড়ী-জোড়াসাঁকোর কাছে একটা গলির ভিতর প্রবেশ করে ; পরে আর তাহাদের সন্ধান পাওয়া যায় না” । What is this ?

স্বরেন্দ্র । You must go deep down—my boy ! যাক, আরো কিছু টাকার দরকার নিশ্চয়ই হবে ?

স্মরজিৎ । ছুটো টাকাও খরচ হয়নি !

স্বরেন্দ্র । বলেন কি ? না—আপনি আরো কিছু টাকা নিন্ । I have plenty of money ! তারপর, যার জন্তে টাকা, তারই যখন খোঁজ নেই—কি হবে টাকার মায়া ক'রে ?

স্মরজিৎ । দেখবেন মশায়, আমার হাতে বেশী টাকা দেবেন না । এ পর্য্যন্ত টাকার লোভ জয় ক'রেছি ।

স্বরেন্দ্র । আপনার কোন্ ব্যাঙ্কে একাউন্ট আছে ?

স্মরজিৎ । কোন ব্যাঙ্কে একাউন্ট নেই মশায়, my bank is my pocket ! ব্যাঙ্ক—একটা বাস্তব নেই ! কি সঞ্চয় ক'রবো ?

স্বরেন্দ্র । এখন থেকে সঞ্চয় আরম্ভ করুন,—চেক নিন ।

স্মরজিৎ । দিন—; আমি এখনো পর্য্যন্ত কোথাও বাসা নিইনি ।

স্বরেন্দ্র । মেসে থাকবেন ?

স্মরজিৎ । না ; ভাল দেশী হোটেল দেখে রেখেছি । মেসের life বড় stagnant—আমাদের মত লোক থাকলে অনেকের কৌতুহল বেড়ে উঠবে !

স্বরেন্দ্র । কাল রাত্রে ঘুমুনি ?

মাকড়সার জাল

স্বরজিৎ । সময় পেয়েছিলুম, স্ত্রযোগ আর হ'লো না । শিয়ালদা স্টেশনে
“ওয়েটিং রুম” ছিলাম ।

সুরেন্দ্র । বলেন কি ! তা এখানে এলেন না কেন ?

স্বরজিৎ । আমার “ওয়েটিং রুম” আর নদীর তীর বড় ভালোনাগে—
বহুরাত্রি আমার ঐভাবে কেটেছে । আপনার ড্রাইভারের
খবর ক'রেছিলেন ?

সুরেন্দ্র । হ্যাঁ—এখানেই আছে । আজ থেকে তাকেই আবার কাজে
ভর্তি ক'রেছি । আপনি আজকের দিনটে আমার গাড়ীখানা
ব্যবহার করুন । তাকে স্ত্রযোগ মত প্রশ্ন ক'রবেন ।

(জয়ন্তী দেবীর সহিত ঠাকুর চা-জলখাবার লইয়া আসিল)

জয়ন্তী । আমায় সঙ্গে নিয়ে যাবে বাবা ?

সুরেন্দ্র । তুমি কোথায় যাবে ?—আমিই যেতে ইতস্ততঃ ক'রছি !

জয়ন্তী । আমার অত প্রাণের ভয় নেই—তোমরা আমায় নিয়ে চল !

সুরেন্দ্র । একি ভয়ের কথা হ'ল ? ব্যাপারটা একটু জটিল ! একটা দলের
ভিতর গিয়ে প'ড়েছে । তাকে কোঁশলে উদ্ধার ক'রতে হবে ।
আমরা উতলা হ'লে ওঁর কাজের অস্ববিধে হবে যে !

জয়ন্তী । আমি কিছুতেই মনকে শাস্ত ক'রতে পাচ্ছিনে !

সুরেন্দ্র । বেশ তো, চল—আমরা একসঙ্গেই বেরুই ! তুমি ঘাও, কাপড়-
চোপড় ছেড়ে তৈরী হ'য়ে নাও !

জয়ন্তী । সেই ভাল, আমি আর এবাড়ীতে তিষ্ঠতে পাচ্ছি না !

[প্রস্থান ।

সুরেন্দ্র । আপনি সে ছোকরাটাকে চেপে ধরেননি ?

দ্বিতীয় অঙ্ক

স্বরজিৎ । বেশী কথা জিজ্ঞাসা করিনি ; আপা ক'রলাম, ভালছেলে
ব'লেই মনে হ'লো ।

সুরেন্দ্র । আপনি চ'লে আসার পরও ছেলেটি কি সেখানেই ছিল ?

স্বরজিৎ । না—আমার সঙ্গে সঙ্গেই আসে । সে নাকি মেয়েটিকে গুণ্ডাদের
হাত থেকে উদ্ধার ক'রেছে । একটা চমৎকার heroic গল্প
বল্লে—।

সুরেন্দ্র । যদি সে—মানে your first lady—উৎপলা হয়, আপনার কি
ধারণা, উৎপলার সঙ্গে ছেলেটির পরিচয় ছিল ?

স্বরজিৎ । নইলে উৎপলার কাছে তাকে আনবে কেন ? শালখের বাড়ীর
সঙ্গে স্থনীতি দেবী ব'লে যে মেয়েটি আত্মপরিচয় দিচ্ছে,
আপনার কন্যা-অপহরণ, আর গত রাত্রে ঐ ব্যাপার, এ
ঘটনাগুলো একসঙ্গে গাঁথা ।

সুরেন্দ্র । অথচ পুলিশ এর কিছুই জানে না ! এ gang-এর কাজ কি
জানেন ?—শুধু blackmailing নয়, woman export—এই
সব মেয়েদের চালান দেয় মোটা কমিশনে !

স্বরজিৎ । কাল আমি আপনার সব কথা ঠিক বিশ্বাস করিনি । আজ
আমার ধারণা হ'চ্ছে, এরা সব পাকা খেলোয়াড়,—সহুজ্জে ধরা-
ছোঁওয়া যায় না !

সুরেন্দ্র । হুঁ, এর মধ্যে সব বিশিষ্ট ভদ্রলোক আছে—উচ্চশিক্ষিত
যুবক—Men of position and culture ! আপনাকে
যে কাজ দিয়েছি—Worthy task of a noble young
man !

মাকড়সার জাল

স্মরজিৎ । আপনার গাড়ী ঠিক আছে ?

স্বরেন্দ্র । আছে—(উচ্চকণ্ঠে) সাতকড়ি !

(সাতকড়ির প্রবেশ)

স্বরেন্দ্র । ড্রাইভারকে গাড়ী বের করতে বল ।

[নমস্কার করিয়া সাতকড়ির প্রস্থান ।

স্মরজিৎ । দিন ?—কত টাকার চেক দেবেন ?

স্বরেন্দ্র । Now you are in form ! কত টাকার চেক দেব ?—

দু'হাজার ?

স্মরজিৎ । হ্যাঁ । আজ আপনারা আমার সঙ্গে যাবেন না—আমি একাই
বেকুব ।

স্বরেন্দ্র । তাহ'লে এইবেলা বেরিয়ে পড়ুন—জয়ন্তী এলে আবার কান্দা-
কাটা ক'রবে—!

স্মরজিৎ । কথাটা মন্দ বলেন নি । ঠুকে বুঝিয়ে বলবেন—

স্বরেন্দ্র । (নেপথ্যাভিমুখী) কে ?—দীনবন্ধু ?—শোন !

(দীনবন্ধু ড্রাইভার আসিল)

স্বরেন্দ্র । বাবু যেখানে যেখানে যেতে চান,—যতক্ষণ গাড়ী রাখতে চান,
রাখবে ।

দীনবন্ধু । এই বাবু ?

স্বরেন্দ্র । হ্যাঁ—যদি রাত পর্যন্ত গাড়ী রাখেন, তাতেও আপত্তি ক'রো
না ।

দীনবন্ধু । যে আজ্ঞে—!

স্মরজিৎ । দরকার হ'লে ডাক্তারে পারি—বাড়ীতেই থাকবেন !

স্বরেন্দ্র । বাড়ীতেই থাকবো—একটা ফোন ক'রে আসবেন ।

দ্বিতীয় অঙ্ক

স্মরজিৎ । এস দীনবন্ধু, তোমার সঙ্গেই ভাসা যাক !

[দীনবন্ধু ও স্মরজিতের প্রস্থান ।

(জয়ন্তীর পুনঃপ্রবেশ)

স্বরেন্দ্র । কই ?—তুমি কাপড় বদলে এলে না ?

জয়ন্তী । না—স্মরজিৎ চলে গেছে ?

স্বরেন্দ্র । না—এখনো যায়নি ; নীচে গেল—একা যেতে চায় !

জয়ন্তী । তাই যাক—!

স্বরেন্দ্র । তুমি যাবে না ?

জয়ন্তী । আমার কিছু ভাল লাগছে না । বড় প্রাণ কেমন ক'রছে—বড্ড কান্না পাচ্ছে ! কোথায় গেলে একটু জুড়ুতে পারি, আমায় ব'লতে পার ?

স্বরেন্দ্র । (অনেকক্ষণ জয়ন্তীর মুখের দিকে চাহিয়া দেখিলেন) তুমি অত উতলা হ'চ্ছ কেন ?

জয়ন্তী । কি জানি—কেন, তোমায় ঠিক বুঝিয়ে ব'লতে পারবো না । চল—কালীঘাটে গিয়ে মায়ের পূজো দিয়ে আসি ; তোমায় যেতে হবে ।

স্বরেন্দ্র । আপত্তি ছিল না—কিন্তু গাড়ীখানা ছেড়ে দিলুম যে !

জয়ন্তী । চল—ট্যাক্সি ক'রে যাই ।

স্বরেন্দ্র । তাই চল—

(স্বামী-স্ত্রী পরস্পর পরস্পরকে বুঝিতে পারিতেছেন না)

[উভয়ের প্রস্থান ।

দ্বিতীয় দৃশ্য

ভূধর মুখোপাধ্যায়ের বাড়ীর আফিস-ঘর ।

ভূধরবাবু ও রঞ্জন (গতরাত্রে ইহাকে স্নানীতি দেবীর ঘরে দেখা গিয়াছিল)

দুইজনের নির্জনে আলাপ চলিতেছে ।

ভূধর । কাগজ দেখেছ ?

রঞ্জন । কাগজ দেখেই তো সকালে আপনার কাছে এলুম !

ভূধর । কার কাজ ?

রঞ্জন । একটা নতুন ভদ্রলোককে কাল স্নানীতি দেবীর ঘরে দেখেছি—

ভূধর । কে সে ?—স্নানীতির কোন আত্মীয় ?

রঞ্জন । এ পর্য্যন্ত স্নানীতি দেবীর কোন আত্মীয়কে দেখিনি, আছেন ব'লেও শোনা ছিল না !

ভূধর । স্নানীতির সঙ্গে তোমার ঘনিষ্ঠতা আছে ?

রঞ্জন । না, আপনার আদেশ মত আমরা সবাই ওঁকে সম্মান করি ।

উনিও সকলের মৰ্য্যাদা রেখে কথা বলেন ।

ভূধর । ঘটনা ঘটে রাত্রি একটায় ?

রঞ্জন । হ্যাঁ—!

ভূধর । কাগজে যা বেরিয়েছে, তার ভিতর কতটুকু সত্য আছে ?

রঞ্জন । একেবারেই মিথ্যে !

ভূধর । মেয়েটার আত্মীয়স্বজন ঘটনা জানতে পেরে পিছনে ট্রোটর নিয়ে তাড়া ক'রেছিল ?

দ্বিতীয় অঙ্ক

রঞ্জন । গাড়ীতে আমিই ছিলাম ; এমন কোন ঘটনা ঘটেনি—ঘটবার উপায়ও ছিল না ।

ভূধর । কেন ?

রঞ্জন । মেয়েটির আত্মীয়স্বজন, বাপ-মা—কেউ নেই !

ভূধর । কার আশ্রয়ে ছিল ?

রঞ্জন । এক দূর-সম্পর্কের বিধবা মাসি,—দিনরাত বকাবকি ক'রতো !

ভূধর । মেয়েটা তোমায় বিশ্বাস করে ?

রঞ্জন । করে !

ভূধর । তুমি তাকে ভালবাস ?

রঞ্জন । ভালবাসা দেখাতুম—

ভূধর । ভালবাসতে না ?

রঞ্জন । বিজ্ঞেন্স আর ভালবাসা এক সঙ্গে হয় না শ্রু !

ভূধর । তোমার প্রতিদ্বন্দ্বী আছে ?

রঞ্জন । মনে হয় না —!

ভূধর । রাত একটায় ঘটনা ঘটেছে । পাঁচটার কাগজে বেরিয়েছে । সেই শেষরাত্রে নিঃস্বার্থ পরোপকারের জন্তে কে ঘটনাটা কাগজে বের ক'রলো ?

রঞ্জন । যে কাগজে বার ক'রেছে—সে কাগজওয়ালাদের পরিচিত ।

ভূধর । হয় তুমি, না-হয় স্ত্রীশ্রী—আর না হয়, তুমি যে নতুন লোকটার কথা বল্লে—সেইই !

রঞ্জন । চতুর্থ ব্যক্তি হ'তে পারে না । আমার মনে হয়, তৃতীয় ব্যক্তি সেই নতুন লোক ।

মাকড়সার জাল

ভূধর । (চিন্তিতভাবে)—মেয়েটা স্তন্দরী ?

রঞ্জন । স্তন্দরী !

ভূধর । ভাল কাপড়চোপড় আর বুটো গয়না একসেট কিনে দিও !

রঞ্জন । আচ্ছা !

ভূধর । স্তনীতি বিদ্রোহ কর্তে পারে ? কি মনে কর ?

রঞ্জন । আশ্চর্য্য নয় !

ভূধর । মেয়েটার নাম ?

রঞ্জন । প্রতিভা ।

ভূধর । আমাদের নতুন নাম দিতে হবে ।

রঞ্জন । বলুন— ?

ভূধর । নদীর নাম,—পাঞ্জাব কি কাশ্মীরের দুইএকটা নদীর নাম বলতো—নতুন ধরণের ?

রঞ্জন । শতদ্রু—

ভূধর । আর একটু মোলায়েম ।

রঞ্জন । রেবা, বিপাশা—

ভূধর । বিপাশা is all right—তার নাম রইল ‘বিপাশা’ । মেয়েটা বেশ cultured মনে হয় ?

রঞ্জন । ঠিক cultured নয়—native simplicity আছে ।

ভূধর । স্তনীতির কাছে রাখা নিরাপদ ?

রঞ্জন । বেশীদিন রাখা নিরাপদ নয় বোধ হয় !

ভূধর । তুমি সন্দেহ করছো ?

রঞ্জন । নতুন মাহুঘটীকে ।

দ্বিতীয় অঙ্ক

ভূধর । (পরিক্রম করিতে করিতে) পঞ্চাশ টাকার চেক্ দিলে চল্বে ?

রঞ্জন । পঁচাত্তর টাকা দিন—কাল হিসেব পাবেন ।

ভূধর । (চেক্ লিখিয়া রঞ্জনের হাতে দিলেন) আজকের রাতটাও মেয়েটি
স্বনীতির কাছেই থাক্বে । নতুন মাস্তুষের সজ্জান যদি
পাও—আমায় ফোন ক'রো ।

রঞ্জন । আচ্ছা—নমস্কার !

[প্রস্থান।

ভূধর । (ভূধরবাবু সিগারেট ধরাইলেন । পরে ফোন লইয়া) Hallo ! বড়বাজার
1234. ... কে ?—তুমি ? Quite O. K. ! আচ্ছা—কাদাকাটি
কচ্ছেনা তো ? দুটো তিনটে দিন তোমায় একটু কষ্ট করতে
হবে ! নতুন লোকটী কে ?—Admirer ? আজ আর
আস্বার দরকার নেই । Be a guardian—রঞ্জন যাচ্ছে ।
কিছু আদায়ের সম্ভাবনা আছে । পরশু এলে চল্বে । এর
মধ্যে আমি একদিন যেতে পারি ; আচ্ছা—More in
future !

(কুমুদ প্রবেশ করিল)

কুমুদ । বাবা !

ভূধর । কি—?

কুমুদ । টাকা—

ভূধর । টাকা কি হবে—?

কুমুদ । বিজ্ঞেস ক'রবো !

ভূধর । কিসের বিজ্ঞেস ?

মাকড়সার জাল

কুমুদ । চিটে গুড়ের ।

ভূধর । চিটে গুড়ের ?

কুমুদ । ই্যা— ; একটা লোক চিটে গুড়ের বিজ্ঞেস ক'রে ক'লকাতায় তিনখানা বাড়ী ক'রেছে । আর ব্যাঙ্কে fixed depositএ বায়ান্ন হাজার টাকা জমিয়েছে ।

ভূধর । লোকটাকে দেখেছ ?

কুমুদ । না—কথা শুনেছি ।

ভূধর । কার কাছে শুনেছ ?

কুমুদ । নেত্যাগোপাল খুড়ো ব'ল'ছিল, নীলগাঁয়ের পরীক্ষিত সর্দার নাকি চিটে গুড়ের কারবারে খুব লাভ ক'রেছে ।

ভূধর । যে চিটে গুড়ের কারবার করে, তার নাম হয় পরীক্ষিত সর্দার, কুমুদ মুকুজ্জো নয়—বুঝেছ ? সে পাঞ্জাবী গায় দেয় না—হাত-কাটা ফতুয়া পরে ; তার মা সিনেমা দেখে না, বোন কলেজে পড়ে না !

কুমুদ । পাঞ্জাবী গায় দিলে কি বিজ্ঞেস করতে হয় ?

ভূধর । 'ফৌপল's broker,—so long the blessed father is alive ! তার পর 'সিনেমা হাউসের গার্ড কিংবা mow the grass for the horse !

কুমুদ । আপনি ভাবেন, আমি কিছু ক'রতে পারিনে ?

ভূধর । কি ক'রতে পার তুমি — ?

কুমুদ । আপনি যদি আমায় টাকা না দেন তো, আমি দেশে গিয়ে ফল-ফুলুরী আর তরি-তরকারীর চাষ ক'রবো !

ভূধর । পাঞ্জাবী গায় দিয়ে ?

দ্বিতীয় অঙ্ক

কুমুদ । চাষ যদি করতে পারি তো পাঞ্জাবীও ছাড়তে পারবো । আমার
গায়ে জোর আছে, খালি গায়ে কোদাল মারতে পারি !

ভূধর । পারবি ?

কুমুদ । আগে বিজ্ঞেস ক'রবো—যদি না হয়, তখন চাষ ক'রবো ।

ভূধর । যা এই পঁচিশটে টাকা নিয়ে যা—মফঃস্বলের দশটা হাট আর
কলকাতার পাঁচটা বাজার ঘুরে আয় । কোথায় কোন্
জিনিষের আমদানি-রপ্তানি, কোন্ জিনিষ কোন্ হাটে কিনে কোন্
হাটে বিক্রী ক'রতে হয়—জেনে আসবি ! এই পঁচিশ টাকা কিসে
খরচ ক'রেছ—সেই দিন হিসেব নেব ।

কুমুদ । আচ্ছা—আমি আজই রওনা হ'চ্ছি ।

ভূধর । তোমার মা কোথায় ?

কুমুদ । ঘুমুচ্ছে—!

ভূধর । এখনো তাঁর স্নপ্ৰভাত হয় নি !

(কুমুমকামিনীর প্রবেশ)

কুমুম । না—তা হবে কেন ? যেমন সোয়ামী, তেমনি পুত্রুর ! আহা—
কি স্নপ্ৰের সংসার গা ! সকালে উঠেই বাপ-বেটায় মিলে আমার
শ্রাঙ্ক হ'চ্ছে ।

কুমুদ । আমার ব'য়ে গেছে, ঘুমুচ্ছিলে—তাই বললাম !

কুমুম । দেখা যাবে, দেখা যাবে—তোর বউ এলে তাকে নিয়ে ভোরবেলায়
'মর্গিং ওয়াক' করিস ! আমার আর কদিন ? কাটিয়ে তো দিইছি,
তখন সংসারে 'ডিসিপ্লিন' হবে । ঐ 'ক্যান্ডাসার'-মাগীকে বিয়ে
ক'রবি না কি ?

মাকড়সার জাল

কুমুদ । আমি তোমাদের পরামর্শ নিয়ে বিয়ে ক'রবো না ।

কুসুম । তুই ওকে ভালবাসিস্ ?

কুমুদ । বাসিই যদি—তাতে কি হ'য়েছে ? তোমার মেয়ে যে বিভাকরকে ভালবাসে ?

কুসুম । মেয়ে যে বি-এ পাশ ক'রেছে—তুই যে তিন-তিন বার বি-এ ফেল কল্লি হতভাগা !

কুমুদ । বি-এ ফেল ক'রলে বুঝি আর 'লভে' প'ড়তে নেই ?

কুসুম । No—A B. A. plucked boy has no right to fall in love with a decent girl. তুমি বরং ঠাকুরকে চা আনতে বল—বা তুমি পার !

কুমুদ । আমার ব'য়ে গেছে । আমি এখুনি দেশে চ'লে যাব, বিজ্ঞেন্স ক'রে টাকা রোজগার ক'রবো ; তারপর, যাকে ভালবাসবো তাকে বিয়ে ক'রবো । আমার শ্বশুরের টাকায় তোমায় বাবুগিরি ক'রতে দেব না ।

[প্রস্থান ।

কুসুম । বিজ্ঞেন্স ক'রবার বুদ্ধি ওকে কে দিলে ? বললাম, একটা চাকরি করে দাও ; না হয়, তোমার কাজেই নাও-না ! এই তো, কত লোককে কত টাকা দিচ্ছ ?

ভূধর । হ্যাঁ দিচ্ছি, তবে থাক্—একটা দিক একটু ফাঁক থাক্ ।

কুসুম । কি যে বল বাপু—তোমার কথার মানে বুঝিনে !

ভূধর । এখন আর মানে বুঝে কাজ নেই, এরপর তখন মিলিয়ে নিও ।

কুসুম । (খবরের কাগজ পড়িতে পড়িতে) এটা প'ড়েছ ? আচ্ছা—জাপানের

দ্বিতীয় অঙ্ক

কাণ্ডটা কি আশায় ব'লতে পার ? 'Asia for Asians',—Is there any sense in it ?

ভূধর । এখন কি তোমার সঙ্গে রাজনীতি আলোচনা ক'রতে হবে ?

কুসুম । ক'ল্লেই বা—!

ভূধর । সাড়ে দশটা বেজে গেছে, এখনো তোমার চা খাওয়া হয়নি !

কুসুম । ঠাকুরকে একটু চেষ্টা দিয়ে ব'লে দাও না । এক কাপ চা দিয়ে যাক—।

ভূধর । এখনি একটা ভদ্রলোকের আসবার কথা আছে ।

কুসুম । তোমার ভদ্রলোক তো ?—আমার সব জানা আছে !

ভূধর । সেইজন্যই তো তোমায় চটাতে ভয় পাই ।

কুসুম । আমি অন্ততঃপক্ষে এডিটোরিয়লটা শেষ না ক'রে এখান থেকে উঠ'ছিনে—Let him come.

ভূধর । ঠাকুর, শীগ্গির এক কাপ—

(চা লইয়া ঠাকুরের প্রবেশ)

ঠাকুর । এই যে বাবু !

কুসুম । ঠাকুর, তোমায় এক সপ্তাহ ছুটি দেব, আর কিছু টাকা দেব—
'ফিরপো'র 'চীফ ষ্টুয়ার্ড'কে ব'লে রেখেছি, তোমায় যত্ন ক'রে
আপ-টু-ডেট খাবার তৈরী করতে শেখাবে । আমরা এসব খাবার
ছেড়ে দেব—বুঝেছ ?

ঠাকুর । আমি কিছু কিছু শিখে ফেলেছি । আজকে মেসুতে আছে—
টেরামাছ রোস্ট, হাফ্‌বয়েলড্‌ এগফ্রুট, আর কুচো চিংড়ি with
পালনশাক and কঁটালের বিচির soup.

মাকড়সার জাল

ভূধর । চমৎকার, তোমার মাইনে বাড়িয়ে দেওয়া দরকার ঠাকুর !

ঠাকুর । সাহেবের দয়া—!

ভূধর । আপাততঃ ঘরে গিয়ে একটা সিগারেট খাও । (সিগারেট দিলেন)

[ঠাকুরের প্রস্থান ।

কুসুম । যাও—জমিটে বায়না ক'রে ফেল !

ভূধর । পরশুদিন বায়না ক'রবো ।

কুসুম । 'ফেসিং দি লেক্' বাড়ী হবে—প্ল্যান আমি তৈরী করেছি ।

ভূধর । শুধু প্ল্যান তৈরী কেন ? মিস্ত্রীও তুমি খাটাবে ।

কুসুম । ঠাট্টা হচ্ছে ?

ভূধর । না না—ঠাট্টা নয় ; আমার নিজের সময় নেই—কাজটাও জানিনে । তোমার যখন কাজ জানা আছে—ইন্জিনিয়ার, কন্ট্রাক্টর, কি ড্রাপ্‌টস্ম্যান—কাউকে পয়সা দেব না । ওঠ ওঠ—ওই বুঝি ভদ্রলোকটা আসছে !

কুসুম । Let him come. You can't have any private talk, which I should not know.

ভূধর । এ অল্প কথা !

কুসুম । হ'লই বা অল্প কথা ! আমি কাউকে ব'ল্‌বো না ।

(নেপথ্যে মাড়োয়ারী মিঃ রামদাস শেঠ)

রামদাস । (নেপথ্যে) মুখার্জিসাহেব কুঠীতে আছেন ?

ভূধর । হ্যাঁ—আছি ! কে—শেঠজী ? one minute—আমি যাচ্ছি !

যাও—লক্ষ্মীটি, বাড়ীর ভিতর যাও । একটা অল্প প্রভিন্সের

দ্বিতীয় অঙ্ক

লোক তোমায় দেখে যাবে—কি মনে ক'রবে ! After all, we are still orthodox Bengali Brahmin !

কুসুম । আমরা 'অর্থডক্স' নই,—কেন ত্যাকাম' কচ্ছ ? ও—কে ? হুণ্ডিওয়াল ?

ভূধর । আরে, না না—সে অহু ব্যাপার—অহু ব্যাপার !

কুসুম । দেখ, সোজা কথা—দেনা যদি কর, আমার বালিগঞ্জের বাড়ী যেন টানাটানি না করে !

ভূধর । সে বাড়ী তো হবে তোমার নামে । এ যাকিছু আয়োজন দেখ্‌ছো—সবই বালিগঞ্জের বাড়ীর জন্তে । Have faith in me.

কুসুম । আচ্ছা !

[ভূধর ধীরে খুলিলেন, কুসুমকামিনী প্রস্থান করিলেন, রামদাস শেঠ
ঘরে আসিলেন । প্রবেশপ্রস্থান-কালের সন্ধিক্ষণে দুই
জনের চোপোচোপি হইয়া গেল— ।]

রামদাস । Is she the lady in question ?

ভূধর । No, no, no—certainly not !

রামদাস । Then, who is she ?

ভূধর । My wife sir, my wife—my better-half.

রামদাস । My God ! I thought—

ভূধর । Please don't think—বস্তন ! সিগারেট ?—

(রামদাস সিগারেট লইল)

রামদাস । কাগজে খবর বেরিয়েছে কেন ? Was there any
গোলমাল ?

মাকড়সার জাল

ভূধর । I think not.

রামদাস । তবে ? A traitor in the camp ?

ভূধর । না—It's another case. আমাদের ব্যাপারই নয় ।

রামদাস । আপনার সন্দেহ হ'চ্ছে না ? I suspected, as soon as I read.

ভূধর । প্রথমটা একটু সন্দেহ আমারও হ'য়েছিল । You can't read between the lines, it is so vague—কোনো ইংরিজী কাগজে নেই—

রামদাস । আমি শুধু প্রশ্ন জিজ্ঞাসা করছি, আপনার বাড়ীতেই আছেন নাকি ?

ভূধর । ঠিক আমার বাড়ীতে না হলেও—at my disposal, ভাবনা কিছু নেই ! আজ কিছু payment ক'চ্ছেন নাকি ?—

রামদাস । As you like it—টাকার ভাবনা কি ?

ভূধর । কোথায় পৌছে দিতে হবে ?

রামদাস । করাচী on 15th November. তারপর থেকে আপনাদের আর দায়িত্ব নেই—But we want an accomplished girl.

ভূধর । যেমনটা মহিলার হওয়া উচিত—A typical lady or rather a lady in the making ! এক মাস আমাদের হাতে থাকবে । এই এক মাসেই তো তার ট্রেনিং—খরচ তো এখনই ।

রামদাস । খরচ কর্তে তো আমরা রাজি আছি মুখার্জিসাহেব ! কত টাকা দেব ?

দ্বিতীয় অঙ্ক

ভূধর। The second instalment দশ হাজার। বাকী টাকা—
করাচী পৌছনোর পর—যখন পুরোপুরি আপনাদের হাতে
গিয়ে পড়বে।

রামদাস। Ready money ?

ভূধর। Cash.

রামদাস। যা মাঙ্কবেন,—সঙ্গে সেতে হবে।

ভূধর। চলুন—!

রামদাস। আইয়ে—একবার মেয়েটাকে দেখাবেন ?

ভূধর। চেষ্টা করবো। [উভয়ের প্রস্থান।]

[ভূধর বাবু চলিয়া যাইবার কিছু পরে কুমুদরঞ্জন ঘরে আসিল—এবং খুব

মনোযোগ সহকারে 'টেলিফোন গাইড' দেখিতে লাগিল—কিছু

পরে প্রথমে চিত্রা পশ্চাতে বিভাকর প্রবেশ করিল]

চিত্রা। যে নাম খুঁজছো, 'টেলিফোন গাইডে' সে নাম নেই !

কুমুদ। ভারি ফাজিল হয়েছ ; এই যে—তুমিও সঙ্গে এসেছ !

বিভাকর। বাঃ—চমৎকার অতিথিসংকারের নমুনা দেখছি ! চলে যাব
নাকি—?

কুমুদ। তোমরা চ'লে যাবে কেন ? আমিই যাচ্ছি !

চিত্রা। কেন—ফোন করনা ?—কাকে ফোন ক'রবে—আমি
জানি।

কুমুদ। আমি কাকে ফোন ক'রবো, তুই কি ক'রে জানুলি ? আমি
জগদীশ বাবুর ফোন নাম্বার দেখছি।

মাকড়সার জাল

চিত্রা। আমার নাথার মনে আছে—গাইড দেখতে হ'বে না—
বড়বাজার—3021.

কুমুদ। আমি যদি ফোন না করি— !

চিত্রা। কেউ নাথার দিবা দিচ্ছে না। তুমি ফোন ক'রো না—নাথ
ঠাণ্ডা করে।

কুমুদ। আমার নাথ খুব ঠাণ্ডা আছে। তোমরা ছুটীতে নাথ ঠাণ্ডা
কর।

বিভাকর। কুমুদা ! তুমি তো আমার উপর কখনো নিদয় ছিলে না ;
আমি কি অপরাধ ক'রেছি দাদা ?

কুমুদ। বিভাকর, Do you really love চিত্রা ?

বিভাকর। তোমার এ কথার উত্তর দেওয়া আবশ্যক মনে করি না।

কুমুদ। কেন ?

বিভাকর। তুমি চিত্রাকেই জিজ্ঞাসা কর। আমি কাউকে ভালো বাসি না
বাসি—that's my concern.

কুমুদ। চিত্রা আমার বোন !

বিভাকর। আমার জানা আছে।

কুমুদ। তুমি আমার 'ইগ্নোর' ক'রছ ?

চিত্রা। He should—you are not my guardian !

কুমুদ। ওঃ, বটে ? আমি গার্জেন নই ; সেটা তোমার সৌভাগ্য নয়—
হুঁত্যা ! [প্রহান-উত্তত।

চিত্রা। আহা, রাগ ক'ছ কেন দাদা— ! বস—তুমি গার্জেন নও
ব'লেছি, দাদা তো নিশ্চয় ?

দ্বিতীয় অঙ্ক

কুমুদ । না—আমি ব'লবো না ; আমার কাজ আছে—কাজে বেরুচ্ছি !

চিত্রা । স্নানীতিদির ওখানে ? পথ খুঁজে পাবে না—বড় জটিল পথ !

বিভাকর । সত্যি কুমুদদা ! মাইরি—তুমি স্নানীতিদিকে বিয়ে কর—

She is a wonderful lady ! আমি যদি—

চিত্রা । তুমি যদি—কি ? বল— !

বিভাকর । না—তোমার মুখের উপর আর ব'লবো না !

চিত্রা । বল—তোমায় ব'লতে হবে ?

বিভাকর । কিছুতেই ব'লবো না - বরং তার বদলে একটা সিগারেট
ধরাব !

চিত্রা । তুমি স্নানীতিদিকে ভালবাস দাদা—সত্যি ভালবাস । কিন্তু,
ও তো বিয়ে ক'রবে না— !

বিভাকর । কে বলেছে - বিয়ে ক'রবে না ?

চিত্রা । বলেনি কেউ, আমি ওর মন জানি !

বিভাকর । ওসব বাজে কথা ! কুমুদদা, আমি ব'লছি—স্নানীতি বিয়ে
ক'রবে—আর তোমাকেই বিয়ে করবে ! She is for you
and you only !

কুমুদ । দে—একটা সিগারেট দে ! আমি তোকে ভাল কথাই ব'লতে
যাচ্ছিলাম—তুই যদি সত্যি চিত্রাকে ভালবাসিস, ওকে বিয়ে
কর—দেবী করিস্ নে !

বিভাকর । কেন ?—চিত্রার অল্প জায়গায় বিয়ের সম্বন্ধ হ'চ্ছে নাকি ?

কুমুদ । হ'তেও তো পারে ! কিন্তু না—তুই বড় ছাাবলা, তোর সঙ্গে
বিয়ে দেওয়া চলে না ।

মাকড়সার জাল

চিত্রা। সেইজন্তেই আমার মনটা মাঝে মাঝে বিদ্রোহী হ'য়ে ওঠে।
তুমি স্বামীর গান্ধীর্ঘ্য রাখতে পারবে না।

বিভাকর। Give me a fair chance.—অন্ততঃ একটা trial
দেও। (চিত্রার পাশে গিয়া দাঁড়াইল)

কুমুদ। (বিভাকরের কাণ ধরিয়া) আরে গেল যা—একেবারে লজ্জাসরমের
ধার ধারিস্নেহ তভাগা!

বিভাকর। এখনো কাণ মলবার অধিকার তোমার হয়নি। তুমি
অনধিকার-চর্চা ক'চ্ছ। স্বনীতিদিকে ব'লে দেব কিন্তু!

কুমুদ। আরে—ভুতোর, স্বনীতিদি স্বনীতিদি—কোথায় কি তার ঠিক
নেই!

বিভাকর। কিছু ভয় নেই দাদা! আমি আর চিটরা সেরেফ ষড়যন্ত্র
ক'রে স্বনীতিদিকে তোমার হাতে তুলে দেব—Don't
ঘাবড়াও!

কুমুদ। আমি পুরুষ মানুষ—বরং কেড়ে নেব, তবু ষড়যন্ত্র করবো না।

চিত্রা। আমাদেরও ষড়যন্ত্র কর্তে হবে না, তোমাকেও কেড়ে নিতে
হবে না—Life is not a six penny novel!

কুমুদ। তুই থাম্—একুশ বছর বয়সে উনি একেবারে বিজ্ঞ হ'য়েছেন!
যেন তোমার জীবনের অভিজ্ঞতা six penny novelistর
চেয়ে বেশী!

চিত্রা। স্বনীতিদির মন কিসে নরম হয়—আমি জানি!

কুমুদ। ও সব আমার দ্বারা হবে না, খোসামোদ আমি কাউকে ক'রতে
পারবো না—আমি পুরুষ বাচ্ছা!

দ্বিতীয় অঙ্ক

বিভাকর । কিন্তু ভালবাসায় একটু আদটু খোসামোদ, একটু অতিশয়োক্তি দরকার হয় দাদা ! অনেক বড় বড় পুরুষ ঐ ধরনের কাজই ক'রে থাকেন, ইতিহাসে লেখা আছে ।

চিত্রা । তুমি জিদ্ করোনা, গোয়ার্ত্তুমিটে ভাল নয়—আমরা যা ব'ল্বে সেইভাবে চ'ল্বে ।

কুম্দ্ । No—I go my own way ! (ষড়ি দেখিষ্ঠ) সাড়ে এগারটা, আর নয়—আমার অনেক কাজ ! তোর এই—ঢংঢং আমার ভাল লাগে না ! বিভাকর—একটু মানুষের মত হ' !

[প্রস্থান ।

বিভাকর । খুব 'কম্প্রিমেন্ট' দিলে তো ?

চিত্রা । সত্যি, তোমায় পুরুষ মানুষ ব'লে মনে হয় না বিভাকর !

বিভাকর । বটে ?—কি মনে হয় ?

চিত্রা । Just a companion.

বিভাকর । তার মানে ?

চিত্রা । You are too refined to be a man !

বিভাকর । তোমার মতে—refinement পুরুষ মানুষকে মানায় না ?

চিত্রা । অন্ততঃ তাকে effeminate ক'রে তোলে !

বিভাকর । কি রকম বর তুমি পছন্দ কর ?

চিত্রা । সাত সমুদ্র তেরো নদী পারের রাজপুত্র, যে বন্দিনী রাজকন্যাকে উদ্ধার ক'রতে পারে—এমন বীর !

বিভাকর । পৃথিবীতে আজকাল রাজপুত্রের সংখ্যা বড়ই ক'মে গেছে । তোমার বিয়ে হ'ওয়া মুশ্কিল দেখছি !.

মাকড়সার জাল

চিত্রা। রাজপুত্রের বদলে ক্যাসিষ্ট, নাজি—or even a communist may do !

বিভাকর। কম্যুনিষ্ট হ'লে চ'লবে তো? ক্যাসিষ্ট, নাজি—
এখনো সমুদ্রলঙ্ঘন করেননি !

চিত্রা। আস্তে দেরী হবে না। আপাততঃ কম্যুনিষ্ট হ'লেই
চ'লবে—!

বিভাকর। কাল থেকে কম্যুনিজ্‌মের রিহর্সাল দেব !

চিত্রা। তোমার বাবা যে তোমায় “সিভিল সারভিসে”র জন্তে বিলেত
পাঠাবেন—?

বিভাকর। তুমি কার কাছে শুনলে?

চিত্রা। কেন—তুমিই তো ব'লেছিলে !

বিভাকর। মিথ্যে কথা ব'লেছিলাম—চাল দিয়েছিলাম !

চিত্রা। তোমার বাবা তোমাকে বিলেত পাঠাতে চাননি ?

বিভাকর। সে—আমি যখন ‘খাড ক্লাস’ থেকে প্রোমোশন পাই,
তখন বাবার আমার সম্বন্ধে ঐরকম একটা big
ambition ছিল !

চিত্রা। এখন সে ‘অ্যাশ্বিশান’ নেই ?

বিভাকর। খেঁদীর বিয়ে দেবার পর থেকে ‘অ্যাশ্বিশানটা খুব কাহিল
হ'য়ে প'ড়েছে ! ওটা টাকার খেলা কি না ?

চিত্রা। তাহ'লে তুমি কি ক'রবে ?

বিভাকর। সত্যিকারের কম্যুনিষ্ট হব।

চিত্রা। কিশাণসমিতি আর শ্রমিকসমিতির প্রেসিডেন্ট হবে ?

দ্বিতীয় অঙ্ক

বিভাকর। হ'তে পারি !

চিত্রা। বক্তৃতা দেবে— ?

বিভাকর। হুঁ—

চিত্রা। বাংলায় ?

বিভাকর। না—ইংরিজি, বাংলা, হিন্দি আর উর্দু—চারটে ভাষা
মিশিয়ে একটা ষ্টাইল তৈরী ক'রবো !

চিত্রা। আচ্ছা বিভাকর, তুমি 'ফিল্ম অ্যাক্টিং' ক'রতে পার ?

বিভাকর। পারি—

চিত্রা। ফিল্ম অ্যাক্টর ভাল—না কমুনিষ্ট ভাল ? তোমার নিজস্ব
মতামত কি ?

বিভাকর। সব ভাল— !

চিত্রা। তোমার মা তো সংমা ?

বিভাকর। লোকে বলে—আমি বুঝতে পারিনে। কার কাছে শুন্লে ?

চিত্রা। তোমার কাছেই শুনেছি।

বিভাকর। আমি এত কথা তোমায় ব'লেছি নাকি ?

চিত্রা। তোমার সব কথা আমি জানি !

বিভাকর। বটে, তুমি ডায়েরী লেখ— ?

চিত্রা। হ্যাঁ—নিখি !

বিভাকর। আর লিখোনা—vary bad habit !

চিত্রা। Bad-habit ?—and why ?

বিভাকর। তুমি যদি কখনো 'সুইসাইড' করো, তোমার খাতাপত্ৰ
পুলিসে নিয়ে যাবে—আর আমায় ধ'রে টানাটানি ক'রবে।

মাকড়সার জাল

চিত্রা। আমি 'সুইসাইড' ক'রবো কেন ?

বিভাকর। Just for the fun of it—তোমার মত মেয়েরাই তো
সুইসাইড ক'রে !

চিত্রা। আমি সুইসাইড ক'রবো না।

বিভাকর। আমি তোমায় বিশ্বাস করিনে ! আমার যেন কেমন মনে
হ'চ্ছে, তুমি একদিন সুইসাইড ক'রবে ; ডায়েরী থেকে আমার
নামগুলো কেটে দিও !

চিত্রা। না—কাটবো না !

বিভাকর। আমায় বিপদে ফেলবে—সেটা ভাল হবে ? “পাবলিক
প্রসিকিউটার” এমন জেরা ক'রবে, কি ব'লতে কি ব'লে
ফেলবো—আমার সব গুলিয়ে যাবে ! না না—ডায়েরীর
খাতাখানা আমায় দাও, আমি পুড়িয়ে ফেলবো।

চিত্রা। না—আমি দেব না।

বিভাকর। যদি সুইসাইড কর, তখন কি হবে ?

চিত্রা। আমার যদি সুইসাইড ক'রবার ইচ্ছে হয়—তোমায় ফোন
ক'রবো—এক সঙ্গে সুইসাইড করবো।

বিভাকর। গুড্—পটাসিয়াম্ সাইনাইড্ ?

চিত্রা। ই্যা—তাই।

(কুসুমকামিনী প্রবেশ করিলেন)

কুসুম। (সন্দেহের চোখে) চিত্রা !

চিত্রা। কি—!

দ্বিতীয় অঙ্ক

কুসুম । বিভাকর— !

বিভাকর । আজ্ঞে !

কুসুম । কি পরামর্শ হচ্ছিল ?

বিভাকর । সে আর আপনার শুনে কাজ নেই— ।

কুসুম । শুনে কাজ আছে !

বিভাকর । (চিত্রার প্রতি) ব'ল্বো— ?

চিত্রা । আমি কি জানি ? তোমার খুসী !

বিভাকর । আমার ব'ল্তে আপত্তি নেই । চিত্রার ইচ্ছে—কথাটা গোপন থাক ; এক্ষেত্রে আমার বলা কি উচিত হবে ?

চিত্রা । বা রে !—সমস্ত দোষটা আমার ঘাড়েই চাপাবে নাকি ?

বিভাকর । দোষ তোমারই ।

চিত্রা । দোষ আমার ?

বিভাকর । নিশ্চয়ই !

কুসুম । আমি কিন্তু সব জানি—বল, কি পরামর্শ ক'ছিলে ?

বিভাকর । যখন জানেন—তখন আর কি ব'ল্বো ?—বুঝতেই তো পাচ্ছেন !

কুসুম । তবু—তোমায় ব'ল্তে হবে !

বিভাকর । তাহ'লে আপনি জানেন না— ।

কুসুম । তুমি চিত্রাকে ভালবাস ?

বিভাকর । না— !

কুসুম । ওঃ—আমি মনে ক'রেছিলাম—

বিভাকর । ভুল মনে ক'রেছিলেন— ।

মাকড়সার জাল

কুসুম । তবে তুমি আমাদের বাড়ীতে এস কেন ?

বিভাকর । বারণ করেন, কাল থেকে আর আসবো না । বলেন,, এখনি
চ'লে যেতে পারি ।

কুসুম । না—শোন !

বিভাকর । বলুন ।

কুসুম । সুইসাইড সম্বন্ধে কি কথা ব'ল'ছিলে ?—

বিভাকর । ওটা একটা experiment on speculative suicide !

কুসুম । সে আবার কি ?

বিভাকর । আপনি ঠিক বুঝতে পারবেন না । আপনাদের সময় ওটা ঠিক
চলন হয়নি । আপনি চিট্রাকে জিজ্ঞাসা ক'রবেন—বুঝিয়ে
দেবে ।

চিত্রা । আমি কিছু বোঝাতে পারবো না,—বোঝাতে হয়, তুমি
বোঝাও !

বিভাকর । বড় জটিল থিয়োরী ! আজ তো আমার সময় নেই, আমি
পরশুদিন এসে আপনাকে বুঝিয়ে দেব । চললাম চিট্রা !
পারতো—ইন্ট্রোডাক্সনটা ক'রে রেখো ।

চিত্রা । আমি একটা কথাও ব'ল'বো না ।

বিভাকর । আচ্ছা—well চিট্রা, চল্লুম ।

কুসুম । তুমি ওকে চিট্রা বল কেন ? .

বিভাকর । ব'ল'তে বেশ ভাল লাগে ; চিট্রা চিট্রা—বেশ ভাল
লাগে !—আচ্ছা, পরশু দেখা হবে । —নমস্কার !

[গ্রহণ ।

দ্বিতীয় অঙ্ক

(কুসুমকামিনী বহুক্ষণ মেয়ের দিকে সন্দেহের দৃষ্টিতে চাহিয়া রহিলেন)

চিত্রা । হাঁ ক'রে মুখের দিকে চেয়ে কি দেখ্‌ছ ?

কুসুম । তুই এই ছেলেটাকে ভালবাসিস্— ?

চিত্রা । (জ্বকুটি করিয়া মায়ের দিকে চাহিল । ইচ্ছা—বলে 'ভালবাসি') না !

কুসুম । তবে ও এখানে আসে কেন ?

চিত্রা । ভাল না বাসলে বুঝি মানুষ মানুষের বাড়ী আসে না ?

কুসুম । ওদের বাড়ী কোথায় ? বালিগঞ্জে তো ?

চিত্রা । তাইতো ব'লেছে ! ওর সব কথা সত্যি নয় ।

কুসুম । মিথ্যে কথা বলে ?

চিত্রা । প্রচুর !

কুসুম । তাহ'লে ও তোকে ভালবাসে ? তাই 'বল'না হতভাগী !

চিত্রা । আমি কেন মুখফুটে ব'লতে যাব ? যার গরজ, সেই বলুক—
আমার ব'য়ে গেছে— !

[প্রস্থান ।

কুসুম । বুঝেছি—তবে বালিগঞ্জে বাড়ী থাকা চাই ।

তৃতীয় দৃশ্য

[স্নানান্তর ঘর, স্নানান্তর ঘরের কাজ করিতেছিল ;
স্নানান্তর ও পূর্বরাত্রির আগন্তুক নূতন মেয়ে—নাম প্রতিভা ।]

স্নানান্তর । এখানে কেমন লাগছে !

প্রতিভা । আপনাকে ভালো লাগছে !

স্নানান্তর । কেন ?

প্রতিভা । আপনি যে গুঁর দিদি !

স্নানান্তর । জায়গাটা ?

প্রতিভা । ঘরখানি চমৎকার সাজানো-গোছানো ! বাইরে যাবার উপায়
নেই—এই যা !

স্নানান্তর । তুমি বাইরে যেতে চাও ?

প্রতিভা । ই্যা— !

স্নানান্তর । বাইরে যাওয়ায় বিপদ আছে, তা বোঝ ?

প্রতিভা । কি বিপদ ?

স্নানান্তর । যদি কোন জানা লোকের সঙ্গে দেখা হয়—তোমায় চিনতে
পারে ?

প্রতিভা । ক'লকাতার সহরে আমায় কেউ জানে না !

স্নানান্তর । তুমি কতদিন ক'লকাতায় এসেছ !

প্রতিভা । দু'তিন মাস ! মার চিকিৎসা করতে এসেছিলুম । মা মারা
গেলেন ।

দ্বিতীয় অঙ্ক

স্বনীতি । খাদের বাড়ীতে ছিলে, তাঁরা তোমার কে ?

প্রতিভা । মামী বলে ডাকতুম । আর কখনো দেখিনি । মায়ের সঙ্গে জানাশোনা ছিল ।

স্বনীতি । তিনি তোমায় খোঁজ ক'রবেন না ?

প্রতিভা । কি জানি ?—ব'লতে পারি নে ! বোধ হয়—না । তিনি একা থাকেন, তাঁরও সংসারে কেউ নেই—গরীব !

স্বনীতি । তোমরা দেশে থাকতে ।

প্রতিভা । ই্যা !

স্বনীতি । দেশ কোথায় ?

প্রতিভা । বন-বিষ্টপুর ! আমাদের বাড়ী জঙ্গল হ'য়ে গেছে, ভয়ানক ম্যালেরিয়া—একশ' সাত ডিগ্রি ক'রে জ্বর ওঠে !

স্বনীতি । বরাবর সেইখানেই ছিলে ?

প্রতিভা । না—বাবা চাকরি ক'রতেন পশ্চিমে—পাটনায় ।

স্বনীতি । তিনি মারা গেছেন ?

প্রতিভা । ই্যা !

স্বনীতি । কতদিন আগে ?

প্রতিভা । আর বছরও এ সময় বাবা বেঁচে !

স্বনীতি । লেখাপড়া জানো ?

প্রতিভা । ম্যাট্রিক পাশ করেছি ; ফাষ্ট ইয়ার ক্লাশে পড়তাম !

স্বনীতি । আচ্ছা প্রতিভা, একটা কথা জিজ্ঞাসা ক'রবো ?

প্রতিভা । করুন না !

স্বনীতি । তুমি রঞ্জনকে ভালবাস ?

মাকড়সার জাল

প্রতিভা । (মুহূ হাসিল—কথা कहिल ना)

স্বনীতি । ভালবাস !

প্রতিভা । নইলে গুঁর কথায় আসবো কেন ?

স্বনীতি । রঞ্জন তোমায় বিয়ে ক'রবে ব'লেছে ?

প্রতিভা । আপনি তো গুঁর দিদি ? ব'লেছিলেন—আমার দিদির কাছে থাকবে, স্তখে থাকবে—কেউ কিছু ব'লবে না !

স্বনীতি । থাকে' তুমি মামী ব'লতে, তিনি বুঝি প্রায়ই তোমায় ব'কতেন ?

প্রতিভা । দিনরাত ব'কতেন ! কোন মানুষ যে শুধু শুধু এত ব'কতে পারে, তাঁকে না দেখলে আপনিও বিশ্বাস ক'রবেন না !

স্বনীতি । তুমি তাঁর কাছ থেকে পালিয়ে এসেছ, এটা অত্যায কাজ—তা তুমি বোঝ ?

প্রতিভা । পালিয়ে না এলে, আসা মুশ্কিল হতো !

স্বনীতি । তা হয়তো হ'ত ; কিন্তু এ কাজটা ভাল হয়নি, এটা তুমি বুঝতে পার তো ?

প্রতিভা । ভাল না হ'তেও পারতো,—কিন্তু আপনার কাছে যখন এসেছি, তখন নিশ্চয়ই ভাল হয়েছে !

স্বনীতি । আমায় এত বিশ্বাস ক'রছ কেন ?

প্রতিভা । বাঃ—আপনি যে গুঁর দিদি !

স্বনীতি । কার ?—রঞ্জনের ?

প্রতিভা । (লজ্জিতভাবে) হ্যাঁ !

দ্বিতীয় অঙ্ক

(অতিদ্বন্দ্বে স্থনীতি হাসিলেন)

- স্থনীতি । প্রতিভা, আমি তোমার দিদি । আমায় ‘আপনি’ ব’লো না !
প্রতিভা । ‘তুমি’ ব’লবো ?
স্থনীতি । ই্যা !
প্রতিভা । ‘তুমি’ ব’ললে আপনার মানের লাঘব হবে না তো ?
স্থনীতি । না—মানের লাঘব হবে কেন ?
প্রতিভা । আপনি যে গুঁর দিদি, গুরুজন !
স্থনীতি । আমি তোমার দিদি, তুমি আমার ছোটবোন !
প্রতিভা । তাহ’লে ‘তুমি’ ব’লবো ?
স্থনীতি । নিশ্চয়ই !
প্রতিভা । ‘তুমি’ ব’লতে পারলে আমি বেঁচে যাই ! ‘আপনি’ ব’লতে
এত অস্ববিধা হচ্ছিল,—বড্ড বাধ বাধ ঠেকছিল ।
স্থনীতি । আমি বুঝতে পেরেছিলাম । তুমি গান গাইতে জান প্রতিভা ?
প্রতিভা । শিখেছিলাম,—অনেক দিন গাইনে ; বাবা থাকতে একবার
গ্রামোফোনে গান দেবার কথা হ’য়েছিল ।
স্থনীতি । তাহ’লে তুমি ভাল গান গাইতে পারো !
প্রতিভা । বাবা শেখাতেন, বাবা বড় গাইয়ে ছিলেন । তুমি আমায়
গ্রামোফোনে গান দেবার ব্যবস্থা ক’রে দিতে পার দিদি ?
আমি বোধ হয় ভাল গাইতে পারবো !
স্থনীতি । আগে আমায় একখানা গান শুনিয়ে খুসী কর ।
প্রতিভা । অনেকদিন গাইনি, তেমন ভাল হবে না । ভুল ধ’রো
না যেন !

মাকড়সার জাল

স্বনীতি । আমি তো তোমার মত ওস্তাদের কাছে গান শিখিনি ? তুল
ধ'রবার ক্ষমতা নেই !

(প্রতিভা সলজ্জভাবে গাহিতে আরম্ভ করিল)

গান

ফুলের জীবন শেষ হয়ে যায়—

একদিনের খেলায় ;

আজ সকালে ফুটলো যে ফুল,

ঝ'রবে সে ফুল সন্ধ্যাবেলায় !

এত আদর এত সোহাগ,

হৃদে ধ'রে এই অনুরাগ—

থাকবে কি আর, বঁধু তোমার,

(যখন) পাঁপড়ি ছিঁড়ে প'ড়বে ধূলায় !

আমার পানে তখন তুমি

চাইবে নাকো অবহেলায় !

(এখন) কুসুম-স্বাস ক'রতে হরণ

কত কথা কয় সমীরণ,

গন্ধে মাতাল ভ্রমর আমায়

থুঁজছে সারা বন !

কাল নিশীথে ছিলাম কুঁড়ি

জানিনি যৌবন !

দ্বিতীয় অঙ্ক

যাত্রী আসে খেয়া ঘাটে,
সুখিয়ামামা বসলো পাটে
জীবন আমার ফুরিয়ে গেল,
বঁধু তোমার হেলাফেলায় ॥

(গানের মধ্যস্থলে ছেলে কোলে অনিলা প্রবেশ করিলেন)

অনিলা । বাঃ—এ তো চমৎকার গায় ! কাল রাতে এসেছে ?

সুনীতি । হ্যাঁ—তুমি উপরে চ'লে যাবার পরই ।

অনিলা । ঠাকুরপো ব'লছিল বটে—তোমার ঘরে কারা এসেছে । আত্মীয় ?

সুনীতি । আর এক সময় ব'লবো'খন ।

অনিলা । বেশ মেয়েটী ! তোমার নাম কি ?

প্রতিভা । কুমারী প্রতিভা রায় ।

অনিলা । আর ক'টি কুমারী তোমার সন্ধানে আছে ?—সব খবর দিয়ে
নিয়ে এস !

সুনীতি । কুমারীদের উপর তোমার এত রাগ কেন ?

অনিলা । (প্রতিভার প্রতি) তুমি ভাই কিছু মনে ক'রনা, তোমায় ব'লছি—
তোমায় এখনো কুমারী মানায় ; কিন্তু এই হতভাগী, বিয়ে
দিলে সাত ছেলের মা হ'তো—তুই আজও কুমারী থাকবি
কেন লা ! (প্রতিভা ছেলেটাকে কোলে লইল)

(দরজার কাছে অনিলার ঠাকুরপো নলিনবাবু আসিলেন)

নলিন । বৌদি !

অনিলা । কেন ঠাকুরপো !

মাকড়সার জাল

নলিন । আমার কথা সত্যি ?—সত্যি তো ?

অনিলা । সত্যি বই কি !

স্বনীতি । তোমার ঠাকুরপোকে ডাকো না ।

অনিলা । আমি ডাকব না, দরকার থাকে—তুই ডাক !

স্বনীতি । আমার সঙ্গে introduce ক'রে দাও ?

অনিলা । আমার ব'য়ে গেছে ! যখন বাজারে বাজারে ফুলেল তেল ক্যানভাস করিস্, তখন কে introduce ক'রে দেয় ? নেকামো দেখে আর বাঁচিনে !

স্বনীতি । নলিনবাবু, একবার ভিতরে আস্তন না ?

নলিন । (নেপথ্য হইতে বলিল) যাবার উপায় নেই—এন্‌গেজমেন্ট আছে ।

অনিলা । (নেপথ্যভিমুখিনী) একজন ভদ্রমহিলা তোমার সঙ্গে যেচে আলাপ কচ্ছে, আর তুমি গ্রাহ্য ক'রছ না ! কেন ?—এত গুমোর কিসের ?

নলিন । (নেপথে) গুমোর নয়, ঝগড়া—স্বনীতি দেবীর সঙ্গে আমার ঝগড়া আছে !

অনিলা । কেন ?—স্বনীতি দেবীর অপরাধ ?

নলিন । দেবী হ'য়ে যাচ্ছে—ফিরে এসে তোমার সামনেই ঝগড়া ক'রবো ।

অনিলা । চলে গেল,—এল না !

স্বনীতি । বেশ মানুষটী !

অনিলা । দু'বেলা ঘরের সামনে দিয়ে আনাগোনা করে—একবার ডেকে জিজ্ঞাসা করে নে । এক কাপ চা খেয়ে যাও,—এ কথাও ত লোকে মুখ দিয়ে বলে ? এখন বিলা হচ্ছে—বেশ মানুষটী ! কচি খুকী !

দ্বিতীয় অঙ্ক

স্বনীতি । *তোর মতলব কি ?

অনিলা । নিষিদ্ধ ফলের লোভটী তোমায় ছাড়তে হবে ।

স্বনীতি । আমার নিষিদ্ধ ফলের উপর লোভ আছে—জ্ঞানলি কি ক'রে ?

অনিলা । শিকারী বেড়ালের গঁোফ দেখলে চেনা যায় ।

স্বনীতি । আমার গঁোফ আছে নাকি ! আচ্ছা, সত্যি যদি তোর স্বামীকে কেউ ভালবাসে ?—কি করিস্ তাহ'লে ?

অনিলা । একবার ভালবেসে দেখ,—সেরেফ গালাগালি দিয়ে ভালবাসা ছাড়াবো !

স্বনীতি । দু'পক্ষকেই ?

অনিলা । না—আগে তোমায় ; দু'একটা শুনেছো তো ?—কেমন লাগে ?

স্বনীতি । চমৎকার ! এমন মিষ্টি গালাগাল কোথায় শিখলি আমায় ব'লবি ?

অনিলা । কেন ?

স্বনীতি । মাইরি ভাই ! তোর গাল আমার বড় মিষ্টি লাগে । কার কাছে শিখলি ? আমি কাউকে গাল দিতে পারি না !

অনিলা । এই ম'রেছে ! উনি আফিসে চাকরি ক'রবেন,—পুরুষ মানুষ হবেন ! ব'লে—

“কত সাধ যায়রে চিতে ।

মলের আগায় চুটকী দিতে ॥”

স্বনীতি । বেশ শোনাতে তো ! এর মানে কি ভাই ?

অনিলা । নেকী ... ! তারি ভাল মানুষ ; উনি কিছু জানেন না !

প্রতিভা । দিদি, ওকথার মানে আমি জানি, আমাদের বন-বিষ্ণুপুরের লোকেরা বলে, পাটনার লোকেরা জানে না ।

মাকড়সার জাল

(বাহির হইতে রঞ্জন)

রঞ্জন । • (নেপথ্যে) স্থনীতিদি !

(রঞ্জনের প্রবেশ)

স্থনীতি । এস এস—রঞ্জন এস ! লজ্জা কি ? আমার বন্ধু এবং ‘ল্যাণ্ড
লেডি’ অনিলা দেবী—

রঞ্জন । নমস্কার !—

অনিলা । নমস্কার—! তোমরা দু’জনে বসে কথা কও, আমি প্রতিভাকে
নিয়ে উপরে যাই !

প্রতিভা । (স্থনীতির কাছে) যাবো দিদি ?

অনিলা । আর দিদিকে জিজ্ঞাসা ক’রতে হবে না । আমি তোমার
দিদির দিদি !

[অনিলা ও প্রতিভা চলিয়া গেল ।

স্থনীতি । অনিলার সামনে আপনাকে “তুমি” ব’লেছি—দরকার ছিল ;
মাপ ক’রবেন রঞ্জনবাবু !

রঞ্জন । অনিলা দেবী আপনার সব কথা জানেন ?

স্থনীতি । আমি কিছু গোপন করিনে—এসব কি ?

রঞ্জন । প্রতিভার জন্তে অনলুম—কাপড়, গয়না … ।

স্থনীতি । কর্তা পাঠিয়েছেন ?

রঞ্জন । পছন্দ ক’রে কিনেছি আমি ।

স্থনীতি । রঞ্জনবাবু, আপনি প্রতিভাকে ভালবাসেন ?

রঞ্জন । যদিই বা ভালবাসি, তাতে সংসারে কারকি ক্ষতিবৃদ্ধি ?

স্থনীতি । ওকে বিয়ে ক’রে সংসারী হবেন ?

দ্বিতীয় অঙ্ক

রঞ্জন । আমি নিজে মাঝে মাঝে অনেক স্বপ্ন দেখি—আপনি আর তার উপর দিব্যস্বপ্ন দেখাবেন না !

স্বনীতি । কেন ?—স্ত্রীর ভরণপোষণের দায়িত্ব বহন ক'রবার শক্তি আপনার নেই ? আমার কাছে যে সাহায্য চাইবেন, তাই পাবেন !

রঞ্জন । আপনি কি আমায় পরীক্ষা ক'রছেন ?

স্বনীতি । আপনার এরকম মনে হওয়া স্বাভাবিক ! আচ্ছা, রঞ্জনবাবু ! “লেডি ক্যানভাসার” ছাড়া আর কোনভাবে কি আপনি আমায় ভাবতে পারেন না ?

রঞ্জন । ও কথা থাক !

স্বনীতি । এ কথার আলোচনা ক'রতুম না,—যদি জানতুম, প্রতিভা আপনাকে ভালবাসে না ।

রঞ্জন । আমায় ভালবাসে ?

স্বনীতি । মনে হয়— ! তাকে আপনি বিয়ে ক'রবেন ব'লেছেন ?

রঞ্জন । সংসারে কাজ ক'রতে গেলে কত লোককে কত কথা বলতে হয় ।

স্বনীতি । তা বটে,—আমার জানতে চাওয়াই অত্যাশ্চর্য !

রঞ্জন । আপনাকে কোন প্রতিজ্ঞা ক'রতে হয়েছে কিনা জানি না ।

স্বনীতি । প্রতিজ্ঞা ক'রতে হবে কেন ?

রঞ্জন । ব'লতে পারিনে । এই টাকা নিন, প্রতিভার ভরণপোষণের খরচ ।

স্বনীতি । প্রতিভা কত দিন এখানে থাকবে ?

রঞ্জন । আজকের কাগজ দেখেছেন ?

মাকড়সার জাল

সুনীতি । ঐ তো—কাগজ রয়েছে ।

রঞ্জন । এ খবর কাগজওয়ালাকে কে দিল ?

সুনীতি । আমি কেমন ক'রে জানবো ?

রঞ্জন । কালকের নতুন মাহুশটী কে ?

সুনীতি । আমার পরিচিত নয় ।

(স্মরজিতের প্রবেশ)

স্মরজিৎ । আমার কথা হচ্ছে কি ?

সুনীতি । আপনি কি ইন্দ্ৰজাল জানেন নাকি ?—স্মরণ ক'রতেই
আবির্ভাব ! বসুন—

স্মরজিৎ । আজ আমি তোমার অতিথি !

সুনীতি । খাওয়াদাওয়া ক'রবেন ?

স্মরজিৎ । আপত্তি নেই, তোমার অস্থবিধে হবে না তো ?

সুনীতি । পাশের ঘরে 'ইলেক্ট্রিক ষ্টোভ' আছে—কি খাবেন বলুন ?

স্মরজিৎ । যা দেবে—তাই । “তৃণানি ভূমিরুদ্ধকম্—” ।

রঞ্জন । আমি তাহ'লে আসি সুনীতি দেবী !

স্মরজিৎ । না—আপনার সঙ্গে একটু বিশেষভাবে পরিচিত হতে চাই !

সে মেয়েটী কোথায়, আপনি কাল যাকে এনেছিলেন ?

রঞ্জন । এই বাড়ীতেই আছে । আপনি কে ?

স্মরজিৎ । যদি বলি, পুলিশের লোক ?

(ভূধর মুখোপাধ্যায়ের প্রবেশ)

ভূধর । বিশ্বাস ক'রবো না—পুলিসের সাধারণ বিভাগ, আর গোয়েন্দা
বিভাগের সমস্ত কর্মচারী আমার পরিচিত !

দ্বিতীয় অঙ্ক

স্মরজিৎ । এই যে—আপনিও এসেছেন ?

ভূধর । আমি মাঝে মাঝে এসে থাকি ; কিন্তু কাল থেকে আপনার সঙ্গে আমার ছ'বার দেখা হ'ল কেন—জানাবেন কি ?

স্মরজিৎ । আপনিই ভাল জানেন ।

ভূধর । আপনার সেই বন্ধুটির দেখা পেয়েছেন, যার শাল্বে যাবার কথা ছিল ?

স্মরজিৎ । না—সেইজন্মেই তো পাঁচ জায়গায় ঘুরে বেড়াতে হচ্ছে !

ভূধর । একবার থানায় যাবেন কি ?—হয় তো, সেখানে তাঁর দেখা মিলতে পারে ?

স্মরজিৎ । আপত্তি কি ! আপনি সঙ্গে যাবেন তো ?

ভূধর । ব্যবস্থা ক'রে দেব নিশ্চয় ?

স্মরজিৎ । তা'হলে চলুন, শুভকর্মে বিলম্ব কেন ?

স্বনীতি । ইনি আমার অতিথি—

ভূধর । জানি !—কিন্তু এর অর্থ কি ?

স্মরজিৎ । অর্থ কি আর একদিনেই জানবেন ? ছ'চার দিনের ভিতর জানতে পারবেন বৈকি !

ভূধর । তুমি কে ?

স্মরজিৎ । চলুন না, থানায় গিয়ে শুনবেন—আসুন !

ভূধর । তোমায় কে পাঠিয়েছে ?

স্মরজিৎ । আপনি বড় কৌতূহলী ! আশ্চর্য্যটা আর সব্বর সহিছে না ? ব'ল'ছিতো, থানায় চলুন—সব জানতে পারবেন !

ভূধর । (স্বনীতির প্রতি) স্বনীতি, তোমার আত্মীয়— ?

মাকড়সার জাল

স্বনীতি । অতিথি— !

ভূধর । অতিথিসংকার না কল্পেই নয় !

স্বনীতি । গেরস্তুর ধর্ম—অতিথিসেবা !

ভূধর । তাহ'লে তোমার গেরস্ত হবার ইচ্ছে হয়েছে সম্প্রতি !

স্বনীতি । আমি গেরস্তুর মেয়ে, এখনো গেরস্তুর বাড়ীতেই আছি ।

স্মরজিৎ । তারজন্তে কোন ভাবনা নেই স্বনীতি দেবী, সত্যি যদি তোমার নাম স্বনীতি হয় ! কালপরশুর ভিতর একদিন অতিথি হবো—আজ মুখুজ্যেমশায়ের সঙ্গে যাই— !

ভূধর । তুমি আমার নাম জানো— ?

স্মরজিৎ । তা একটু কষ্ট ক'রে জানতে হয়েছে বইকি ? ঠিকানা সংগ্রহ করেছি—আর নাম জানিনে ! আসুন—

ভূধর । রঞ্জন, আমার সঙ্গে এসো !

স্মরজিৎ । আর দু'একটা লোক সঙ্গে নিন—একা রঞ্জন কি আপনাকে রক্ষা ক'রতে পারবে ? নিকটে আড্ডা নেই ? চলুন-না, আড্ডাটা ঘুরে যাওয়া যাক !

[বাড়ীর ভিতর দিকের দরজাখ ঘা পড়িল । স্বনীতি উঠিয়া ধীরে ধীরে দোর খুলিয়া দিল । প্রতিভা প্রবেশ করিল । সে আদিয়া দেখিল,
রঞ্জনকে লইয়া ভূধর ও স্মরজিৎ কোথায় চলিয়াছে !]

ভূধর । (বাইতে বাইতে প্রতিভাকে দেখিয়া রঞ্জনের প্রতি) বিপাশা ?

রঞ্জন । হ্যাঁ !

(এই দুইটা মেয়ের মধ্যে কে উৎপলা বুঝিতে না পারিয়া)

স্মরজিৎ । (ভূধরের কানে কানে) উৎপলাকে কোথায় রেখেছেন ?

দ্বিতীয় অঙ্ক

ভূধর । উৎপলাকে তুমি চেন নাকি ?

স্মরজিৎ । আপনি তাঁকে কোথায় রেখেছেন ?

ভূধর । চল—থানায় চল । চাইকি, সেইখানেই তার দেখা মিলতে পারে ।

[বাহিরের দরজা দিয়া ভূধর, স্মরজিৎ ও রঞ্জনের প্রস্থান ।

প্রতিভা । দিদি !

স্বনীতি । কেন !

প্রতিভা । ও লোকটা কে ?

স্বনীতি । কোন্ লোকটা ?—কাল যিনি এসেছিলেন ?

প্রতিভা । না—আর একজন ! ওঁকে থানায় নিয়ে গেলেন ?

স্বনীতি । রঞ্জনকে কোথাও নিয়ে যাবে না, সে ভয় নেই !

প্রতিভা । আমার নাম তো উৎপলা নয়, বিপাশা নয় !

স্বনীতি । আমি তা জানি ।

প্রতিভা । তবে ওসব নাম ক'রছিলেন কেন— ?

স্বনীতি । তা কেমন করে জানবো বন ! ওঁরা কাজের মানুষ—কত লোকের সঙ্গে ওঁদের কাজ । আমাদের মত হয়তো কোথাও আর ছ'টি মেয়ে আছে, তাদের একটির নাম বিপাশা—আর একটির নাম উৎপলা ।

প্রতিভা । আচ্ছা দিদি, আমার সম্বন্ধে নাকি খবরের কাগজে কি বেরিয়েছে ?

স্বনীতি । তোমার সম্বন্ধে !

প্রতিভা । উপরের দিদি তাই ব'লছিলেন । আমায় নাকি ওঁরা হরণ ক'রে এনেছেন । কাগজে নাকি তাই লিখেছে ।

মাকড়সার জাল

স্বনীতি । তোর নাম তো লেখনি ?

প্রতিভা । না—তবে উপরের দিদি ব'লছিলেন, সে নাকি আমার কথা !

স্বনীতি । তুমি কি বল্লে ?

প্রতিভা । আমি বল্লুম, আমায় হরণ ক'রবে কেন ? আমি ইচ্ছে ক'রে এসেছি !

স্বনীতি । আমার সঙ্গে তোমার কি সম্পর্ক জানতে চেয়েছিল ?

প্রতিভা । আমি বলেছি, আমি জানিনে—উনি জানেন, ঠঁর দিদি ।
আচ্ছা দিদি, এরজন্তে ঠঁর জেল হবে ?

স্বনীতি । না না, জেল হবে কেন ? রঞ্জন তো আর তোকে হরণ ক'রে আনেনি ?

প্রতিভা । না—আমি তো নিজে ইচ্ছে ক'রে এসেছি । তবে ঠঁকে থানায় নিয়ে গেল কেন ?

স্বনীতি । থানায় কি আর কাজ থাকতে পারে না কা'রো ?

প্রতিভা । আচ্ছা দিদি, তোমার নাকি আজো বিয়ে হয়নি ?

(গীতা ও গীতার মা অনিলার প্রবেশ)

প্রতিভা । এস এস, গীতা—এস !

গীতা । এছ মাছিমা, আমার ছপ্পে লুডো খেলবে এছ—উপরে এছ !

স্বনীতি । গীতার বুঝি এ মাসিমা আর ভাল লাগে না !

গীতা । এ মাছিমা ছোট্ট—ভাব ক'রতে ইচ্ছে হয় । তুমি বড্ড বড়—মায়ের মত ! তুমি ভুল না ।

স্বনীতি । তাহ'লে তোর মাও ভাল নয়—বল্ ?

দ্বিতীয় অঙ্ক

গীতা । মা ভাল ! তুমি লুডো খেল না, বায়স্কোপ দেখতে নিয়ে
যাওনা । শুধু বিস্কুট দাও, ভাল না !

অনিলা । যা-না ভাই প্রতিভা, গীতাকে নিয়ে একটু লুডো খেল্গে—
তোর দিদির সঙ্গে আমার দুটো কাজের কথা আছে ।

প্রতিভা । আয়-রে গীতা !

অনিলা । দেগিস—ঠাকুরপোর সামনে বেক্সসনি যেন, তোকে সামনে
দেখলে হয় তো তোকেই ভালবেসে ফেলবে !

প্রতিভা । আপনি বেশ মজার মজার কথা বলেন ! এস গীতা—

[প্রতিভা ও গীতার প্রস্থান ।

অনিলা । কা'রা এসেছিল ?

স্বনীতি । (গভীর রহস্যের সহিত) জানতে চেষ্টাও না !

অনিলা । কাল রাত্রে আমি চ'লে যাবার পর যিনি এসেছিলেন,
তিনি কে ?

স্বনীতি । বুঝতে পারছিনে !

অনিলা । একটা কথা বলবো স্বনীতি ?

স্বনীতি । বল !

অনিলা । তুমি জালে জড়িয়ে প'ড়ছ ।

স্বনীতি । হয় তো প'ড়ছি !

অনিলা । কেটে বেরতে চাও ।

স্বনীতি । কি দরকার ?

অনিলা । এটি ভদ্রলোকের বাড়ী—আমার স্বামী 'গভর্ণমেন্ট সারভিস'
করেন ।

মাকড়সার জাল

স্বনীতি । তোমরা বিপদে প'ড়বে না,—তেমন সম্ভাবনা থাকলে এখান থেকে চ'লে যেতাম ।

অনিলা । তুমি কোন অন্ডায় কাজ ক'রতে পারো, এ আমি দেখলেও
• বিশ্বাস ক'রবো না ।

স্বনীতি । কিন্তু যারা জালে জড়িয়ে পড়ে, তারা অনেক সময় আমার চেয়েও নিরপরাধ । পাপ বুদ্ধিও তাদের থাকে না—যেমন প্রতিভা । তুমি বুঝতে পেরেছ ব'লে তোমায় ব'লছি !

অনিলা । রক্ষা করা যায় না ?

স্বনীতি । কেউ চেষ্টা করে না ।

অনিলা । তুমি পারো না ?

স্বনীতি । আমি অনেক দিন আগেই জালে জড়িয়েছি !

অনিলা । জাল ছিঁড়ে আসতে পারো না ?

স্বনীতি । (যত্ন হারিয়ে) “পলাবার পথ নেই সেই জালে”— !

অনিলা । পথ নেই—না ইচ্ছে নেই ?

স্বনীতি । শক্তি নেই, উত্তম নেই,—এখন বোধ হয় ইচ্ছেও নেই !
জালের স্বধর্ম এই—শেষ পর্য্যন্ত ইচ্ছাশক্তি নষ্ট হয় ।

অনিলা । যিনি কাল রাত্রে এসেছিলেন, তিনিও উদ্ধার করতে পারেন না ?

স্বনীতি । বুঝতে পাচ্ছিনে ! তবে গুঁর শক্তি আছে, আকর্ষণ আছে !

(গীতার সঙ্গে প্রতিভার প্রবেশ)

অনিলা । তোরা উপরে ব'সলিনে ?

গীতা । কাকাবাবুকে দেখে মাছিমা পালিয়ে এল !

প্রতিভা । না দিদি, না—তা নয় !

দ্বিতীয় অঙ্ক

সুনীতি । গীতা—খাবার খাবি ?

গীতা । কি খাবার ?

সুনীতি । তুই যা খেতে চাইবি—সেই খাবার তৈরী ক'রে দেব ।

গীতা । তুমি কেক তৈরী ক'রতে পার ?

সুনীতি । পারি—আয় ।

(সুনীতি গীতাকে কোলে লইয়া পাশের ঘরে যাইতেছে)

তৃতীয় অঙ্ক

প্রথম দৃশ্য

[সহরের প্রান্তে বড়লোকের 'বাগান বাড়ার' মত একটা প্রকাণ্ড অট্টালিকার কোন

কক্ষ । কক্ষদ্বারে ভোজপুরী দারোয়ান । সেখানে নানা প্রকারের নরনারী

মিলিত হয় । কেহ জানে, এটা স্কুল,—কেহ বা খানিকটা

‘ফিশ্বা ষ্টুডিও’র মত মনে করে ।]

সঙ্গীতপরিচালক । ইঁ্যাহে ?—‘দোলনা দোলা’র ছন্দটা কি হে ?

তবল্‌চি । আজ্ঞে—ধামার সুর !

সঙ্গীতপরিচালক । দোলনার সঙ্গে ঠেকা বাঁধতে পারবে ?

তবল্‌চি । আজ্ঞে—চেষ্ঠা ক’রে দেখি সুর ।

সঙ্গীতপরিচালক । ধামার তাল, পঞ্চম রাগ—The idea. এস তো হে—

সঙ্গে সঙ্গে গাইবে !

(একজন গাহিল)

‘দোলে হিন্দোল-দোলায়,—’

সঙ্গীতপরিচালক । হ’ল না—চ’লবেনা, চ’লবেনা । দাও তো হে সুরটা !

গান

ফুলকলি এলে অলি

বলে বাঁধু, বুকে আয়—

নয়নে রাখিব তোরে,

স্বপনের ঘুমছায় !

তৃতীয় অঙ্ক

এ ফুলে মধু আছে

বেদনারি কাঁটা নাই—

স্বরভি প্রাণে কাঁদে

তারি লাগি' যারে চাই !

• মনের মজুয়া বনে

বঁধুয়া এলো কি হয় ॥

সঙ্গীতপরিচালক। This is the punch, this cocktail—এই
তো চাই !

হার্মোনিয়াম-বাদক। বড্ড 'চীপ্' হ'য়ে গেল না স্বর ?

সঙ্গীতপরিচালক। এই তো চাই, মাংসাশী মিউজিক্ চাই—মাংসাশী !

Boxoffice দেখতে হবে তো ?

নৃত্যশিল্পী। কিন্তু দোলনা তো হ'ল না স্বর !

সঙ্গীতপরিচালক। ইডিয়ট !

[প্রস্থান।

বিপুল। মীনা, আমার এই আৰুতি একটু শোন-না ?

মীনা। তুমি শুধু শুধু মুখস্থ ক'চ্ছ কেন ?

বিপুল। তুমি জাননা বুঝি ?—লগুনে “মাইকেল-জয়ন্তী” উৎসবে
'মেঘনাদবধ' প্রে হবে ? প্রে যদি খুব success হয়, ওরা
'মেঘনাদবধ' ফিল্ম তুলবে। মিষ্টার মুখার্জি আমাদের
আশ্রম থেকে রামের 'ক্যান্ডিডেটে'র জন্তে আমার নাম
দিয়েছেন।

মীনা। মিষ্টার মুখার্জির কথা তুমি বিশ্বাস কর ?

মাকড়সার জাল

বিপুল। বিশ্বাস ক'রব না কেন?—He is a genius! ওরকম আর
একটা মানুষ তুমি বাংলাদেশে দেখতে পাবে না—he has rare
qualities! তুমি তো 'ফিল্ম এ্যাক্টিং' শিখছ?

মীনা। আমার কথা ছেড়ে দাও—!

বিপুল। আচ্ছা মীনা, চলনা—আমরা দু'জনে একসঙ্গে লওনে যাই—?
আমি রাম সাজবো, আর তুমি—

মীনা। আশায় সীতা ক'রতে চাও?

বিপুল। দোষ কি বন্ধু?

মীনা। আচ্ছা, তুমি আয়ত্তি কর আগে,—তোমার রাম যদি পছন্দ হয়,
সীতার কথা ভাব্বো!

বিপুল। 'মেঘনাদবধে'র রামের সীতার সঙ্গে রামের একটাও 'লভ
সিন' নেই!

মীনা। বাঁচা গেছে!—তোমার ঐ 'মেলোড্রামাটিক লভ-মেকিং' অসহ! তার
চেয়ে "লক্ষণের শক্তিশেল" ভাল।

বিপুল। আমার 'লভ-মেকিং' 'মেলোড্রামাটিক' নয়,—'রিয়ালিষ্টিক'।

মীনা। না—তুমি "লক্ষণের শক্তিশেল" বল—

“রাজ্য ত্যজি বনবাসে নিবাসিহু যবে,

লক্ষণ, কুটীরদ্বারে, আইলে যামিনী

ধনুকরে হে স্তম্ভি! জাগিতে সতত

রক্ষিতে আনায় তুমি;”

(ভূধর মুখোপাধ্যায়ের পশ্চাৎ পশ্চাৎ—স্মরজিৎ ও রঞ্জনের প্রবেশ)

ভূধর। বিপুলবাবু!

তৃতীয় অঙ্ক

বিপুল । শ্রু !

ভূধর । ‘লভ সিন’ রিহর্সাল দিচ্ছেন ?

বিপুল । আজ্ঞে না—‘শক্তিশেল’ !

ভূধর । শক্তিশেল— ? হঁ !—disappointed love—শক্তিশেলের কাজই করে ! বিপুলবাবু, বেশীক্ষণ মৃণালিনী দেবীর কাছে জনাস্তিকে কবিতা আবৃত্তি ক’রবেন না ।

বিপুল । আজ্ঞে—না শ্রু !

[প্রস্থান ।

ভূধর । বসুন— !

স্মরজিৎ । আপনি বসুন— !

ভূধর । তুমি কে ?

স্মরজিৎ । এই কথাটা জিজ্ঞাসা ক’রবার জগুই কি এখানে নিয়ে এলেন ?
রাস্তায় জিজ্ঞাসা ক’রলে পারতেন !

ভূধর । প্রাইভেট ডিটে ক্টিভ ?

স্মরজিৎ । আপনার পিছনে ডিটে ক্টিভ লাগতে পারে, এমন কাজ তাহ’লে
আপনি ক’রেছেন ?

ভূধর । আমি তোমায় পাঁচ মিনিট সময় দিচ্ছি ; তার মধ্যে আমি যে সব
প্রশ্ন ক’রবো, তার উত্তর দেবে !

স্মরজিৎ । প্রশ্ন করুন—উত্তর দেওয়া না-দেওয়া আমার ম’জি !

ভূধর । পাঁচ মিনিট পরে আমি এখান থেকে চ’লে যাবো, পাঁচ দিন বাদ
আবার আসবো ; এই পাঁচ দিন তোমায় এখানে আটক
থাকতে হবে ।

স্মরজিৎ । নাও থাকতে পারি ! সেটা নির্ভর করে—তোমার দারোয়ানের

মাকড়সার জাল

চাতুৰ্য্য আর প্রভুভক্তির উপর, আর খানিকটে আমার নিজের
শক্তির উপর।

ভূধর। স্বনীতি তোমার কে ?

স্মরজিৎ। স্বনীতি তোমার কে ?

ভূধর। সে তোমায় যা ব'লেছে—আমার কাছে চাকরী করে। তুমি কাল
কিজন্তে আমার বাড়ীতে গিয়েছিলে ? আর কেনই বা, আজ
হু'দিন স্বনীতির কাছে যাচ্ছ ?

স্মরজিৎ। সে কথা কি এখনো তোমার বুঝতে বাকী আছে ?

ভূধর। তুমি আমায় এখনো কোন কথা বলনি !

স্মরজিৎ। কথা বলবার কোন প্রয়োজন নেই,—কেউ বলে না !

ভূধর। তোমার উদ্দেশ্য কি ?

স্মরজিৎ। তুমি বুদ্ধিমান—বুঝে নাও !

ভূধর। টাকা চাও ?

স্মরজিৎ। পেলে মন্দ হয় না। কত দিতে পারো ?

ভূধর। টাকা উপার্জনের পথ বাতলে দিতে পারি।

স্মরজিৎ। দলে ভর্তি ক'রবে ? কত দিন এ কাজ ক'রছ ?

ভূধর। কি কাজ—?

স্মরজিৎ। এই—সহজ উপায়ে টাকা উপার্জন—!

ভূধর। যদি স্বনীতিকে বিয়ে ক'রতে চাও,—তাও আমায় বল ?

স্মরজিৎ। সে কার্য্যও করা হয় নাকি ?

ভূধর। তুমি আমায় কি মনে ক'চ্ছ ?

স্মরজিৎ। তুমি যা—তাই !

তৃতীয় অঙ্ক

ভূধর। তুমি কিছু বুঝতে পারোনি। আমাদের একটা স্কুল আছে, সেটার নাম “স্কুল অফ ইন্টারন্যাশনাল ফিল্ম এণ্ড থিয়েট্রিক্যাল আর্ট”।

স্মরজিৎ। বটে?—‘ইন্টারন্যাশনাল’ আবার ‘আর্ট’! স্কুলের কাজ কি?

ভূধর। আর্টিষ্ট তৈরী করা। এখান থেকে আমরা আর্টিষ্ট তৈরী ক’রে বড় বড় ষ্টুডিওতে পাঠাই। শুধু ক্যালকাটা নয়,—বম্বে, ম্যাড্রাস, লণ্ডন, প্যারিস—এমন কি, হলিউডে পর্য্যন্ত আমাদের correspondence হ’চ্ছে! অবশ্য হলিউডে এ পর্য্যন্ত কাউকে পাঠানো সম্ভব হয়নি,—ইণ্ডিয়ার ভিতরকার demand meet করাই কঠিন!

স্মরজিৎ। তাইতো, আপনি এরকম artistic temperamentএর মানুষ,—আপনাকে দেখলে তা বোঝাই যায় না!

ভূধর। আমায় দেখলে কি ব’লে মনে হয়?

স্মরজিৎ। ‘রিফাইণ্ড’ জোড়োর!

ভূধর। Please retract your remark,—awfully uncultured!

স্মরজিৎ। তারপর, থানায় না গিয়ে আপনি আমায় এখানে নিয়ে এলেন কেন?

ভূধর। আমাদের কিছু কিছু activities তোমায় দেখাব—If you are artistically inclined, you might be taken in, আমাদের বহু enerjetic youngmen দরকার—।

স্মরজিৎ। আপনার সঙ্গে পাঁচ মিনিটের মধ্যে কথা শেষ না ক’রলে আটক ক’রে রাখবেন,—সে ব্যাপারটা কি?

মাকড়সার জাল

ভূধর । সেটা তোমায় ভয় দেখাচ্ছিলাম—*for your impertinence !*

কাজ ক'রতে চাও তো, আমাদের সঙ্গে এস—অনেক রকমের
কাজ আছে । *You can earn a very decent living !*

স্বরজিৎ । কত টাকা দিতে পারেন ?

ভূধর । *That depends on the stuff you are made of !*—প্রথম
মাসে আমরা শুধু একটা হাতখরচা দিই—*from twenty-five
to two hundred and fifty.*

স্বরজিৎ । আচ্ছা, আপনাদের কাজের নমুনা কিছু দেখান !

ভূধর । রঞ্জন—!

রঞ্জন । শ্রব্ !

ভূধর । বিলাসিনীকে ডেকে নিয়ে এস,—সঙ্গে যেন দু'একটি খুব ভাল
মেয়ে থাকে ।

[রঞ্জনের প্রস্থান ।

স্বরজিৎ । এখানে কি শেখান হয় ?

ভূধর । পৃথিবীর সকল রকম ভাষা, তার সাহিত্য,—রেসিটেশান,
ইলোকুশান, মিউজিক, নাচগান, এ্যাক্টিং, ছবিআঁকা, সেলাইয়ের
কাজ,—যত রকম *accomplishment* এর কথা তুমি চিন্তা
ক'রতে পার !

স্বরজিৎ । 'শান্তিনিকেতনে'র উপর যেতে চান নাকি ? মেয়েদের
গার্জেনদের সাহায্যভূতি আছে ?

ভূধর । প্রচুর ! নইলে, তাঁরা মেয়ে দেবেন কেন ?

স্বরজিৎ । আপাততঃ কত মেয়ে আছে ?

তৃতীয় অঙ্ক

ভূধর । খুব কম—আট-দশটার বেশী নয় !

স্বরজিৎ । এতে আপনাদের পোষায় কেমন ক'রে ? খরচা আছে তো ?

ভূধর । “বিগ্ লিমিটেড্ কোম্পানী” ! অবশ্য, প্রাইভেট লিমিটেড্ !
বাজারে শেয়ার বিক্রীর সময় এখনো হয় নি । ‘শান্তিনিকেতনে’র
কথা ব'লছিলেন না ? সেটা স্কুল ; এটা শুধু স্কুল নয়—আমাদের
উদ্দেশ্য ‘বিজনেস’ ।

স্বরজিৎ । কিছু শেয়ার বিক্রী ক'রবো নাকি ! অনেক পার্টির সঙ্গে
আমার জানাশোনা আছে—কি কমিশন দেবেন ?

ভূধর । . আমরা মেম্বার ছাড়া অন্য কারো কাছে শেয়ার বিক্রী করিনে,
—আগে মেম্বার হ'তে হবে ।

স্বরজিৎ । ‘মেম্বারশিপে’র আইন কি ?

ভূধর । একটা ‘বণ্ডে’ সহ ক'রতে হয় ! (অদূরে বিলাসিনী প্রভৃতিকে আসিছে
দেখিয়া) এই যে—এস !

(রঞ্জনর সঙ্গে বিলাসিনী এবং আরো দুইটা মেয়ে আসিল)

বিলাসিনী । নমস্কার—হঠাৎ অসময়ে যে !

ভূধর । এই ভদ্রলোককে সঙ্গে নিয়ে এলাম—মেয়েদের গান শুনবেন ।
এরা গাইতে জানে তো ?

বিলাসিনী । জানে ব'লে, বড্ড বেশী বলা হয় ! যেমন শিখেছে, সেই
রকম গাইবে !

ভূধর । এদের নাচ শেখানো হচ্ছে ?

বিলাসিনী । Only elementary training পেয়েছে—কোন সমজদার
দর্শকের ভাল লাগবার কথা নয় !

মাকড়সার জাল

স্বরজিৎ । আমি মোটেই সমজদার নই । আপনাদের ভয় পাবার কারণ নেই ।

(ভূধর বাবুর ইঙ্গিতে মেয়ে দুইটা নাচগান আরম্ভ করিল)

গান

সই, ওঠ বুঝি এলো শ্যাম কুঞ্জদ্বারে,
আমি চাহিনে তারে—

সে যেন আসেনা আর, বনের ধারে ।

মোর নাম ধরি' যেন নদীকিনারে,

মোহন বাঁশরী শ্যাম, নাহি ফুকারে !

বলিতে পারিনে (আমি)

ব'লে দে তারে !

.এবার যদি সে আসে বন-ভবনে—

কিশোরী চাবেনা আর নয়ন-কোণে,

তার বদন পানে !

(সখি) আমার মাথার কিরে—

বলি যে তোরে,

ভুজবন্ধনে যেন না বাঁধে মোরে !

(যেন) চুম্বন নাহি আঁকে নয়নে—

সাথে নাহি লয় ফুলচয়নে,

বকুল-বিছানো ফুলশয়নে ।

তৃতীয় অঙ্ক

এখনো

সময় আছে

বলে দে তারে—

সই

বাঁচা আমারে ॥

ভূধর । কি ভাবছেন ?

স্মরজিৎ । ই্যা—কি যেন ভাবছি !

ভূধর । কেমন গান শুনলেন ?

স্মরজিৎ । চমৎকার !

[কথা বলিবার সঙ্গে সঙ্গে স্মরজিৎ চক্ষের নিমেষে কেহ কিছু বুঝিবার পূর্বেই দরজার কাছে গিয়া দারোয়ানকে এক ধাক্কা দিয়া ফেলিয়া দিল ; তাহার কাছে যে পিস্তলটি ছিল, সেইটা কাড়িয়া লইয়া ঘরের ভিতরে আসিয়া দাঁড়াইল ।]

দারোয়ান । বাবু, ডাকু—ডাকু হায় !

বিলাসিনী ও মেয়েরা । (সম্বন্ধে) মা গো—বাবা গো !

স্মরজিৎ । চুপ—গুগোল ক'রো না । টেঁচিয়ে লাভ নেই—আমার হাতে ভরা পিস্তল !

ভূধর । উঃ !—আপনি তো খুব ভয় দেখাতে পারেন মশায় ? কি—বেরসিক ! দিন দিন—পিস্তলটা দিন ?

স্মরজিৎ । পিস্তলটা আপনাকে দেব না । অনেক রসিকতা হ'য়েছে ভূধরবাবু—আর নয় ! নমস্কার—চ'ললুম ! পিস্তলের জন্ত ভাববেন না । থানায় জমা দেব । আপনার নামঠিকানা—দুইই আমার জানা আছে ।

ভূধর । দারোয়ান, উস্কে পাক্‌ড়ো,—জানে মাং দেও !

মাকড়সার জাল

দারোয়ান । নেহি বাবু—হাতমে পিস্তল হায় !

স্মরজিৎ । ইয়া—খুব সাবধান ! নড়েছো কি, মুণ্ড উড়েছে ! (ছোট মেয়েদুইটির প্রতি) তোমরা কেউ বাড়ী যাবে ? যাও তো বলো ? বাড়ীর ঠিকানা বল্লে বাড়ী পৌছে দেব ।

একটা মেয়ে । আমি যাব !

ভূধর । ওর সঙ্গে কোথায় যাবি ?

একটা মেয়ে । আমি যাব !

স্মরজিৎ । এস—!

[প্রস্থান ।

বিলাসিনী । দাঁড়িয়ে কি ক'চ্ছেন রঞ্জনবাবু ! পুলিশে ফোন ক'রে দিন, আর আপনি নিজে একথানা গাড়ী নিয়ে পিছনে ধাওয়া ক'রুন !

ভূধর । কিছু দরকার নেই—ওই পিস্তলেই ধরা প'ড়বে ! ও মেয়েটির নাম কি ?

বিলাসিনী । নিঝরিণী দাস ।

ভূধর । বাড়ীতে একটা খবর দিতে হবে । যদি 'ফোন' থাকে—'ফোন' কর ; নইলে, একথানা চিঠি পাঠিয়ে দাও ।

দ্বিতীয় দৃশ্য

[হোটেলের সুসজ্জিত কক্ষ—নিখারিণী একা বসিয়া আছে। খনিকক্ষণ চুপ করিয়া বসিয়া
রহিল। তারপর উঠিল, এদিক ওদিক চাহিল, জানালার ধারে গেল,—রাস্তার দিকে
চাহিল। টেবিলের কাছে গেল। একথানা মাগাজিন তুলিয়া ছবি দেখিল—
শেষে বিরক্তিতে সেখানিও ফেলিয়া দিয়া উঠিয়া দাঁড়াইল।]

নিখারিণী। Awfully boring—ভালো মুষ্কিলেই ফেললে দেখছি! কি
করে সময় কাটাই! একশো গণবার মধ্যে নিশ্চয়ই ফিরবে!
one, two, three, four, five—why in english? বাংলায়
গুনি—এক, দুই, তিন, চার, পাঁচ, ছয়, সাত, আট, নয়, দশ
—বড্ড ধীরে ধীরে গ'ণা হ'ল! একটু স্পীড বাড়িয়ে দিই,
—এগারো, বারো, তেরো ...!

(তারপর গুন গুন করিয়া গান ধরিল)

গান

আমি তো চাহিনি তার পথের পানে,
যেতে যেতে দেখা হ'লো বন-বিতানে!

শুধু নিমিষের তরে
চাহিল নয়ন ভ'রে
কেন কে জানে?

মোর বদন পানে!

শুনি, সেই হ'তে মোর রূপ, গানে বাখানে;
সে নাকি হ'য়েছে কবি আমার ধ্যানে ॥

মাকড়সার জাল

(স্মরজিৎবাবু ও নির্ঝরিণীর পিতা সীতানাথবাবুর প্রবেশ)

স্মরজিৎ । আসুন আসুন, ভয় নেই—কোন ভয় নেই ! ভিতরে আসুন !

সীতানাথ । একি !

স্মরজিৎ । মেয়েটিকে চিনতে পাচ্ছেন ?

নির্ঝরিণী । বাবা— !

সীতানাথ । আপনি আমার মেয়েকে কোথায় পেলেন ?

স্মরজিৎ । আপনার মেয়েকেই জিজ্ঞাসা ক'রবেন । আপনি আমায়
সন্দেহ ক'রছেন ?

সীতানাথ । আজ্ঞে—না !তবে !

স্মরজিৎ । ব্যাপারটি ঠিক বুঝতে পাচ্ছেন না !

সীতানাথ । না—একেবারে যে বুঝতে পাচ্ছিনে, তা নয় ; বুঝতে একটু
একটু পাচ্ছি !

স্মরজিৎ । বসুন—বাকীটা বুঝিয়ে দিচ্ছি !

(সীতানাথ ভয়ে ভয়ে বসিলেন)

স্মরজিৎ । কতকগুলো কথা জিজ্ঞাসা ক'রবো—ঠিক ঠিক উত্তর দেবেন ?

সীতানাথ । আজ্ঞে ই্যা—তা দিতে হবে বৈকি ? আপনাদের চিঠি

• আমি পেয়েছিলুম ।

স্মরজিৎ । চিঠিখানা কাছে আছে ?

সীতানাথ । ই্যা—তা আছে । অহা কোথাও রাখিনি—কি জানি, যদি
আর কারো হাতে পড়ে ! সংসারে পরিবার নেই তো,—হট্টো-
গোলের সংসার !

স্মরজিৎ । ও—আপনার পরিবার নেই ?

তৃতীয় অঙ্ক

সীতানাথ । না মশায় ! পরিবার থাকলে কি আর এই সব ঘটনা ঘটে ?

স্বরজিৎ । দেখি—চিঠিখানা !

(সীতানাথের নিকট হইতে চিঠি লইয়া চিঠি পড়িলেন)

নির্ম্মরিণী । বাবা, তুমি এ চিঠি কবে পেয়েছ ?

সীতানাথ । তা পেয়েছি—সাত আট দিন হ'ল পেয়েছি !

স্বরজিৎ । সাত আট দিন চিঠি পেয়েছেন—অথচ চিঠির উপদেশ অনুযায়ী কাজ আপনি করেন নি !

সীতানাথ । সেইটাই আমায় একটু মাপ্ ক'রতে হবে বাবু ! অবিশ্টি, আপনারা স্বদেশী ডাকাত ! যদি অভয় দেন বাবু, দু'একটা বেয়াদবি কথা মুখ দিয়ে বেরুতে পারে ।

স্বরজিৎ । বলুন বলুন, আমি কিছু মনে ক'রবো না—আপনার ভয় নেই কিছু ! চিঠিখানা আমার কাছেই থাকলে ।

সীতানাথ । দেখুন, আপনারা স্বদেশী ডাকাত—ভদ্র লোক ; লেখাপড়া জানেন । জজ-ম্যাজিষ্টার, বড়দারোগা, উকিল-মোক্তার—সেও আপনারা ! আবার এও আপনারা ! আমরা মুখ্য মানুষ—আপনাদের হাতের মুটোয়— !

নির্ম্মরিণী । তুমি কি ব'লছো বাবা ?

স্বরজিৎ । উনি ঠিকই ব'লছেন । বলুন—আপনার যা ব'লবার আছে !

সীতানাথ । ব'লবো কি আর আমার মাথা মুণ্ডু ?—ব'লবার কি আছে ? বরাতে যা ছিল—তা তো হয়েই গেছে ! এখন, যা হবার তাই হবে !

মাকড়সার জাল

স্বরজিৎ । আপনার অবস্থা আমি কিছু কিছু বুঝতে পেরেছি । আপনি আমায় বিশ্বাস ক'রুন—আপনার কোন ভয় নেই ! আপনি বিপদে প'ড়বেন না ।

সীতানাথ । ভয় যা ছিল, সে তো চূকেই গেছে বাবু ! আমি তখন জানি—এই হবে ! আমার মা মাথার দিবি দিয়ে ব'লেছিলেন,—সীতানাথ, বুড়ীর একটা কথা রাখ্ বাবা—সধবা মেয়েকে ইংরিজি ইন্সুলে দিসনে !

স্বরজিৎ । আপনার মেয়ের বিয়ে হ'য়েছে ?

সীতানাথ । সে সব কথা আর জিজ্ঞাসা ক'রবেন না মশায় ! আপনারা দশ হাজার টাকা চেয়েছেন ; দশ হাজার কেন ?—আমি বিশ হাজার টাকা দিতে পারি ! কিন্তু, তাতে কার কি এলোগেলো ? —মেয়েরই বা কি, আর আমারই বা কি ? আপনারা যে আমার কি সৰ্কনাশ ক'রেছেন, সে আপনারা বুঝতে পারবেন না । আপনারা আমার বাড়ীতে ডাকাতি ক'রে লোহার সিন্দুক ভাঙলেন না কেন—আমি একটুও দুঃখ ক'রতাম না !

নিব্বরিণী । আহা—তুমি কি ব'লছেন বাবা ! সে উনি নন—উনি নন ; সে আর একদল—উনি আমায় উদ্ধার ক'রেছেন !

সীতানাথ । উদ্ধার ক'রছেন !—তোমার বাপের চৌদ্দপুরুষ উদ্ধার ক'রেছেন ! হারামজাদা মেয়ে ! চুপ ক'রে থাক—আর মুখ তুলে কথা ক'সনে ! উনি ইংরিজি প'ড়েছেন, মেম সাহেব হ'য়েছেন ! যেমন কৰ্ম, তেমনি ফল—ঠিক হ'য়েছে !

তৃতীয় অঙ্ক

নির্ঝরিলী। আমার দোষ কি ?—আমায় ব'কছো কেন ? আমি কি
ক'রে ধরা দিয়েছি নাকি !

স্বরজিৎ। সত্যি—ওঁর তো কোন দোষ নেই। আমি ওঁর কাছে
যা শুনলুম—বিলাসিনী ব'লে একজন মহিলা আপনার সঙ্গে
আলাপ ক'রবে ব'লে কলেজে ওঁর সঙ্গে দেখা করে ; তারপর,
বাড়ী আসবার জন্তে তার গাড়ীতে ওঠেন—সে ওঁকে অগ্ন জ্বায়গায়
নিয়ে যায়। ওঁর দোষ,—উনি তাকে বিশ্বাস ক'রেছিলেন !

সীতানাথ। শুধু বিশ্বাস ক'রেছিল ?—যোল আনা দোষ ওর ! তুই
সংচাষীর মেয়ে, ... ভাল ঘরবরে ওর বিয়ে দিলাম, সে বর ওর
পছন্দ হয় না—শুনেছেন কখনো ? শাশুড়ীর সঙ্গে বাগড়া করে—
বলে, তারা পাড়াগেঁয়ে চাষা ! জামাই খাসা ছেলো মশায় !
ইংরিজি স্কুলে ফাষ্ট ক্লাস পর্যন্ত প'ড়েছে, এগনো দেবতাব্রাহ্মণে
ভক্তি করে। ও হারামজাদী কিনা তাকে মুখ্য ব'লে নাক
সেটেকায় ! ওর এমন দশা হবেনা তো—হবে কার ? যোল আনা
দোষ ওর, আঠারো আনা—ওর দাদার ! সেই হারামজাদাই তো
জিদ ক'রে ওকে স্বস্তুরবাড়ী থেকে নিয়ে এলো। আর, পুরো
পাচসিকে দোষ—আমার ! আমি মহাপাপী—আমি মাত-
আজ্ঞা লঙ্ঘন ক'রেছি ! এসব ঘরের কেলেকারি—আপনাকে
আর কি ব'লবো বাবু ! আমার নিজের গালে মুখে নিজে
চড়াতে ইচ্ছে করে ! .

স্বরজিৎ। অর্পনি কি কাজ করেন ?

সীতানাথ। উন্টো ডিক্কিতে আমার ধান আর ভূষিমালের আড়ৎ আছে।

মাকড়সার জাল

স্মরজিৎ । আপনার মেয়ে কাঁদছেন—ওঁকে একটু শাস্ত ক'রুন !

সীতানাথ । কাঁদবেন না তো আর ক'রবেন কি ? তবে, রাগ ক'রে যাই কেন বলিনা বাবু—দোষ আমার ! ও ছেলেমানুষ । সে হারামজাদাও ছেলেমানুষ । বাবু, আপনি কি বলেন ? এই বাহার, এই মোটর গাড়ী, এই ইলেক্ট্রিক পাখা—আমাদেরি মুণ্ড ঘুরে যায় ?—ওরা তো ছেলেমানুষ, সহরে জন্মেছে, সহরে মানুষ হয়েছে ! ... যেই টাকা হ'ল, সেই যদি রাখাবল্লভের মন্দির করে দিই বাবু ?—সেও পিতৃ-অদ্দেশ ! লোভ—টাকা জমাবার লোভ ! “নিরে নব্বুয়ের ধাক্কা” প'ড়ে গেলাম কিনা ? ঠাকুর ঠিক শাস্তিই দিয়েছেন ! চুপ কর, চুপ কর—আর কাঁদিসনে !
আমার পাপেই তোদের এই দশা ! এইবার জমাও টাকা !

স্মরজিৎ । আপনার কত টাকা আছে ?

সীতানাথ । তা আছে বাবু—হবে নাই বা কেন ? ধান, চাল, ভূমিমালা, গুড়, তামাক,—সোজা ব্যাপার ! আমার চেয়ে বড় আড়ংদার উণ্টোডিকিতে এখন নেই মশায় ! আর জানেন তো ?—দশভুজা যখন দেন, দশহাতে দেন ! তবে হ'লো কি ! দশ হাজার টাকার জন্তে যে মেয়ের জাত গেল—তার কি কচ্ছি !

স্মরজিৎ । আমার পরামর্শ গুলুন । যারা টাকা আদায় ক'রবার জন্তে আপনার মেয়েকে আটকে রেখেছিল—আমি সে দলের নই ।

সীতানাথ । তাই মনে হ'চ্ছে বটে ! আপনি কোন্ দলের ?—গান্ধী মহারাজের ?

স্মরজিৎ । ই্যা—এক রকম তাই । আপনার জামাই কি আপনার মেয়েকে নেবে না ?

তৃতীয় অঙ্ক

সীতানাথ । তাই কখনো নেয় ? সে বড় বাপের ছেলে—আজ না-হয় একটু অবস্থা খারাপ হয়েছে । তার পিতামহের আমলে দেড়শো বিঘের চাষ ছিল—বারোখানা লাঙল ; বারো ভাই বারোখানা লাঙল ধ'রতো ! বেইমশায় ক'লকাতায় এসে ইংরিজি শিখে বেঙ্গলজানী হ'তে গিয়েছিল । বাপ নিধিরাম সদ্দার তাই না শুনে, রেগে ছেলের বাসায় এসে দুই গালে চার চড় ! কান ধ'রে হিড়িহিড়ি ক'রে বাড়ী নিয়ে গেল ! তবে, বড্ড লেখাপড়াটা শিখেছিল কিনা ? মেজেষ্টার সাহেব গাঁয়ে গেলে ইংরিজিতে কথা ব'লতো—খুব কেতাদুরস্ত ছিল ! জামাই আবার লাঙল ধ'রেছেন । খাসা ছেলে,—ও হতভাগীর কি যে মতিচ্ছন্ন হ'ল ! নিধিরাম সদ্দারের পুত্র-বৌএর সঙ্গে ব'নিয়ে চ'লতে পারল না !

স্বরজিৎ । এখন আপনি কি ক'রবেন ?—মেয়েকে বাড়ী নিয়ে যাবেন তো ?

সীতানাথ । আপনাকে কত টাকা দিতে হবে ?

স্বরজিৎ । আমায় টাকা দিতে হবে না ।

সীতানাথ । কেন ?—আপনিও তো স্বদেশী, আপনি টাকা নেবেন না কেন ?

স্বরজিৎ । স্বদেশীতে টাকা নেয়—আপনাকে কে ব'লে ?

সীতানাথ । আমি শুনেছি, যারা নিয়ে গিয়েছিল—তারা স্বদেশী ডাকাত ;
ভদ্রলোকের ছেলে—ইংরিজিতে কথা ব'লতে পারে ।

স্বরজিৎ । আপনাকে ঠিক বোঝাতে পারবোনা,—তবে তা'রা স্বদেশী নয় !

সীতানাথ । আপনি টাকা নেবেন না ?

স্বরজিৎ । না ।

মাকড়সার জাল

সীতানাথ । আপনি স্বদেশী করেন, আবার টাকা নেন না—আপনার
চলে কি ক’রে ?

স্বরজিৎ । চ’লে যায় !

সীতানাথ । তা’তো দেখতে পাচ্ছি—রাজার হালে আছেন ! ঘরভাড়া দেন ?
স্বরজিৎ । দিই বই কি !

সীতানাথ । ঠিক বুঝতে পাচ্চিনে । পেছনে একজন “গৌরী সেন”
আছেন নিশ্চয় !

স্বরজিৎ । আপনি মেয়েকে বাড়ীতে নিয়ে যাবেন ?

সীতানাথ । বিলাসিনী ব’লে এক মাগী ওকে ভুলিয়ে নিয়ে গিয়েছিল ?

স্বরজিৎ । কেমন ?—তাই তো নির্ঝরিলী ?

নির্ঝরিলী । হ্যা !

সীতানাথ । ‘নির্ঝরিলী’—দেখুন তো মশায় কাণ্ড ! ওর নাম লক্ষ্মীমণি—সে
মাম পছন্দ হ’ল না । ইঙ্কলে ভক্তি হবার সময় নাম ব’দলে নতুন নাম
নিলে ‘নির্ঝরিলী’ ! সীতানাথ দাসের মেয়ের নাম নির্ঝরিলী !
—এ মেয়ের কখনো ভাল হয় ?

স্বরজিৎ । যাক—যা হবার, তাতে হ’য়েছে । আপনি নিজেই তো স্বীকার
ক’রেছেন, মূল অপরাধ আপনার !

সীতানাথ । একশো বার ! .. বিলাসিনী ব’লে সেই মাগীটা তোকে চিনলে
কি ক’রে ? জানাশোনা ছিল ?

নির্ঝরিলী । ঝুলে থিয়েটার হয়—সে গান শেখাতে আসতো ।

সীতানাথ । আমার টাকা আছে, এ খবর সে কোথায় পেলে ? তুই
ব’লেছিলি ?

তৃতীয় অঙ্ক

নিষ্ক রিণী । আমি কি ক'রে জানবো—সে এই রকম ক'রবে ? খুঁটিনাটি অনেক কথা জিজ্ঞাসা ক'রতো ; আমি যা জানি, উত্তর দিতাম—
আমার দোষ কি ?

সীতানাথ । ঘরে পরিবার নেই, আমি দিনরাত আড়তে, এ ছুঁড়ীও ভদ্রলোক হবার সখ হ'ল ! এর ফল যা হবার তাই হ'লো— ! ওকে, ওর দাদাকে পই পই ক'রে বললাম—ওরে, আমাদের চাষীর ঘরে মেয়েদের ইংরিজি শিখতে নেই—বামুন-কায়েতের মেয়েদেরই সহ হয় না ! শুনলে সে কথা ? এক—পরিবার গিয়েই আমার সব গেল, বুঝলেন মশায় ! ছেলে আমার বি-এ পাশ দিয়েছেন,—টাকাকড়ি কিছু কি আর থাকবে মশায় ? এই বেলা কোনো গতিকে রাধাবল্লভজীর একটা মন্দির যদি ক'রতে পারি, তবেই ভরসা । আর কাঁদতে হবে না—থামো !

স্বরজিৎ । আমার যতদূর মনে হয়—আপনার মেয়ে নিন্দোষ ।

সীতানাথ । আরে মশায়—“সন্ন্যাসী চোর নয়, বোচকায় ঘটায়” ! আপনি ব'ল্লেন ‘ভাল’, আমিও বুঝলাম ‘ভাল’—আমার নিজের মেয়ে ! লোকে মানবে কেন ? ভগবান শ্রীরামচন্দ্রকেও সীতার বনবাস দিতে হয়েছিল । দশের মুখে ধর্ম্ম,—আমি কার মুখ চাপা দেব ?

স্বরজিৎ । আপনার জামাইকে ভালভাবে বুঝিয়ে ব'ল্লে তিনি বুঝতে পারবেন ।

সীতানাথ । বুঝবেনা কেন—বুঝবে ; কিন্তু, এ যে বোঝাবুঝির ব্যাপারই নয় । এমন যে ইংরেজের আইন মশায়—চুলচেরা বিচার, একটু

মাকড়সার জাল

এদিক ওদিক হবার উপায় নেই,—আপনি গভর্মেন্টের নামে পর্য্যন্ত নালিশ ক'রতে পারেন ! সেই আইনে আপনার কি ব'লছে ? যার কাছে চোরাই মাল পাওয়া যায়, সেই চোর ! ওই যা ব'ল্লাম—“সন্মিসী চোর নয়, বোঁচকায় ঘটায়” ! বাড়ীতে চলুক—দেখি, তারপর কি হয় ! রাধাবল্লভজীর মন্দিরটে যদি গ'ড়তে পারি, সেই মন্দিরে গিয়ে ওকে নিয়ে 'হতো' দেব । ঠাকুর দয়া ক'রলে সবই হয় । আয়—! আচ্ছা বাবু, চ'ল্লাম তাহ'লে—

স্বরজিৎ । আচ্ছা !

সীতানাথ । আপনার নামটা একখানা কাগজে লিখে দেবেন ?

স্বরজিৎ । (হাসিয়া) কি হবে ?

সীতানাথ । জামাই বাবাজীকে একবার দেখাবো । আপনাকে সাক্ষী মানা রইল । ভালকথা, যে বাবুরা ওকে নিয়ে গিয়েছিল, তারা যদি আবার টাকা চেয়ে পাঠায় ?

স্বরজিৎ । 'এর আগে আপনি পুলিশে খবর দিয়েছিলেন ?

সীতানাথ । এই সব কেলঙ্কারি পুলিশে রাষ্ট্র ক'রবো ?—আপনি আমায় কি মনে করেন ! ওরা যদি টাকা চায়, আপনাকে খবর দেবো ।

স্বরজিৎ । খুব সম্ভব, টাকা চাইবে না । যদি চায়—আমায় খবর দেবেন । জামাই বাবাজী যদি কোন গোল করেন, তাও খবর পাঠাবেন ।

সীতানাথ । ভাল কথা । আচ্ছা—আসি তাহ'লে, ঠাকুর মশায়—প্রাতঃ-প্রণাম ! নে—লক্ষ্মী, ঠাকুর মশায়কে প্রণাম করু !

স্বরজিৎ । থাক থাক—আমায় প্রণাম ক'রতে হবে না । আমি ব্রাহ্মণ নই—কায়স্থ !

তৃতীয় অঙ্ক

সীতানাথ । আপনি কায়ত ?—কি আপদ ! আমি মনে ক'রেছিলাম...
নির্ঝরিণী । 'কায়ত' তাই কি ? ভূদর মুখুজে তো ব্রাহ্মণ—সে ঠর চেয়ে
বড় নাকি !

সীতানাথ । সে বিচার তোমায় আর ক'রতে হবে না ! মাঁওড়া মেয়ে, শাসন
তো কখনো করিনি—তার উপর ইংরিজি শিখেছে ! দেখেছেন
মশায় ?—বাপের মুখের উপর কথা বলে ! ওর গর্ভধারিণী
যখন মারা যায়, তখন ওর সাত বছর বয়েস । সে সতীলক্ষ্মী
স্বর্গে গেছে, আমায় রেখে গেল ভুগতে ! ওই এক গণ্ডগোলেই
সব গোল—বুঝেছেন মশায় ? কলকাতায় বাড়ী উঠলো,
তিনিও চোখ বুঁজলেন ! সেই যে কি বলে না, আমার
হ'য়েছে তাই ! আয়—

[উভয়ের প্রস্থান ।

স্বরজিৎ । বাঃ বাঃ বাঃ—'সেই যে কি বলে না, আমারও হ'য়েছে তাই' !
This is Bengal, you can't translate it into
England—বাঙ্গলা দেশকে ইংল্যান্ড করা যায় না, যাবেও
না ! (কোন লইয়া) Hallo ! বড়বাজার—1234... yes...
কে ? ইয়া—সুনীতি or উংপলা... উংপলা জাননা ?
Well...সুনীতি, আমায় বিশ্বাস ক'রতে পার ? কেন জানিনে,
তোমায় দেখতে ইচ্ছে করে ! একবার আসতে পার ? অনেক
কথা আছে—ওখানে যেতে সঙ্কোচ হয় । ইয়া—আমার বাসায়
আসবে ! ... কিছু অসুবিধে নেই ! ... তোমায় ব'লতে পারি,
আর কাউকে ব'লবো না । Come at once—তুমি একা এস !

মাকড়সার জাল

প্রতিভা—তাকে তোমার উপরের অনিলা দেবীর কাছে রেখে এস। না, সন্দেহ নেই—সে উৎপলা নয়; আমি তোমায় উৎপলাই মনে করি—That particular name charms me. উৎপলা এস !

(ফোন রাখিয়া 'কলিং বেল' টিপিলেন ;—একটু পরে চাকর আসিল)

চাকর । কিছু ব'লছেন বাবু !

স্মরজিৎ । তোমার নাম কি ?

চাকর । রমানাথ ।

স্মরজিৎ । ভাল—আচ্ছা রমানাথ, কিছু খাওয়াতে পারো বাবা ?

রমানাথ । কি খাবেন ?

স্মরজিৎ । এক কাপ চা আর খানজুই টোষ্ট !

রমানাথ । পারি !

স্মরজিৎ । একটু পরে আবার যদি চায়ের কথা বলি, আনতে পারবে তো ?

রমানাথ । এ হোটেলে চক্ৰিশ ঘণ্টা—যখন যা চাইবেন, তাই পাবেন ।

স্মরজিৎ । That's like a good boy. আচ্ছা, আপাততঃ চা খাইয়ে তোমার অতিথিসংকারের নমুনা দেখাও—যাও !

[রমানাথের প্রস্থান ।

[স্মরজিৎ আলস্তভাবে ঈজিচেয়ারে শুইয়া সিগারেট টানিতে

লাগিলেন ; একটু পরে দরজায় ঘা পড়িল]

স্মরজিৎ । ভিতরে আসুন ।

(হোটেলের ম্যানেজার নিবারণবাবুর প্রবেশ)

স্মরজিৎ । তারপর, নিবারণবাবু—খবর কি ?

তৃতীয় অঙ্ক

নিবারণ । এই—একবার আপনার খোজখবর নিতে এলাম স্মৃ! আপনার স্বস্তুর এসেছিলেন বুঝি? মিসেস্ মিটারকে নিয়ে গেলেন?

স্মরজিৎ । ‘স্বস্তুর’? ‘মিসেস্ মিটার’?—এসব কি ব’লছেন!

নিবারণ । ও—incognito রাখতে চান বুঝি? তা বেশ,—আমাদের যেমন advise ক’রবেন!

স্মরজিৎ । ই্যা!—

নিবারণ । বুঝতে পেরেছি, স্বস্তুর ব’লে পরিচয় দিতে লজ্জা হয়! ইংরিজি লেখাপড়া জানেনা, মোটামুটি চাল; তবে টাকা আছে মশায়, মস্ত বড় গদিয়ান—অগাধ টাকার মালিক! বাগালেন কি ক’রে?

স্মরজিৎ । বরাতে ছিল,—ও কি আর চেষ্টা ক’রে হয়?

নিবারণ । যা ব’লেছেন মশায়! ছেলেবেলা থেকে আমার ‘অ্যাস্বিশান’ ছিল—বড়লোক স্বস্তুরের একমাত্র মেয়েকে বিয়ে ক’রবো!

স্মরজিৎ । চেষ্টা ক’রেছিলেন?

নিবারণ । যথেষ্ট! কুলীন ব্রাহ্মণের ছেলে—নিকেষ, খড়দ’ মেল! ‘ডাইরেক্টরি’ দেখে প্রত্যেক ব্রাহ্মণ-জমিদার, আর প্রত্যেক ব্রাহ্মণ ‘গেজেটেড্’ অফিসারের ঘরে নিয়ম ক’রে হস্তায় একথানা application—একাদিক্রমে তিন বছর!

স্মরজিৎ । ফল কি হ’ল?

নিবারণ । একখানি application এরও উত্তর এল না! উপরন্তু, বড় লোক স্বস্তুরের আশায় ব’সে থেকে, গরীব স্বস্তুরগুলোও in the

মাকড়সার জাল

meantime আমার উপর রাগ ক'রে আমার চেয়ে খারাপ
পাত্রে কতাদান ক'রে ফেললে !

স্মরজিৎ । আপনি আজও 'ব্যাচিলর' ?

নিবারণ । আর বলেন কেন মশায় ! এইবার ভাবছি—গরীব বাপের
হোক, আর বড়লোক বাপেরই হোক,—আইবুড়ো মেয়ে
দেখলেই বিয়ে ক'রে ফেলবো । এখন দু'পয়সা রোজগার
কচ্ছি, এখনো বিয়ে না ক'রলে আর চলে ?—কি
বলেন মশায় !

স্মরজিৎ । ই্যা !

নিবারণ । তা স্মর, আপনার স্বস্তরের কোন বন্ধুর কিংবা আপনার
শালীটালী যদি থাকে—এখন তো, ডিমোক্রাসির যুগ ?—এখন
আর বামনকায়েতের ভেদাভেদ থাকাটা কিছু নয় ! তা'ছাড়া,
আমার একটু বিলেত যাবার ইচ্ছেও ছিল কিনা ?

(রমানাথ চা প্রভৃতি লইয়া আসিল)

নিবারণ । (রমানাথের প্রতি) এই যে—বাবু যখন যা চাইবেন, এনে
দিবি ; দেখিস, বাবুর যেন কোন অসুবিধে না হয় ! বুঝলি ?
(স্মরজিতের প্রতি) কথা যদি না শোনে—আপনি আমায়
একবার জানাবেন স্মর ! আমি সব ঠিক ক'রে দেব । এমন
'ডিসিপ্লিন' আপনি ক'লকাতার অল্প কোন হোটেলে
পাবেন না । (রমানাথের প্রতি) যা—চ'লে যা, এখানে দাঁড়িয়ে
থাকিস্ নে—আমরা confidential talk ক'রছি ।

তৃতীয় অঙ্ক

স্মরজিৎ । ই্যা রমানাথ—শোন, একটা ভদ্রমহিলার এথনি এখানে আসবার কথা আছে, আমার সঙ্গে দেখা ক’রতে আসবেন—তাকে এখানে এনো !

নিবারণ । ভদ্রমহিলা কাকে বলে জানিস তো ? মেয়েমানুষ মেয়েমানুষ—ইস্তিরীলোক, বুঝেছিস ?

রমানাথ । আজ্ঞে ই্যা—মাঠাকরুণ । [প্রস্থান ।

নিবারণ । বেশ আছেন মিত্তির সাহেব ! তাই বুঝি মিসেসকে বুড়োর সঙ্গে পাচার করে দিলেন !

স্মরজিৎ । নিবারণবাবু, কিছু যদি মনে না করেন—মানে, আমি তেমন লোকজনের সঙ্গ পছন্দ করিনে !

নিবারণ । সে আমি ব’লে দেব—কেউ এখানে আসবেনা । আমি নোটিশ টাঙিয়ে দেব—“No admission, except on business” !

স্মরজিৎ । না—আমি তা ব’লছিনে ; আপনি যদি এখন একটু অল্পগ্রহ ক’রে অল্পতর যান, বড় ভাল হয় !

নিবারণ । ওঃ—আপনি আমাকেই ব’লছেন ?

স্মরজিৎ । ই্যা—আপনার কথাবার্ত্তাগুলো আমার তেমন ভাল লাগছে না ।
You are awfully uninteresting and boring !

নিবারণ । ওঃ—আচ্ছা স্মর, তাহ’লে very sorry, আমি এখন—

স্মরজিৎ । ই্যা—আস্থন !

নিবারণ । (ঘাইতে ঘাইতে ফিরিয়া আসিয়া) আপনার টিন থেকে দুটো সিগারেট নেব ? যদি কিছু মনে না করেন !

স্মরজিৎ । আপনি টিনটাই নিয়ে যান !

মাকড়সার জাল

নিবারণ। সে কি হয় স্ত্রী ? লোকে কি মনে ক'রবে ! আপনিই বা—

স্মরজিৎ। (অত্যন্ত কঠোরভাবে) নিন শীগগির নিন—চ'লে যান। টিনটা শেষ হ'লে খবর দেবেন—আর এক টিন পাঠিয়ে দেব !

নিবারণ। ওঃ আচ্ছা—নমস্কার ! (কিছু বৃষ্টিতে না পারিয়া চলিয়া গেল)

স্মরজিৎ। (ফোন লইয়া) Hallo ! 5007. Barabazar—Please—Yes—হ্যাঁ—ও...স্বপ্নের বাবু ?—আছেন ?...হ্যাঁ...উংপলা or স্ত্রী নীতি whoever she may be ! এখানে আসছে—এখনই। আপনি আসতে পারেন—আপনার স্ত্রীর জন্তেই ব'লছি। খুব সম্ভব, সে উংপলা নয়—কিন্তু হ'তেও পারে, একবার চক্ষুকর্ণের বিবাদটাই ভজন ক'রুন ! আমার ইচ্ছে, মিসেস্ রায়ও আসুন। আমার দৃঢ় বিশ্বাস, আপনি যেমন মেয়ের কথা ব'লেছিলেন—ঠিক তেমনি ! আরো অনেক ব্যাপার আছে ; আপনারা এসে দেখে যান, আপনাদের মেয়ে কি না। আসুন, সব কথা খুলে ব'লবো—I am on the way to success. যা বলেছিলেন,—ঠিক তাই ! (দূরে রমানাথকে লক্ষ্য করিয়া) কি রমানাথ ?

(রমানাথের প্রবেশ)

স্মরজিৎ। এসেছেন ?

রমানাথ। আজ্ঞে—হ্যাঁ বাবু, বাইরে দাঁড়িয়ে !

স্মরজিৎ। আমি যাচ্ছি !

[রমানাথের প্রস্থান।]

(ফোনে) চ'লে আসুন—She is come. ফোন রেখে দিচ্ছি। (দূরে স্ত্রী নীতিকে লক্ষ্য করিয়া) আরে—এস এস !

[অভ্যর্থনার জন্য সানন্দে গৃহের বাইরে প্রস্থান।]

তৃতীয় অঙ্ক

(সুনীতিকে লইয়া স্মরজিতের পুনঃপ্রবেশ)

স্মরজিৎ । স্বপ্নভাত ! বস বস ! বাঃ—তোমার সাহস আছে !

সুনীতি । সাহস ! কালকের সব কথা শুনে কোথায় তোমার দেখা পাব,
তাই কেবল ভেবেছি ! কিন্তু আর তো নিস্তার নেই—
এরা তোমায় সহজে ছাড়বে না !

স্মরজিৎ । উৎপলা !

সুনীতি । উৎপলা ? ভাল, তাইই—তুমি আমায় যে নামে ডাকবে !
তোমার কাছে আমি উৎপলা !

স্মরজিৎ । সত্যি তুমি কি ?—সুনীতি না উৎপলা ? এই তিনবার আমি
তোমায় এই প্রশ্ন ক'রলাম । তুমি কে—উৎপলা ?

সুনীতি । আমার পরিচয় আমি জানিনে—। যেটুকু জানি, সে স্মৃতি স্মথের
নয় ! তুমি আসবে জানলে……আমি কোন দিন ভাবিনি,
তুমি আসবে—তুমি আসতে পার । আমার অতীত আমার
ভবিষ্যৎ জীবনের পথ দেখিয়ে দিচ্ছে ! তবু আমি তোমার—
আর কারো নই !

স্মরজিৎ । তুমি উত্তেজিত ! বস বস— !

সুনীতি । হ্যাঁ ! কিন্তু, তুমি কেন এসেছ ? এ ভীষণ জাল, চক্রবাহ—তুমি
কেন এলে, কেমন ক'রে এলে—কি উদ্দেশ্য নিয়ে এসেছ !

স্মরজিৎ । বন্দিনী উৎপলাকে উদ্ধার ক'রবার জন্যে !

সুনীতি । পারবে ?

স্মরজিৎ । পারবো !

সুনীতি । তুমি নিজে এসেছ ?—স্বৈচ্ছায় ?

মাকড়সার জাল

স্বরজিৎ । সে কথা তোমায় পরে ব'লবো !

সুনীতি । না না, তুমি এখন বল—এখনই, এই মুহূর্তে !

স্বরজিৎ । আমি ব'লতে পারিনে উৎপলা !

সুনীতি । কালকের ঘটনার পর তুমি কি বুঝতে পাচ্ছনা, তোমার জীবন বিপন্ন ?

স্বরজিৎ । তুমি এ দলে কেন ?—বল উৎপলা ! আমি বুঝতে পেরেছি, মিষ্টার মুখার্জির ডানহাত তুমি ! কেমন ক'রে এ দুর্ঘটনা সম্ভব হ'ল !

সুনীতি । জগতে সবরকম দুর্ঘটনা ঘটে,—শিশুর অকাল-মৃত্যু হয়, পতিব্রতা বিধবা বেঁচে থাকে, 'রেলওয়ে এক্সিডেন্ট' হয়, ভূমিকম্প হয়—পণ্ডিত-মূর্খ, সাধু-চোর একসঙ্গে মরে ! যে ঘটনা চিরদিন লোকে অসম্ভব ব'লে মনে করে, তাও সম্ভব হয় !

স্বরজিৎ । তাহ'লে কি তুমি সত্যি উৎপলা নও ?

সুনীতি । তোমার উৎপলা কে—তা তো আমি জানিনে ! শুধু বন্দিনী ব'লে তাকে উদ্ধার ক'রতে চাও ?—না সে তোমার ব'লে তাকে উদ্ধার করতে চাও ?

(রমানাথের প্রবেশ)

স্বরজিৎ । কি রমানাথ ! আর কেউ—?

রমানাথ । ই্যা বাবু ! আর একটা ভদ্রমহিলা, সঙ্গে একজন ভদ্রলোক, বাইরে দাঁড়িয়ে—

তৃতীয় অঙ্ক

স্মরজিৎ । ডেকে আন ।

[রমানাথের প্রস্থান ।

স্বনীতি । খুব সম্ভব ভূধর মুখুজে !

স্মরজিৎ । না— !

(হরেন্দ্রনারায়ণ রায় ও তৎপত্নী জয়ন্তী দেবীর প্রবেশ)

হরেন্দ্র । (স্বনীতির নিকট গিয়া) এই মেয়েটার কথা ব'লছিলেন
স্মরজিৎবাবু ?

(স্বনীতি স্থির হইয়া আছে—)

স্মরজিৎ । বুঝেছি ! থাকে সন্ধান ক'রবার ভার আমায় দিয়েছিলেন,
তিনি ন'ন !

জয়ন্তী । তোমার নাম কি মা ?

স্বনীতি । শ্রীমতী স্বনীতি দেবী !

জয়ন্তী । তুমি আমায় মা ব'লে ডাকবে ?

(সকলে একটু আশ্চর্য হইল—স্বনীতি কি জানি কেন, এই মহিলাটির প্রতি একটা

অজানা আকর্ষণ অনুভব করিল)

জয়ন্তী । আমার কথার উত্তর দাও—!

স্বনীতি । মা ব'লে ডাকবো ? হ্যাঁ, ডাকবো । আমারও মা নেই ! কিন্তু
কোথায় আপনাকে পাব যে, মা ব'লে ডাকব ?

জয়ন্তী । আমি যদি তোমায় আমার বাড়ীতে নিয়ে যাই—তুমি যেতে
পার না ?

স্বনীতি । (একবার হরেন্দ্রনারায়ণের দিকে চাহিলেন) আমার যে কাজ আছে মা !

মাকড়সার জাল

জয়ন্তী । কি কাজ ?

স্বনীতি । জীবিকা উপার্জনের জন্তু আমরা চাকরী ক'রতে হয় !

জয়ন্তী । না না,—তোমায় কিছু ক'রতে হবে না, তুমি আমার কাছে থাকবে ।

স্বরজিৎ । আপনি চঞ্চল হবেন না—আপনার উৎপলাকে আমি খুঁজে দেব । স্বরেনবাবু, আপনি জয়ন্তী দেবীকে নিয়ে বাড়ীতেই থাকবেন । চলুন স্বনীতি দেবী ! আপনাকে বাসায় পৌছে দিয়ে আসি !

জয়ন্তী । (স্বনীতির প্রতি) তুমি আমার সঙ্গে যাবে না মা ?

স্বনীতি । আজ তো যেতে পারবো না মা—আজ আমার অনেক কাজ !

জয়ন্তী । বাবা স্বরজিৎ ! তুমি আজ আর কোথাও যেও না—তোমরা দু'জনেই আমার বাড়ীতে চল ।

স্বরেন্দ্র । সে হয় না জয়ন্তী ! স্বরজিৎবাবু আমাদের কাজে যাচ্ছেন । এখন উনি যা ভাল বুঝবেন, তাই ক'রবেন । উনি যা ক'রবেন ব'লে মনস্থ ক'রেছেন—তাতে বাধা দেওয়া উচিত হবে না !

জয়ন্তী । (স্বনীতির প্রতি) স্বরজিৎ যদি যেতে চায় যাক,—তুমি যেয়ো না মা ! তুমি আমার সঙ্গে চল !

স্বনীতি । আপনি যাকে চাইছেন, সে তো আমি নই ! স্বরজিৎবাবু তাঁকে খুঁজে বের ক'রবেন । আসুন—স্বরজিৎবাবু !

স্বরজিৎ । আপনারা এখানে একটু ব'সবেন ?—আমি তা হ'লে রমানাথকে ব'লে যাই !

স্বরেন্দ্র । না—আমরা ব'সবো না ।

তৃতীয় অঙ্ক

স্বরজিৎ । তাহ'লে আপনারা চ'লে যান ! স্ত্রীশ্রীতি দেবীর সঙ্গে আমার কিছু আলোচনা আছে ।

স্ত্রীশ্রীতি । আমি তো ব'সতে পারবো না !

স্বরজিৎ । পাঁচ মিনিট !

সুরেন্দ্র । (স্বরজিতের প্রতি) কবে দেখা হবে ?

স্বরজিৎ । খুব সম্ভব কাল ।

সুরেন্দ্র । (স্ত্রীশ্রীতির প্রতি) এস !

জয়ন্তী । (স্ত্রীশ্রীতির প্রতি) যদি সময় পাও, কাল আমার সঙ্গে দেখা ক'রো ।

স্ত্রীশ্রীতি । আচ্ছা ! [সুরেন্দ্র ও জয়ন্তীর প্রস্থান ।

স্বরজিৎ । তাহ'লে—তুমি স্ত্রীশ্রীতি, উৎপলা নও ?

স্ত্রীশ্রীতি । আমি জানিনি !

স্বরজিৎ । মিষ্টার মুখার্জি কে ? তোমার আশ্রয়দাতা ?

স্ত্রীশ্রীতি । না—তঁার সঙ্গে আমার কোন বাধ্যবাধকতা নেই !

স্বরজিৎ । শোন,—এই হে ভদ্রতার আবরণে নিয়মিতভাবে পাপের ব্যবসা চ'লছে, তুমি এর মধ্যে কেমন ক'রে এলে ?

স্ত্রীশ্রীতি । যে মেয়েটিকে কাল তুমি উদ্ধার ক'রেছ, সে যেমন ক'রে এসেছিল !

স্বরজিৎ । কতদিন আগেকার কথা ?

স্ত্রীশ্রীতি । চার বছর ।

স্বরজিৎ । তার আগে তুমি কোথায় ছিলে ?—কি ক'রতে ?

স্ত্রীশ্রীতি । বাবা বেঁচেছিলেন, তাঁর কাছে থাকতাম—!

মাকড়সার জাল

- স্মরজিৎ । তোমার বাবা গরীব ছিলেন ?
- সুনীতি । অধিকাংশ চাকরিজীবীর শেষ অবস্থা যা হয়, তাঁরও তাই হ'য়েছিল !
- স্মরজিৎ । আমায় তুমি বিশ্বাস কর ?
- সুনীতি । নইলে, এত কথা ব'লতাম না !
- স্মরজিৎ । তোমার বাবা তোমার বিয়ে দেন নি ?
- সুনীতি । ইচ্ছে ছিল—সঙ্গতি ছিলনা !
- স্মরজিৎ । তুমি জীবনে কোনদিন বড় হবার স্বপ্ন দেখনি ?
- সুনীতি । বড় ব'লতে আপনি কি বোঝেন ?
- স্মরজিৎ । দশজনের একজন— !
- সুনীতি । যারা একশ' জনের মধ্যে নব্বই জনের একজন হ'য়ে জন্মায়, তারা কচিৎ দশজনের একজন হয়—এ কথা আপনি জানেন না ?
- স্মরজিৎ । তুমি কমানিষ্ট ?
- সুনীতি । না— !
- স্মরজিৎ । তোমার কি হবার ইচ্ছে ছিল—কিন্তু হ'তে পারনি ?
- সুনীতি । আমি গেরস্তোর মেয়ে ; অধিকাংশ কুমারী মেয়ে একদিন যা হয়, আমিও তাই হ'তে চেয়েছিলাম—দরিদ্র গৃহস্থের কুলরধু !
- স্মরজিৎ । আর একটা প্রশ্ন ক'রবো ?
- সুনীতি । ভালবাসা সম্বন্ধে ?
- স্মরজিৎ । ই্যা !
- সুনীতি । তুমি যে ভালবাসার কথা ব'লছ, সে ভালবাসা কাকে বলে,—

তৃতীয় অঙ্ক

এতদিন আমি জানতেম না। উপস্থাসে প'ড়েছি—নিজে
অনুভব করিনি।

স্বরজিৎ। উংপলা! হাঁ—আমি তোমায় উংপলা ব'লেই ডাকবো। আমি
যা ব'লবো,—তুমি তাই ক'রবে?

সুনীতি। যে মুহূর্তে তুমি আমায় প্রথম উংপলা ব'লে ডেকেছিলে, তখনই
আমি জেনেছি—তুমি যা ব'লবে সেই কাজ করা ছাড়া আমার
জীবনে অন্য কাজ নেই! এ কথা কেন মনে এসেছে, তা
আমি জানিনে—কিন্তু এ কথা সত্যি!

স্বরজিৎ। তুমি আমার সঙ্গে যাবে?

সুনীতি। আমার যাবার উপায় নেই! শুধু জীবন নয়, বোধ হয় আমার
আত্মা পর্যন্ত অন্তের অধীন!

স্বরজিৎ। কার অধীন?—ভূধর মুখুজ্জের?

সুনীতি। না,—ভূধর মুখুজ্জের আমার কৈউ নয়!

স্বরজিৎ। তবে কিসের বন্ধন তোমার? কার মুখ চেয়ে যেতে
পারবে না?

সুনীতি। জটিল কর্মসূত্র!

স্বরজিৎ। কি কাজ তোমায় ক'রতে হয়?

সুনীতি। বিশেষ কোন কাজ আমায় ক'রতে হয় না,—সকলের সঙ্গে
মিশতে হয়, কর্মীদের মধ্যে কোন গুণগোল হ'লে মিষ্টি কথায়
তাদের বশ ক'রতে হয়। প্রায় কোন গুণগোল হয় না,—
কাজকর্মের ব্যবস্থা খুব ভাল!

স্বরজিৎ। কাজ করে কারা?

মাকড়সার জাল

সুনীতি । অনেক লোক—ছোট, বড়, স্বীলোক, সাধারণ গুণা,—তাদের সম্ভবদ্ব ক'রে চালাবার জন্তে প্রতি দলের উপর একজন ক'রে শিক্ষিত ভদ্র যুবক কক্ষী থাকে ।

স্মরজিৎ । যেমন রঞ্জনবাবু ?

সুনীতি । আমি কারো নাম ক'রবো না । তারা সবাই আমায় বিশেষ আপনার লোক মনে করে ।

স্মরজিৎ । ভূধর মুখুজের উপর কেউ আছে ? না—তিনিই সর্বেসর্ব্বা ?

সুনীতি । কাজ সম্বন্ধে সম্পূর্ণ কৃত্ত্ব ভূধরবাবুর । সে দিক দিয়ে তিনিই সর্বেসর্ব্বা ! তাঁর উপর কেউ কথা বলে না । ভূধরবাবু কক্ষ-সচিব !

স্মরজিৎ । ভূধরবাবুর উপর যিনি আছেন—তিনি কি ?

সুনীতি । তিনি কক্ষকর্তা । এই বিরাট কক্ষযন্ত্রের দ্বিতী তিনি । যে পদ্ধতিতে এখন কাজ চ'লছে, সেটা তাঁর পরিকল্পনা । তিনিই মাথা ।

স্মরজিৎ । ভূধরবাবুর সঙ্গে তাঁর মতের মিল আছে ?

সুনীতি । ভূধরবাবুর নিজস্ব মতামত দেওয়ার কোন অধিকারই নেই !

স্মরজিৎ । এই কক্ষকর্তার সঙ্গে তোমার কি সম্বন্ধ ?

সুনীতি । আমি তাঁর কাছে কৃতজ্ঞ ! আজ যে আমি বেঁচে আছি, সে শুধু তাঁর দয়ায় । আমার জীবনের অতি বড় দুর্দিনে যদি তাঁর আশ্রয় আমি না পেতাম, হয় তো একমুঠো অন্নের জন্তে আমায় দেহ বিক্রী ক'রতে হ'ত—কিংবা শুকিয়ে ম'রতে হ'ত !

স্মরজিৎ । লোকটি তো খুব সাধারণ নয় ?

সুনীতি । না,—অতি-অসাধারণ !

তৃতীয় অঙ্ক

স্বরজিৎ । তাঁর নাম তুমি আমার বলবে না ?

সুনীতি । তুমি জানতে চাইলে আমার বলতে হবে ; কিন্তু, তুমি জানতে চেওনা—আমার বলা উচিত নয় ।

স্বরজিৎ । কি উদ্দেশ্যে তোমাদের কক্ষকর্তা এ কাজ করেন, আমার বলতে পার ?

সুনীতি । তাঁর উদ্দেশ্য তিনি কাউকে বলেন নি । ফল দেখে মনে হয়, অর্থ উপার্জন !

স্বরজিৎ । অনেক টাকা উপার্জন হয় ?

সুনীতি । তুমি কল্পনা করতে পারবে না— ।

স্বরজিৎ । যারা কাজ করে, তারা মাইনে পায় ?

সুনীতি । প্রত্যেককে মাস মাস মোটা টাকা মাসহারা দেওয়া হয় ; তারপর ‘বোনাস’ আছে—‘কমিশন’ আছে ।

স্বরজিৎ । ভূপের মুখুজেই বা কি পায়—? তোমার কক্ষকর্তাই বা কি পান ?

সুনীতি । দু’জনে সমান মাসহারা নেন—বাকী টাকা এই পাঁচ বছর ধরে ব্যাঙ্কে জমে আসছে ।

স্বরজিৎ । প্রতি বৎসর কত টাকা জমে— ?

সুনীতি । আমার কাছে সব হিসেব আছে—টাকা জমেছে দশলাখের

* উপর । এখনো ভাগ হয়নি—পাঁচ বছর শেষ হ’লে ভাগ হবে ।

স্বরজিৎ । তুমি নিজে কি পাও ?

সুনীতি । মাসহারা পাই ; ‘কমিশন’ আর ‘বোনাস’—আমার নামে

. মাকড়সার জাল

জমা হয়—নেবার প্রয়োজন হয়নি। আর আমায় প্রশ্ন ক'রোনা! আমি নিজেই ব'লছি—এই organisationএ বিপুল অর্থোপার্জন হয়, আর সে সমস্ত অর্থের একমাত্র ট্রাস্টী আমি। মালিকরা কেউ কাউকে বিশ্বাস করে না—অথচ দু'জনেই আমায় বিশ্বাস করে! এখন বুঝতে পাচ্ছ?—আমার কৰ্মসূত্র কত কঠিন, কত জটিল!

স্বরজিৎ। শুধু তোমাকেই বিশ্বাস ক'রে?

সুনীতি। হ্যাঁ,—আমিই সাক্ষী! আর কেউ জানে না! আজ যদি আমি মরি, আমার আত্মার সদগতি হবে না। এই বিপুল ধনভাণ্ডারের চাবি আমার কাছে—আমার প্রেতাত্মা এই সঞ্চিত সম্পত্তির চার পাশে বোধহয় যক্ষিণী হ'য়ে ঘুরে বেড়াবে! পার আমায় উদ্ধার করতে?

স্বরজিৎ। তোমায় উদ্ধার ক'রবার জন্তুই আমি এসেছি,—চল আমার সঙ্গে!

তৃতীয় দৃশ্য

[ভূধর মুখুজ্জের বাড়ী । দোতলায় চিত্রার নিজস্ব ঘর ;
চিত্রা প্রসাধন করিতেছে ও গুন গুন করিয়া গাহিতেছে ।]

গান

কেলিকদম্ব-মূলে

শ্যাম আমার বাজায় মুরলী !

কোথা রাই আমার,

কোথা রাই আমার,

রাই আমার—বলি' !

পর প্যারী

নীলান্বরী

দেরী কেন আর ?—

এখনি যাইতে হবে,

যমুনা-কিনার !

বাজে বেণু,

ফেরে ধেনু—

উড়িছে ধূলি—

এল গোধূলি !

বিরহিণী একাকিনী

জলে যায় যদি—

গঞ্জনা দিবে কত

পাপ নন্দী !

মাকড়সার জাল

চল, তুমি আমি ছ'জনায়

জল্কে চলি—

শ্যামের লাগিয়া রাই

কুলে দেরে জলাঞ্জলি ॥

(বিভাকরের প্রবেশ)

বিভাকর । (রাগতভাবে) বেশ—চমৎকার !

চিত্রা । কি চমৎকার ?

বিভাকর । ‘কি চমৎকার ?’—কটা বাজলো একবার ঘড়িটা দেখবে অনুগ্রহ
ক’রে ?

চিত্রা । সাতটা !

বিভাকর । কটার সময় হাওড়া ষ্টেশনে যাবার কথা ছিল ?

চিত্রা । সাড়ে পাঁচটায় ।

বিভাকর । এখন কটা বেজেছে ?

চিত্রা । সাতটা ।

বিভাকর । ট্রেন ছাড়বার কথা কটায় ?

চিত্রা । ছটা দশে ।

বিভাকর । সে ট্রেন এতক্ষণ কতদূর গেছে—জান ?

চিত্রা । কতদূর গেছে ?

বিভাকর । জৌগ্রাম, মশাগ্রাম ছাড়িয়ে আরো বেশী—এতক্ষণ ‘মেন
লাইনে’ প’ড়লো !

চিত্রা । ‘মেন লাইনে’ প’ড়লে কি হ’তো ?

তৃতীয় অঙ্ক

বিভাকর। আর বারো মিনিট পরে 'সীতাভোগ' 'মিহিনানা' কেনা যেত।

চিত্রা। বাড়ীতে কেউ নেই যে! একজনকে ব'লে দেতে হবে তো?

বিভাকর। কাউকে ব'লে বুঝি 'ইলোপমেন্ট' হয়?

চিত্রা। যে 'ইলোপ' করে, সে বুঝি আগে হাওড়া ষ্টেশনে যায়? খুব বুদ্ধি!

বিভাকর। আবার উণ্টো চাপ দেয়! দেখি—একটা দেশলাই! উত্তেজনায় আমি দেড়ঘণ্টা সিগ্রেট খাইনি!

চিত্রা। আমি সিগ্রেট খাই নাকি!—দেশলাই পাবে কোথায়?

বিভাকর। সিগ্রেট ধ'রলেই পাবো।

চিত্রা। আচ্ছা! (উচ্চৈঃস্বরে) ঠাকুর—!

ঠাকুর। (নেপথ্য হইতে) হাঠি—দিদিমণি!

বিভাকর। আবার ঠাকুরকে ডাকছ কেন?

চিত্রা। দেশলাই দেবে, ঠাকুর বিড়ি খায়। (উচ্চকণ্ঠে) ঠাকুর—
একটা দেশলাই এনো!

বিভাকর। ছিঃ ছিঃ ছিঃ—এতবড় একটা Sensation! তোমার কথায় যে বিশ্বাস করে, তার কানমলা খাওয়া উচিত!

চিত্রা। খাও-না!

(ঠাকুর প্রবেশ করিল)

ঠাকুর। এই নিন বাবু!

চিত্রা। ঠাকুর, তোমার এই দাদাবাবুকে কিছু খাওয়াতে পারো?

ঠাকুর। 'দাদাবাবু' তো নয়, দিদিমণি!

মাকড়সার জাল

বিভাকর। কি তবে ?

ঠাকুর। সে আমি এখন ব'লতে পারবো না ; তবে আমি জানি।

চিত্রা। কি থাওয়াবে বলো ?

ঠাকুর। চিংড়ী মাছের কচুরী তৈরী হবে।

চিত্রা। মা আসার আগে শীগুগির খানচারেক কচুরী ভেজে আন।

বিভাকর। পনেরো মিনিটের ভিতর। তোমার মা বোধহয় সিনেমায় গেছেন ?

চিত্রা। অহা কোথাও গেছেন—সিনেমা দেখে ফিরবেন। যাও ঠাকুর, দাঁড়িয়ে থেকে না !

[ঠাকুরের প্রস্থান।]

বিভাকর। তোমার মা কি রোজ সিনেমা দেখেন ?

চিত্রা। প্রত্যহ !

বিভাকর। কুমুদদা কোথায় ?

চিত্রা। দাদা ?—গাঁয়ের হাট-বাজার ঘুরছে, বিজনেস ক'রবে !

বিভাকর। তোমার বাবা ?

চিত্রা। কি একটা ব্যাপার হ'য়েছে ! আজ দু'দিন অতি অল্পক্ষণ বাড়ী থাকেন। কেবল এখানে ওখানে ঘুরে বেড়াচ্ছেন ! বাড়ীতে একে ওকে তাকে 'ফোন' ক'রছেন।

বিভাকর। আচ্ছা, তোমার বাবা কি কাজ করেন—জান ?

চিত্রা। (মুখ হাসিমা) জানি, ব'লবো না !

বিভাকর। শীগুগির তোমার বাবার ফিরবার সম্ভাবনা নেই ?

চিত্রা। না !

তৃতীয় অঙ্ক

বিভাকর। এই স্বযোগ—চল, বেরিয়ে পড়ি !

চিত্রা। চল ! (উঠিয়া পাঁড়াইল) চিংড়ীর কচুরী খাওয়া হবেনা কিন্তু !

বিভাকর। তা হোক, এর পর কেউ এসে প'ড়বে, আর 'ইলোপ' করা হবে না !

চিত্রা। তোমার কাছে টাকা আছে তো ?

বিভাকর। আছে ?

চিত্রা। কত টাকা আছে ?

বিভাকর। 'Two hundred !'

চিত্রা। মোটে দু'শো ! শেষ পর্যন্ত কেলেকারি ক'রবে দেখছি !
অন্ততঃ ছ'মাসের খরচা সঙ্গে নিতে হয় !

বিভাকর। দু'শো টাকা—যথেষ্ট !

চিত্রা। মোটেই যথেষ্ট নয়। চারটে ষ্টেশনে আমি দু'শো টাকা খরচ ক'রতে পারি !

বিভাকর। তুমি এত 'খ'বুচে'—এতদিন বুঝতে পারিনি তো !

চিত্রা। আমি প্রচুর খরচ ক'রতে পারি। এখন বাপমায়ের পরস্রা ব'লে তেমন খরচ করিনে ! স্বযোগও নেই !

বিভাকর। তোমার হাতে টাকা দেবনা—তাহ'লেই হবে ! আমি 'ইক্‌নমিক্স' প'ড়েছি।

চিত্রা। আমিও প'ড়েছি,—That won't help you much. ঠাকুর—!

বিভাকর। আবার ঠাকুরকে ডাকছ কেন ?

চিত্রা। ব'লে যাই !

বিভাকর। কি ব'লবে—?

মাকড়সার জাল

(ঠাকুরের পুনঃ প্রবেশ)

চিত্রা । দেখ ঠাকুর, আমরা চ'লে যাচ্ছি !

ঠাকুর । সে কি ! চিংড়ীর কচুরী ?

চিত্রা । থাক—দরকার নেই !

ঠাকুর । আমি ঘি চাপিয়ে এসেছি !

চিত্রা । গিয়ে নামিয়ে রাখ । বিভাকরবাবু এখনি আমায় নিয়ে 'ইলোপ' ক'রবেন ।

ঠাকুর । তা—কর্তাবাবু, মাঠাকরুণ বাড়ী আসুন !

চিত্রা । সে হয় না । তাঁরা এলে তাঁদের ব'লো—বিভাকরবাবু দিদিমণিকে নিয়ে 'ইলোপ' ক'রেছে !

ঠাকুর । ছ'খামা কচুরী খেয়ে যান । আমি এখনি—

চিত্রা । না—শুভ মুহূর্ত্ত ব'য়ে যাচ্ছে । আজ যদি কচুরীর লোভে আমার তিন মিনিটও দেরী করি,—কি হবে, কেউ ব'লতে পারে না ! তুমি যাও, বাবা-মাকে ব'লো—তাঁদের বুদ্ধির দোষে এই 'ইলোপমেন্ট' ! This is rather a protest against bad guardianship—তুমি যাও !

ঠাকুর । আচ্ছা ; এই যে—মা ! যাক—বাঁচা গেল !

কুসুম । (দ্বারের কাছে তেপথ্যে) কি ঠাকুর !

ঠাকুর । বাবু দিদিমণিকে নিয়ে 'ইলোপ'.....

(কুসুমকামিনীর প্রবেশ)

কুসুম । বিভাকর !

বিভাকর । আজ্ঞে !

তৃতীয় অঙ্ক

কুসুম। 'ইলোপমেন্ট' সম্বন্ধে কি কথা হ'চ্ছিল ?

বিভাকর। চিট্রা ব'ল'ছিল—আপনাদের guardianship-এর বিরুদ্ধে protest ক'রবে !

কুসুম। ব'লেছিল ওকথা ?

চিত্রা। ই্যা—ব'লেছি, কেন ব'লবোনা !

কুসুম। Do you mean to suggest—I am a tyrannical mother ?

চিত্রা। You are a careless mother !

কুসুম। ব'লতে পারলি ?

চিত্রা। কেন ব'লবোনা ? তুমি জান ?—আমি কি করি, কোথায় যাই ? নিজে তো সিনেমা দেখে আর সভাসমিতি ক'বে বেড়াও, তারপর বেলা নটা পর্য্যন্ত ঘুমোও !

কুসুম। রাত আড়াইটা পর্য্যন্ত জেগে সে প্রবন্ধ লিখি, তার খবর রাখিস তুই !

চিত্রা। কে প্রবন্ধ লিখতে বলে তোমার ? তোমার প্রবন্ধ কেউ পড়ে না,—যত সব absurd theory ! তুমি নিজের তৈরী হাওয়ার ঘরে বাস কর— ।

কুসুম। তুই থাম ! (বিভাকরের প্রতি) 'ইলোপমেন্ট' সম্বন্ধে কি কথা হ'চ্ছিল ?

বিভাকর। 'সায়েন্টফিক ইলোপমেন্ট' সম্বন্ধে 'আমেরিকান ম্যাগাজিনে' একটা 'থিসিস' বেরিয়েছে, সেইটি সম্বন্ধে আমার আর চিট্রার মধ্যে একটা academical discussion হ'চ্ছিল !

মাকড়সার জাল

- কুসুম । ‘সায়েন্টিফিক ইলোপমেন্ট’ ?
 বিভাকর । ই্যা—খুব ভাল ‘থিসিস’ !
 কুসুম । বুঝেছি ! তোমার বালিগঞ্জে বাড়ী আছে ?
 বিভাকর । না—আমরা নারকেলডাঙ্গায় থাকি !
 কুসুম । চিত্রাকে ব’লেছিলে—বালিগঞ্জে বাড়ী আছে ?
 বিভাকর । ও একটা চাল দিয়েছিলেম !
 কুসুম । তুমি কলেজে পড়’তো ? না—ওটাও তোমার চাল ?
 বিভাকর । না, ওটা চাল নয়—সত্যি পড়ি !
 কুসুম । কি পড় ?
 বিভাকর । এম-এ—ইংলিশে !
 কুসুম । সেক্সপীয়ার প’ড়েছ নিশ্চয় !
 বিভাকর । প’ড়েছি—কেন ?
 কুসুম । (একখানি ‘ম্যাকবেথ’ লইয়া) এখান থেকে চারটে ‘লাইন’ পড় দেখি ! এই যে,—

“If it were done, when ‘tis done,—”

Explain,—both in Bengali and English and point out grammatical peculiarities, if any !

- বিভাকর । (বই হাতে চুপচাপ দাঁড়াইয়া রহিল)
 চিত্রা । (জনান্তিকে) যা খুসি তাই বলনা ? মা কিছু বুঝতে পারবে না—
 ‘সেকেণ্ড ক্লাস’ পর্য্যন্ত প’ড়েছিল !
 কুসুম । (চিত্রার প্রতি) বটে ?—‘সেকেণ্ড ক্লাস’ পর্য্যন্ত প’ড়েছিলাম !
 (বিভাকরের প্রতি) Go on—young man !

তৃতীয় অঙ্ক

বিভাকর। আপনার কাছে আমি পরীক্ষা দেব না !

কুসুম। তুমি পরীক্ষা দিতে বাধ্য ! যার সঙ্গে মেয়ের বিয়ে দেব, সে লেখাপড়া জানে কিনা দেখব না ?

চিত্রা। (জনান্তিকে) মাইরি—মানে বল ! নইলে সত্যি, মা তোমার সঙ্গে আমার বিয়ে দেবে না !

বিভাকর। (জনান্তিকে) আমি পরীক্ষা দিয়ে বিয়ে ক'রতে চাই নে !

চিত্রা। (জনান্তিকে) দোষ কি ? শ্রীরামচন্দ্র 'দত্তভঙ্গ' পরীক্ষা দেননি ? অর্জুন লক্ষ্যভেদ করেন নি ?

কুসুম। একে, তোমার বালিগঞ্জে বাড়ী নেই—তার উপর, তুমি যদি 'ম্যাকবেথের' মানে ব'লতে না পারো,—আমি কোন্ ভরসায় তোমার সঙ্গে মেয়ের বিয়ে দিই ?

বিভাকর। আমার সঙ্গে আপনার মেয়ের বিয়ে দিতে হবে না—আমি চ'লে যাচ্ছি !

কুসুম। এখন আর তা হয় না !

চিত্রা। (জনান্তিকে) এই বুঝি তুমি আমার ভালবাস !

বিভাকর। (জনান্তিকে) তাই ব'লে স্কুলের ছেলের মত মানে ব'লতে হবে নাকি ?

চিত্রা। (জনান্তিকে) তুমি স্কুলের ছেলে ছাড়া আর কি ?

বিভাকর। (জনান্তিকে) মুষ্কিলে ফেললে ! না—হ'তেই পারে না। আমি 'রিভোল্ট' ক'রছি !

চিত্রা। (জানালার ফাঁকে পথের দিকে তাকাইয়া) মা—বাবা আর রঞ্জনবাবু গাড়ী থেকে নামলেন ।

মাকড়সার জাল

কুসুম । ‘রঞ্জনবাবু’ ?—রঞ্জনবাবু আবার কে ?

চিত্রা । সেই যে—একটা ছেলে—

(ভূধর ও রঞ্জন প্রবেশ করিলেন)

ভূধর । এস রঞ্জন, এস—বস ! তোমরা অণ্ড ঘরে যাও ।

কুসুম । এই ছেলেটাকে দেখ— !

ভূধর । হুঁ একবার দেখেছি । চিত্রার সঙ্গে জানাশোনা আছে
বোধ হয় !

কুসুম । হ্যাঁ,—তোমার মেরেকে বিয়ে করতে চায় !

ভূধর । বেশ তো—ক’রক না !

কুসুম । ঢালা ভকুম দিয়ে দিলে ?

ভূধর । কি ক’রবো ? আমার অমত নেই, জানিয়ে দিলুম ।

কুসুম । বিয়ে দেওয়া যায় কি না—খোঁজ নিয়ে দেখবেনা ?

ভূধর । সেটা তোমরা দেখ । অণ্ড ঘরে গিয়ে আলোচনা কর ।

(বিভাকরের প্রতি) তোমার বাপের মতামত দরকার হবে ?

বিভাকর । হ্যাঁ—হবে ; বাড়ী গিয়ে তাঁকে পাঠিয়ে দেব । আমি আসি
তাহ’লে ?

চিত্রা । (জনান্তিকে) চিংড়ী মাছের কচুরী না খেয়ে যেও না । আমার
মাথা খাও—এল !

বিভাকর । (জনান্তিকে) আচ্ছা,—আজ আপন কোটে পেয়ে সবাই জ্বল
ক’রছ ! এর শোধ তুলবো—আগে খালপার নিয়ে দাই !

চিত্রা । (জনান্তিকে) আচ্ছা ! দশ মিনিট আগে এলে আর এ ভোগ
ভুগতে হ’তো না !

তৃতীয় অঙ্ক

বিভাকর । (জনান্তিকে) ও—ট্রেনটা এতক্ষণ ‘পানাগড়’ ছাড়িয়ে গেল !

কুস্তম । চিত্রা ! বিভাকরকে সঙ্গে নিয়ে পাশের হলঘরে ব’স,—আমি এক মিনিটে যাচ্ছি !

[চিত্রা ও বিভাকরের প্রস্থান ।

কুস্তম । দিনরাত কি পরামর্শ হচ্ছে শুনি !

ভূধর । শুনবে, শুনবে ! ক্রমে সবই শুনবে—গোপন রাখা যাবে না !

কুস্তম । ও সব কথা মাক্ ;—বালিগঞ্জে বাড়ীর কি হল ?

ভূধর । ভিত্তি গাড়া হচ্ছে !

কুস্তম । ‘প্ল্যান’ ‘স্মাংশন’ হ’য়েছে ?

ভূধর । ওর জন্তে কি আর আটকাবে ? তুমি যাও—ও ছোকরার সঙ্গে চিত্রার বিয়েটা ঠিক ক’রে ফেল । চিত্রার বিয়ে দেব, বালিগঞ্জে বাড়ী ক’রবো,—তুমি ভাবছো কেন, সব এক সঙ্গে হবে !

কুস্তম । ওকে মেয়ে দেবে ?

ভূধর । কেন—দোষ কি ? দেখতে শুনতে মন্দ নয়—and they seem to love each other, I see.

কুস্তম । বালিগঞ্জে বাড়ী নেই—নারকেলডাঙ্গায় থাকে ।

ভূধর । একটা ‘ক্লজ’ ক’রে নিলে হবে । ছ’মাসের ভিতর বালিগঞ্জে বাড়ী করা চাই !

কুস্তম । তুমি সব ব্যাপার এত lightly নেও—তোমার সঙ্গে সাংসারিক কথা বলাই ঝক্‌ঝক্‌ ! এ কি এটর্ণী বাড়ীর কন্‌ট্রাক্ট, যে ‘ক্লজ’ ক’রবে ?

ভূধর । সে হবে হবে—এমাসে তো হ’চ্ছে না ? এদিককার কাজ বড় জরুরি !

মাকড়সার জাল

- কুসুম । কি ?—জেলে যাবার ব্যবস্থা হ'য়েছে নাকি ?
- ভূধর । তা ঈশ্বরের ইচ্চে—জেলের উপর ক্লাসেও হ'তে পারে !
- কুসুম । দ্বীপান্তর ?
- ভূধর । আরো এক ক্লাস— !
- কুসুম । (ভয় পাইয়া) বল কি ?—এমন কাজ তুমি কি ক'রেছ ?
- ভূধর । ভাল ভাল কাজ—কিছু কিঞ্চিৎ করা হ'য়েছে বৈকি !
- কুসুম । খুনজখমও ক'রেছ নাকি ?
- ভূধর । হয়তো করিনি—দরকার হ'লে চালাতে হবে !
- কুসুম । তা আমার মাথা খেতে, এসব কাজে তোমায় কে যেতে ব'লেছিল ?
- ভূধর । বলেনি কেউ—নিজের ইচ্ছায় যেতে হ'য়েছে !
- কুসুম । কেন ?
- ভূধর । বালিগঞ্জে বাড়ী হবে বলে । আমায় দোষ দিতে পারবে না, প্রাণপণ চেষ্টা ক'রছি !
- কুসুম । তুমি থাম—তোমার ও রসিকতা আমার ভাল লাগছে না !
(রঞ্জনর প্রতি) ই্যা বাবা, যা ব'লছেন—তা সত্যি ?
- রঞ্জন । আমায় ব'লছেন ?
- কুসুম । ই্যা !
- রঞ্জন । ভয় পাবার কিছু নেই—তবে একটু complication হ'য়েছে বৈকি !
- ভূধর । তুমি ওলিকে যাও—দেখ, আবার ছেলেটা না পালায় !
- কুসুম । তা যাচ্ছি—তুমি আবার হঠাৎ যেন কোথাও বেরিও না ।
আমি সব কথা শুনবো । ছেলেটা পর্য্যন্ত বাড়ী নেই এসময়

তৃতীয় অঙ্ক

—একা আমি কোন দিকে যাই ? যে দিকে না দেখবো, সেই দিকেই গওগোল !
[কুহুমের প্রস্থান ।

ভূধর । এইবার তোমার খবর কি বল ?

রঞ্জন । পিস্তল থানায় জমা দেয়নি !

ভূধর । হঠাৎ জমা দেবে না, সে আমি জানি । লোকটার উদ্দেশ্য কি ?

রঞ্জন । গোয়েন্দা ব'লেই মনে হয় ।

ভূধর । কে গোয়েন্দা লাগাবে ?

রঞ্জন । আমার মনে হ'চ্ছে—তাকে উদ্ধার ক'রে নিয়ে গেল, সেই নির্ঝরিলী তাসের বাবা ওকে appoint ক'রেছে !

ভূধর । তাই কি ! সুনীতির সঙ্গে ঘনিষ্ঠতা আছে মনে হয় ?

রঞ্জন । সেদিনের আগে সুনীতি দেবীর বাড়ীতে আর কখনো দেখিনি ।

ভূধর । সুনীতির সঙ্গে এর মধ্যে তোমার দেখা হ'য়েছে ?

রঞ্জন । 'আজ গিয়েছিলাম—দেখা হয়নি !

ভূধর । বিপাশা একা ঘরে ছিল ?

রঞ্জন । বাড়ীওয়ালার ছোট নেয়ে ব'সেছিল—তাকে ছবি দেখাচ্ছিল !

ভূধর । সুনীতি কোথায় গেছে ব'লে ?

রঞ্জন । কে নাকি 'ফোন' ক'লে—সেই 'ফোন' পেয়ে চ'লে গেছে ।

ভূধর । আমার বাড়ীর ঠিকানা কেমন ক'রে জানলো—সুনীতি যদি না ব'লে থাকে ?

রঞ্জন । এ পর্যন্ত সুনীতি দেবী এমন কোন কাজ করেন নি !

ভূধর । না— !

রঞ্জন । নিশ্চয় গুপ্ত শত্রু কেউ আছে—সেইই স্বরজিৎবাবুকে পাঠিয়েছে !

মাকড়সার জাল

ভূধর । স্বরজিৎকে দ'রতে হবে—at any cost ! রমজানকে খবর দেও—case is serious !

রঞ্জন । কিন্তু স্বরজিৎবাবুর ঠিকানা কোথায় পাওয়া যাবে ?

ভূধর । কৌশলে জানতে হবে । আমার বিশ্বাস, স্থনীতি জানে । তুমি এখনি চ'লে যাও—এই তোমার একমাত্র কাজ !

রঞ্জন । বিপাশা সম্বন্ধে কি ক'রবেন ?

ভূধর । আরও দুই-এক দিন স্থনীতির কাছে থাক ;—আশ্রমে একটা 'প্যানিক' হয়েছে !

রঞ্জন । কিন্তু ওখানে আর বেশীদিন রাখা ঠিক নয়,—একে গেরস্ত বাড়ী, স্থনীতি দেবীর সঙ্গে ওদের ঘনিষ্ঠতা খুব বেশী—তার উপর, বিপাশা মেয়েটা বড় সরল—দিনরাত গল্পগুজব করে । সত্যি ব্যাপার প্রকাশ হ'তে পারে !

ভূধর । She loves you ?

রঞ্জন । আমার উপর সেই রকম instruction ছিল—to fall in love with her !

(দরজার কাছে কুমুদ আসিল)

কুমুদ । (নেপথ্যে) ওরে—নীলমণি ! নীচে গাড়ীর মাথায় ছ'ঝুঁড়ি তরকারী, আর একজোড়া খেজুরে গুড় আছে—নানিয়ে নিয়ে আয় !

(কুমুদের প্রবেশ)

ভূধর । দেশ থেকে গুড়-তরকারী নিয়ে এলি বুঝি ?

কুমুদ । হ্যাঁ !—তুমি পচিশ টাকা দিয়েছিলে, ক'লকাতার বাজারে পঞ্চাশ টাকায় বেচেছি,—ওগুলো উপরি পাওনা !

তৃতীয় অঙ্ক

ভূধর । বটে ! তুই টাকা রোজগার ক'রতে শখেছিস—চাকরী না ক'রে !

কমুদ । এই নাও, তোমার পচিশ টাকা ! সেদিন ধার নিয়েছিলাম, শোধ দিলাম ! আমি বুকে নিয়েছি !

ভূধর । এ কি গায়ে দিয়েছিস ? তোর পাঞ্জাবী কি হ'ল ?

কমুদ । তুমি ঠিক বলেছিলে বাবা, পাঞ্জাবী গায়ে দিয়ে দোকানদারী করা যায় না । আমি বাদসা ক'রবো,—I shall be a self-made man !

ভূধর । সে দিন যে 'লভে' পড়েছিলি যে, তার কি হ'ল ?

কমুদ । সে সব—এখন নয় । আগে লাখ টাকা রোজগার করি, তারপর । না পাল্লে—বিয়েই ক'রবো না !

ভূধর । তুই এ সব কথা সত্যি বলছিস ?

কমুদ । হ্যাঁ—সব সত্যি !

ভূধর । রঞ্জন, তুমি আর দেরি ক'রো না,—জরুরি খবর থাকলে 'ফোন' ক'রো !

রঞ্জন । আচ্ছা— !

[রঞ্জনের প্রস্থান ।

কমুদ । কাল থেকে কদমছাঁট ক'রে চুল কাটবো । দেশের বাড়ীতে গিয়ে বাগান তৈরী ক'রবো ।

ভূধর । তুই একদিনে পচিশ টাকা রোজগার ক'রেছিস ? বলিস কি ! আর আমি যে তোর মাসে পচিশ টাকা মাইনের জন্মে না ধ'রছি, এমন পরিচিত বন্ধু আমার নেই !

মাকড়সার জাল

কুমুদ। ছাঁমাস পরে তাদের নেমস্তন্ন ক'রো—খাওয়ানোর খরচা আমি দেবো! মা কোথায়?—সিনেমা দেখতে গেছে?

ভূধর। (কিছুক্ষণ পরে) না—চিত্রার সঙ্গে হলঘরে ব'সে আছে। যা—দেখা ক'রগে!

কুমুদ। বিভাকর ছোঁড়াটা এসেছে?

ভূধর। কি জানি?—কান নাম বিভাকর, আমি জানিনে!

কুমুদ। ওই যে—চিত্রাকে বিয়ে ক'রতে চায়? ছেলেটা মন্দ নয়, বড় ক'চকে—~~এই~~ যা! বাপ বিলেত পাঠাবেন ব'লেছিল—সে সব মিছে কথা; মাচেস্টে অফিসে চাকরী ক'রে আবার ছেলেকে বিলেত পাঠাবেন!—সে সব কিছু না! চাকরী না হয়, আমি আমার ক'রবারে টেনে নেব!

ভূধর। তৌর এতখানি বিশ্বাস হ'য়েছে?

কুমুদ। আমার চোখ খুলে গেছে বাবা! পরিশ্রম—'লেবার', 'লেবার'ই সব—টাকাটা উপলক্ষ্য। সামান্য কিছু কাছে থাকলে মনের জোর বাড়ে;—এইজন্তেই লোক টাকা টাকা করে। দরকার—মনের জোর আর পরিশ্রম! গাঁয়ের চাষী ক্ষেতোয়ালরা ব'লেছে—আমি যত তরিতরকারী আর ফলমূল কিনতে চাইব, তারা আমায় দেবে। তারা খুব ভাললোক! আমার সঙ্গে বড্ড ভাব হ'য়েছে—আমায় 'পাগলা ঠাকুর' বলে!

(কুসুমকানিনীর প্রবেশ)

কুসুম। তোমার ছেলের কাণ্ড দেখেছ তো? রোজগারে ছেলে—রোজগার ক'রে এসেছেন!

তৃতীয় অঙ্ক

ভূধর । এইবার যত্ন ক'রে ঘি-দুধ খাওয়াও—বিয়ের যোগাড় দেখ !
কুসুম । তাহ'লে শোননি সব কথা ?—গরুর গাড়ী থেকে মাথায় ক'রে
তরকারীর খুঁড়ি নামিয়েছে । কতুয়া গায়ে দিয়ে মাথায় গামছা
বেঁধে তরকারী বেচেছে । “মুখার্জি এণ্ড সন্স লিমিটেড”
ক'রবে ভেবেছিলে না ? আমাদের নাম ডোবাবে হতভাগা !
এরপর বালিগঞ্জে বাড়ী করার আর কোন মানৈই হয় না !

ভূধর । তাহ'লে শালুগেট থাকতে হয়—কি বল ?

কুসুম । তোমার আর কি ?—“একে পায়, আরে চায় !” (কুমুদের প্রতি)
একবার তো বি-এ ফেল ক'রে ঢলিয়েছ ! ছোট বোনটা অনায়াসে
বি-এ পাশ ক'রলে, আর তুই হতভাগা—তিনতিন বার বি-এ
ফেল ক'রলি ?—তাও কি না ইংলিশে !—বাঙলায় হ'লেও বা
লোকের কাছে বলা যেতো ! এইবার আলু গালা পটোল গালা
হ'য়েছে—নিজের ছেলে ব'লে পরিচয় দেবার উপায় রইল না !
এর চেয়ে তুই নন-কো-অপারেশান ক'রে জেলে গেলি না কেন ?
অন্ততঃ কর্পোরেশানে চাকরী পেতিস ! নাঃ disappointing—
most disappointing ! যেমন ছেলে—তেমনি মেয়ে ; মেয়ে
বেছে বেছে 'লভে' প'লেন একটা হাড়-গরীবের সঙ্গে,—বালিগঞ্জে
একখানা বাড়ী নেই ! এর উপর, তুমি আবার কি সর্দশা ক'রে
ব'সবে—তাই বা কে জানে ?

ভূধর । আমি যা ক'রবো, সে সবার উপর—কিছু ভেবো না !

কুসুম । সে আমি জানি ! আজ পাচ বছর ধ'রে আমায় গোপন করা
হ'চ্ছে । স্বনীতি স্বনীতি, দিনরাত স্বনীতি—অমন মেয়ে আর

মাকড়সার জাল

হয় না ! যে দিন থেকে ওই ছুঁড়ী যাওয়া আসা ক'রছে—আমি তখন থেকেই জানি । উনি আবার কুমারী !

কুমুদ । মা, তুমি বড় পরচর্চা কর ! কুমারী হ'ক, সধবা হ'ক, বিধবা হ'ক—আমাদের ওসব আলোচনার দরকার কি ?

কুসুম । শুনলে ?—ছেলের কথা শুনলে ! আমি যদি আলোচনা করি, তোর তাতে কি ? সে লেখাপড়াজানা ষড়্ভিজ মেয়ে !—“ষ্টেস্ম্যানে” “অমৃতবাজারে” আর্টিকেল পাঠায়—তোর মত বি-এ ফেল করা মুখ্যাকে সে বিয়ে ক'রবেনা !—বুঝ্‌লি ?

কুমুদ । আমি প্রতিজ্ঞা ক'রেছি, তুমি বেঁচে থাকতে কাউকে বিয়ে ক'রে ঘরে আনবোনা ! নইলে, দেখিয়ে দিতুম—কেমন বিয়ে না করে ! লেখাপড়া আমিও জানি,—প্রবন্ধলেখা is not the only test of লেখাপড়া জানা !

(নিঃশব্দে স্বরজিৎ প্রবেশ করিল)

ভূধর । কে— ?

স্বরজিৎ । আস্তান—

ভূধর । কোথায় ?

স্বরজিৎ । আমার ওখানে ;—আপনাকে নিতে এসেছি !

ভূধর । কি দরকার ?

স্বরজিৎ । গেলেই বুঝতে পারবেন । মনে ক'রেছিলুম, আপনিই আমায় খোঁজ ক'রবেন !

ভূধর । তুমি প্রাণের ভয় করনা !

স্বরজিৎ । আপনি তো জানেন—নিজের চোখে দেখেছেন !

তৃতীয় অঙ্ক

ভূধর । চল ! (উঠিলেন)

কুমুদ । (স্মরজিতের প্রতি) তুমি কে ?

কুমুদ । (স্মরজিতের প্রতি) তুমি কে ?

স্মরজিৎ । বাড়ীর কর্তা আমার ভ্রাতৃপুত্র—ফিরে এলে ঐকেই জিজ্ঞাসা
ক'রবেন ! কথাটা পাচকান হওয়া ঠিক নয় ।

ভূধর । কোথায় যেতে হবে ?

স্মরজিৎ । আপনার সাধাতের কাছে ! কোথায় তিনি ?

ভূধর । সব খবরই পেয়েছি দেখছি ! চল ।

(পিছন হইতে রজন ও রমজান সহসা প্রবেশ করিয়া বস্ত্রমুষ্টিতে স্মরজিৎকে ধরিয়া ফেলিল)

(চিত্রা ও তৎপশ্চাৎ বিভ্রাটের প্রবেশ)

চিত্রা । বাবা, মা,—এসব কি ? বাড়ীর ভিতর কারা এল !

[ইতিমধ্যে স্মরজিতের পকেট 'সাজ' করিয়া রজন পিস্তল বাহির করিল । স্মরজিৎ
এক ধাক্কায় রমজানের হাত ছাড়াইয়া রজনের হাত হইতে পিস্তলটি কাড়িয়া লইল ।]

স্মরজিৎ । অত সহজে নয়—রজনবাবু ! আমার ধ'রবার আগে অন্ততঃ
একজনকেও ম'রতে হবে ! now—ব'লে দিন মিষ্টার মুখার্জি,
who is going to be the first victim ?

কুমুদ । বাবা, তুমি গুণ্ডামি কর ! এই সব লোক তোমার অন্তর ?

স্মরজিৎ । আরো অনেক কিছু করেন,—আপনারা সব জানেন না !
(কুমুদের প্রতি) আপনিই বোধকরি—মিসেস মুখার্জি ?

কুমুদ । হ্যা—আমি !

স্মরজিৎ । কি ক'রবো ব'লুন ?—পুলিশে খবর দেব ?

মাকড়সার জাল

কুসুম । উনি কি ক'রেছেন ?

স্মরজিৎ । আপনি সত্যিই কিছু জানেন না !

কুসুম । না— !

স্মরজিৎ । আপনার স্বামীর জীবন নির্ভর ক'রছে আমার দয়ার উপর ।
বলুন—কি ক'রবো ?

কুসুম । আপনি আমার কথা শুনবেন ?

স্মরজিৎ । এই আপনার ছেলে ? এই মেয়ে ? আর, এই ছেলেটিকে
আপনার মেয়ে ভালবাসে ? শীগির বিয়ে হবে ?

কুসুম । হ্যাঁ— !

স্মরজিৎ । মিষ্টার মুখার্জি ! এদের সবাইকে বাইরে যেতে বলুন । আপনি
আর আমি থাকবো ! (রঞ্জনের প্রতি) রঞ্জনবাবু—আমার পিছনে
গুণ্ডা লাগাবেন না, তাতে আপনাদের ভাল হবে না ।

ভূধর । তোমরা চলে যাও । [সকলে একে একে চলিয়া গেল ।

কুসুম । আমিও যাব ?

স্মরজিৎ । হ্যাঁ—একটু অণ্ড ঘরেই থাকুন ।

কুসুম । আপনার হাতে পিস্তলটা রইল— !

স্মরজিৎ । তা থাকনা—আমার মাথা খুব ঠাণ্ডা ; সহজে অস্ত্র ব্যবহার
করিনে—ভয় নেই !

[কুসুমকামিনী চলিয়া গেলেন ।

ভূধর । তোমার উদ্দেশ্য কি ? আমি তোমায় ঠিক বুঝতে পারছি না !

স্মরজিৎ । আপনার সংসার দেখে আপনার উপর মায়া হ'ল ! মোকদ্দমা
বাধলে কে কোথায় যাবে—কিছু ঠিক নেই ! টাকা অবিশি

তৃতীয় অঙ্ক

আপনার আছে—কিন্তু এখনো তো ভাঁগ হয়নি ? টাকাটা হাতে
এলে বড়জোর প্রাণে বাঁচবেন—ছেলে, মেয়ে, স্ত্রীর অশেষ দুর্গতি !

ভূধর। তুমি কি চাও ?—সেই টাকার কিছু অংশ ?

স্মরজিৎ। তার চেয়েও বেশী— !

ভূধর। কি— ?

স্মরজিৎ। আপনার এই দলটি ভাঙ্গতে চাই—পুলিশের সাহায্য না নিয়ে !

ভূধর। বিলম্ব হ'তে পারে।

স্মরজিৎ। বেশী বিলম্ব হ'বার কথা নয় তো !

ভূধর। সে সব তর্কের কথা—it depends ... আপাততঃ কি চাও ?

স্মরজিৎ। উৎপলা কোথায় ?

ভূধর। উৎপলা !

স্মরজিৎ। কোথায় রেখেছেন ?

ভূধর। উৎপলা ব'লে কোন মেয়েকে আমি চিনি।

স্মরজিৎ। মিথ্যে কথা ব'লে কোন লাভ আছে ?

ভূধর। আমার আড্ডা তো তুমি জানো ?—নিজে খুঁজে দেখ। আমি
সত্যি ব'লছি, আমার জীবনে আমি উৎপলা ব'লে কোন
মেয়ের দেখা পাইনি ; আজও ...

স্মরজিৎ। আচ্ছা, আমি খোঁজ নিচ্ছি ! এই 'বিজ্ঞানেস' আপনার যিনি
'পার্টনার'—তার নাম কি ?

ভূধর। ব'লতে পারবো না।

স্মরজিৎ। পুলিশেও ব'লবেন না ?

ভূধর। আদালতেও না, জেলে দিলেও না—মেরে ফেলবে না !

মাকড়সার জাল

স্মরজিৎ । ভাল ! বাড়ীতে থাকবেন, 'ফোন' ক'রতে পারি !

ভূধর । (একপাশা কাগজে লিখিলেন) এই নাও ঠিকানা ; সে দিন গাড়ীতে গিয়েছিলে—পথ মনে নেই বোধ হয় !

স্মরজিৎ । দত্তাবাদ ! [স্মরজিতের প্রস্থান ।

(কুসুমকামিনীর প্রবেশ)

কুসুম । চ'লে গেছে ?

ভূধর । হ্যা !

কুসুম । তুমি এই ক'রে টাকা রোজগার কর ?

ভূধর । কি ক'রে ?

কুসুম । বুঝে নিয়েছি । আর আমার বালিগঞ্জের বাড়ীতে কাজ নেই ! চল, ক'লকাতা ছেড়ে চল—দেশের বাড়ীতে গিয়ে চাষবাস ক'রবে ।

ভূধর । তুমি যে এক হুমকিতে কাৎ হ'লে !

কুসুম । গুলি তো ক'রেছিল—শুধু, আমার খাতিরে ছেড়ে দিলে !

ভূধর । গুলি ক'রবে কি ? গুলি !—গুলি অমনি ক'রলেই হ'ল ! কান টানলে মাথা আসে না ?

কুসুম । তুমি কি ক'রেছ ?—আমায় সত্যি ক'রে ব'লবে ?

ভূধর । কি ক'রবো ? twentieth century, ক'লকাতার সহর—কত ফিকিরে টাকা উপার্জন হয়—তুমি তার কি বুঝবে ! তোমরা তো শুধু খরচ ক'রতেই জান ! কিছু ভেবোনা । বালিগঞ্জে বাড়ী ক'রবো—তবে ম'রবো !

চতুর্থ অঙ্ক

প্রথম দৃশ্য

(শ্রবোদ্রনায়ায়ণের বাড়ি—জয়ন্তী স্মৃতিতিকে লম্বা ঘরের দিহুর আদিলেন ।)

জয়ন্তী । এস না—এস, বস ! তব ভাল—তুমি আমার কথা রেখেছ !

স্মৃতি । আপনার মেয়েকে আজও পাওয়া যায়নি ?

জয়ন্তী । তোমার না নেই, বাপ নেই, স্বামী নেই—কেউ নেই ?

স্মৃতি । না—কেউ নেই !

জয়ন্তী । (অনেকক্ষণ মুখের নিকে চাফিয়া) এ মুখ আমার জানা ! তোমায় দেখে মনে হ'চ্ছে—আমি তোমায় চিনি !

স্মৃতি । কেমন ক'রে চিনবেন ? আমার জ্ঞান হওয়া অবধি—আমি এই ক'লকাতা মহরে বস্তুতে বাস ক'রেছি ; আমার আত্মীয়স্বজন প্রতিবেশী—কেউ ছিলনা !

জয়ন্তী । তোমার বাবা ?

স্মৃতি । আগে চাকরী ক'রতেন—‘রিডাক্সনে’ চাকরী দায় ! আমার আরও ছ'ভাই, এক বোন ছিল—তা'রা আমার বড় ।

জয়ন্তী । তারা আছে ?

স্মৃতি । না—সবাই মারা গেছে ! খুব বেশী দিনের কথা নয়, আমার

মাকড়সার জাল

বেশ মনে আছে। বারো বছর আগে যে বস্তীতে আমরা থাকতাম, সেখানে ‘স্মল পক্সে’র ‘এপিডেমিক’ হয়—বাবা আর আমি বাঁচি, আমাদের হয় নি!

জয়ন্তী। দু’ভাই, এক বোন—সবই মারা গেল?

সুনীতি। হ্যা—! একজন ভোরে, একজন সন্ধ্যায়—একই দিনে; আর একজন তার দুদিন পরে,—পোড়াবার মানুষ পাওয়া যায় না! সেবার ক’লকাতায় অনেক লোক ম’রেছিল। আমি মড়া পোড়াতে যাই—আমার দাদার মৃতদেহ!

জয়ন্তী। আচ্ছা—বাছারে! তোমার উপর দিয়ে অনেক বাড়িঘাপটা গেছে! তোমার বাবা মারা যান কতদিন আগে?

সুনীতি। ছ’বছর আগে—আমার বয়স তখন সতেরো।

জয়ন্তী। তিনি কিসে মারা যান?

সুনীতি। পর পর শোক পেয়ে, আর অর্থের অভাবে—বড় কষ্ট পেয়েছেন! মাথা ঠিক ছিল না। ছেলে প’ড়িয়ে আটদশ টাকা পেতেন, আমাদের দু’জনের কায়ক্লেশে চ’লতো। হঠাৎ ঠাণ্ডা লেগে ‘ডবল নিউমোনিয়া’ হয়। ডাক্তার ডাকবার সঙ্গতি ছিল না। পথ্যও জোটাতে পারিনি—!

জয়ন্তী। বেশী বয়স হ’য়েছিল? মনে তো হয় না—

সুনীতি। ‘বয়স’ হয় তো বেশী হয় নি, তবে বড়ো হ’য়ে প’ড়েছিলেন। মানুষের জীবন বড় আশ্চর্য্য! কখন কিভাবে চলে—কেউ জানে না!

। এখন তুমি কোথায়,—কিভাবে থাক না?

চতুর্থ অঙ্ক

সুনীতি । এক গেরস্তোর বাড়ীতে নীচের তলায় দু'খানি ঘর ভাড়া
ক'রে আছি ।

জয়ন্তী । আমাদের বাড়ীতে থাকুন কেন না ! তোমায় বড় ভাল লাগে,
তোমার কথাগুলি বড় মিষ্টি !

সুনীতি । সে বাড়ীর বউটির সঙ্গে বড় ভাব—অত্যন্ত ভাল মেয়ে !
সে আমার ছাড়তে চায় না ।

জয়ন্তী । তুমি নিজে ভাল, তাই সবাই তোমায় ভালবাসে !..... রাজার
বাড়ীর মত বাড়ী, মানুষজন নেই, ঢুটী প্রাণী থাকি—মন খাঁ খাঁ
করে ! চল, তোমায় বাড়ীটে দেখিয়ে আনি ।

সুনীতি । চলুন, আমারও বড় প্রাণ কেমন ক'ছে—ঘরে থাকতে
পারেন না ।

(উদ্বেজিত স্মরজিতের প্রবেশ)

স্মরজিৎ । স্মরেনবাবু—স্মরেনবাবু, আছেন ? একি সুনীতি, তুমি
এখানে ? তোমার বাড়ীতে তোমায় পাঠনি !

সুনীতি । মায়ের সঙ্গে দেখা ক'রতে এসেছি !

স্মরজিৎ । তোমার মা ! তুমি তো বলেছিলে—সংসারে তোমার
কেউ নেই ?

সুনীতি । সেদিন না তোমার হোটলে তোমার সামনে তোমায় আমার
নিমন্ত্ৰণ করেন নি ?

স্মরজিৎ । (জয়ন্তীর প্রতি) স্মরেনবাবু বাড়ী আছেন ?

জয়ন্তী । ইঁা—আছেন ।

স্মরজিৎ । কি ক'রছেন ?

মাকড়সার জাল

জয়ন্তী । তাঁর নিজের পড়ার ঘরে পড়াশুনো ক'চ্ছেন ।

স্বরজিৎ । এই ঘরে ডেকে দিন ! সুনীতি, তুনি চ'লে দেওনা—তোমায় দরকার আছে !

সুনীতি । কি দরকার ?

স্বরজিৎ । এগন ব'লতে পারছিনে । সতেনবাবুর সঙ্গে পরামর্শ ক'রতে চাই । ডেকে দিন তাঁকে !

[জয়ন্তী ও সুনীতি চলিয়া গেলেন ।

স্বরজিৎ । ('ফোন' ধরিয়া) Hallo ! Howrah—3217...Yes...কে আপনি ?—ভদ্রবাবুর স্ত্রী ? ননস্কার—ভদ্রবাবুকে চাই ! বাড়ী আছেন ? 'ফোনে' আসতে ব'লুন !

(স্বরেন্দ্রনাথ প্রবেশ করিলেন)

স্বরেন্দ্র । খবর কি স্বরজিৎবাবু ! সন্ধান পেলেন ?

স্বরজিৎ । ব'লছি—বসুন ! ('ফোনে') মিষ্টার মুখার্জি ! একবার কষ্ট ক'রে বাগবাজারে নেবু বাগান লেনে আসতে হবে । বাড়ীটে চেনেন কি ? ... চেনেন না ? নম্বরটা টুকে নিন—52/3/71). আসতে হবে—You must ! এলে আপনার উপকার, না এলে সমুহ ক্ষতি ! আধ ঘণ্টার মধ্যে আসা চাই...।

(ফোন ছাড়িয়া দিলেন)

স্বরেন্দ্র । ব্যাপার কি ! আপনাকে উত্তেজিত মনে হ'চ্ছে !

স্বরজিৎ । না—উত্তেজিত হইনি ! আপনার শরীর ভাল আছে ?

স্বরেন্দ্র । মন্দ কি ? তবে, স্ত্রীকে নিয়ে বড়ই মুঞ্চিলে প'ড়েছি—বেচারী কিছুতেই শান্তি পাচ্ছেনা !

চতুর্থ অঙ্ক

স্বরজিৎ । আপনি তো বেশ শাস্তিতে আছেন !

সুরেন্দ্র । আমি পুরুষ মানুষ—মনের উপর ‘কন্ট্রোল’ আছে ; এও একরকম যোগ ! যৌবনে শ্রামাকান্ত বাদর সাক্ষরেদি ক’রেছিলাম—বুঝেছেন ? বিখ্যাত ব্যায়ামবীর সেই শ্রামাকান্তবাবু,—পরে যিনি “মোহং স্বামী” হন ।

স্বরজিৎ । আপনারও আশ্চর্য মনের বল—আপনিও প্রায় “মোহং স্বামী” হয়ে দাঁড়িয়েছেন !

সুরেন্দ্র । রাম—রাম ! আমরা সংসারী মানুষ—বদ্ধ জীব ! মহাপুরুষদের সঙ্গে কি আর আমাদের তুলনা করতে হয় ! আপনি কি বলছেন ? দিনমানের নানা রকম কাজকন্মে ঘুরে বেড়াই, না হয় পড়াশুনা করি—একরকম কাটে ; রাতে মনকে কিছুতেই বশ ক’রতে পারিনে, গীতার ব্যাখ্যা ক’রে স্বীকে বোঝাই—তবু নাঝে নাঝে চোখ দিয়ে ভ ভ ক’রে চল পড়ে !

স্বরজিৎ । বটে—বটে ! গীতার ব্যাখ্যাও করেন, আবার চলও পড়ে ?

সুরেন্দ্র । আপনার কথায় একটু ব্যঙ্গের গুর শোনা যাচ্ছে,—কেন বলুন তো ?

স্বরজিৎ । ব্যঙ্গের সুর ? না রাসমহাশয়, আপনাকে ব্যঙ্গ করার ইচ্ছে আমার ছিল না—আপনি রঙ্গব্যঙ্গ দুইয়েরই বহু উদ্ভে ! তবে আমার নিজের ‘অ্যাটিচ্যুড’ এখন খুব serious নয় । আপনাকে গুটিকতক কথা জিজ্ঞাসা ক’রবো ?

সুরেন্দ্র । নিশ্চয়ই ?—জিজ্ঞাসা ক’রতে পারেন বৈকি ? আমি শুধু ভাবছি, আপনার এতখানি চেষ্টার ফলেও এখন উৎপলাকে

মাকড়সার জাল

পাওয়া গেলনা, তখন তাকে ক'কাতার বাইরে চালান দিয়েছে—কি মেরে ফেলেছে, সেটা আমি ঠিক বুঝতে পাচ্ছিনে ! আর কি করা যেতে পারে—বলুন তো ?

স্বরজিৎ । যা করা যেতে পারে—এখনই আমি তাই ক'রবো !

স্বরেন্দ্র । পুলিশে খবর দেবেন ?

স্বরজিৎ । পুলিশে খবর দিলে তো আমার হার হ'লো ! আমিও ঘোবনে শ্রীঅরবিন্দের শিগা ছিলুম—কখনো বিপথগামী হই নি। এত শীগ'গির পরাজয় স্বীকার ক'রবো না !

স্বরেন্দ্র । বহৎ আচ্ছা ! এই তো চাই ? এইভাবেই তো আপনাকে ডেকেছি ?

স্বরজিৎ । মিষ্টার মুখার্জিকে আপনি চেনেন ?

স্বরেন্দ্র । মিঃ মুখার্জি তো অনেক আছেন—পুরো নামটা বলুন ?

স্বরজিৎ । ভূধর মুখুজে !

স্বরেন্দ্র । আপনি যাকে 'ফোন' ক'রলেন এই নাত্র ?

স্বরজিৎ । ই্যা—চেনেন তাঁকে ?

স্বরেন্দ্র । ঠিক মনে ক'রতে পাচ্ছিনে। আসছেন তো—দেখা হ'লেই বুঝতে পারবো ! এক কাপ চা খাবেন ? আপনাকে সত্যিই একটু Rundown মনে হ'চ্ছে ! ওরে সাতকড়ি—ছ' কাপ চা তৈরী ক'রে আন। ক'দিন ধ'রে একই কাজে আপনার সমস্ত মনকে নিযুক্ত রেখেছেন কিনা ? একটু retaxation দরকার, নইলে ভাল অভিনিবেশ হবেনা। চলুন—আপনাকে নিয়ে 'বায়োস্কোপ' দেখে আসি ; মেট্রোতে ভাল ছবি আছে—French Revolu-

চতুর্থ অঙ্ক

tionএর ছবি। আপনার ভাল লাগবে—“মেরী অ্যাট্টিয়েনেট” !
—‘বার্কে’র ‘ফ্রেঞ্চ রিভলিউশান’ প’ড়েছিলেন ? আমরা
এন. ঘোষের কাছে প’ড়েছিলাম—‘গোণ্ডারফুল’ ! এরকম
রিডিং পড়া কখনো শুনিনি মশায়—‘রিপবে’ পড়াতেন
‘স্মার’ স্মারেন্দ্রনাথ, অবিশি তখনও ‘স্মার’ হননি—এ বলে আমরা
দেখ, ও বলে আমরা দেখ। সেই “মেরী অ্যাট্টিয়েনেট”
আমাদের যৌবনস্বপ্ন ! শুনেছি, নর মাশিয়ারার খুব ভাল
‘পার্ট’ ক’রেছে—চলুন যাই !

স্মরজিৎ । না—এখন উত্তেজনার ছবি দেখবো না—I ought to
maintain a cool brain.

স্মরেন্দ্র । Certainly—সেইভগেই ব’ল’ছিলুম ! আপনার আপত্তি “ফ্রেঞ্চ
রিভলিউশনে” !

স্মরজিৎ । না—revolution এ আপত্তি কিছু ছিলনা ; তবে এখন non-
violence হ’চ্ছে কংগ্রেস ক্রীড্, তাই on principle,
revolution বর্জন ক’রেছি। নইলে আপনাকে তো
ব’লেছি—আমার প্রথম দীক্ষা—‘অগ্নিমন্ত্রে’ !

(সাতকড়ি চা আনিল)

স্মরেন্দ্র । চা খান !

স্মরজিৎ । সাতকড়ি, নীচে একটা বাবু এসে, আমার খোঁজ ক’রলে তাকে
বরাবর উপরে নিয়ে আসবে।

সাতকড়ি । যে আজ্ঞে—ভজুর !

[সাতকড়ির প্রস্থান ।

মাকড়সার জাল

সুরেন্দ্র । আপনি কংগ্রেসের লোক—অহিংস ! আগে জানলে আপনাকে এ কাজের ভার দিতাম না !

স্বরজিৎ । আপনি হিংসা চান—না কাজ চান ?

সুরেন্দ্র । কাজ চাই নিশ্চয়ই ! কিন্তু, সে কাজে হিংসার প্রয়োজন থাকতে পারে !

স্বরজিৎ । আমি কংগ্রেসের মেম্বার নই । শুধু, সমস্ত দেশের লোক যে কৰ্মপদ্ধতি মেনে নিয়েছে—সে পদ্ধতি আমি অবিশ্বাস করিনে !

সুরেন্দ্র । বুঝতে পেরেছি ; তিন বছর আগে যে স্বরজিৎবাবুর সঙ্গে আমার পরিচয় হয়েছিল, সে স্বরজিৎবাবু আপনি আর নেই !

স্বরজিৎ । কেমন ক'রে বুঝলেন — ?

সুরেন্দ্র । আপনার কাজের ধারা দেখে । মনে পড়ে, গোলদীঘিতে ব'সে আপনাতে আমাতে যে আলোচনা হ'য়েছিল—সে সময় কি কথা আপনি ব'লেছিলেন ? গান্ধীবাদকে আপনি কৰ্মহীন জড়তা ব'লে বিদ্রূপ ক'রেছিলেন ! আজ আপনার স্বর নরম—কৰ্মপন্থা কোমল ! আপনার দ্বারা আজ আর অত্যাচারের প্রতিষ্ঠান হওয়া সম্ভব নয় !

স্বরজিৎ । সম্ভব কি অসম্ভব এখনি তার পরখ হবে ! আগে অত্যাচারী কে তা স্থির হ'ক—

সুরেন্দ্র । উৎপলার সন্ধান পেয়েছেন ?

স্বরজিৎ । গত ছ'মাসের ভিতর যত মেয়ে চুরি গেছে—তার সমস্ত হিসেব নিকেশ আমার কাছে, ইতিহাস আমার কাছে ; নিশ্চয়ই তার মধ্যে কেউ না কেউ উৎপলা । প্রত্যেক মেয়েটিকে আপনি দেখবেন ।

চতুর্থ অঙ্ক

(ভূধর মুখার্জি ও কুম্ভকামিনীকে লইয়া সাতকড়ির প্রবেশ ও সাতকড়ির প্রস্থান)

স্বরজিৎ । আস্তন মিষ্টার মুখার্জি—আপনার স্ত্রীকেও সঙ্গে এনেছেন যে !

ভূধর । অতিরিক্ত পতিব্রতা কিনা ?—সঙ্গ ছাড়তে চান না ।

স্বরজিৎ । (কুম্ভের প্রতি) আপনি এলেন কেন ? একা ছেড়ে দিতে

ভরসা হ'লনা ?

কুম্ভ । ঠিক তা নয় । আপনাকে একটু উপদেশ দেব ।

স্বরজিৎ । কি উপদেশ ?

কুম্ভ । এঁর সামনে—ব'লবো ?

সুরেন্দ্র । আমি চ'লে যাব ?

স্বরজিৎ । না না—আপনি বসুন ; এঁকে অবিশ্বাস ক'রবার দরকার হবে না ।

কুম্ভ । এ বৃড়োকে নেরে আপনার কি সুবিধে হবে ?—শুধু শুধু খুনের দায়ী হবেন ! উনি কিছু না, কিছু না—ভকুমের চাকর নাত্র !

স্বরজিৎ । আসল লোকটী কে—আপনি জানিয়ে দিন ?

কুম্ভ । আসল লোকটী যে কে—কেউ তা জানে না ! কিংবা জানে—প্রকাশ করে না ! কল টিপছেন তিনি—ইনি কলের পুতুল, হাত-পাই নাড়েন—আর পরিবারের কাছে বীরস্ব করেন !

ভূধর । বড্ড ব'লছো যে ! মুখ খুলে গৈছে দেখছি !

কুম্ভ । তুমি আর কথা ব'লোনা । কালকের ছেলে—আমার ফটকের বয়সী, একঘর লোকের সামনে পিস্তল নিয়ে দাঁড়াল—আর সব হতভম্ব—কাঠের পুতুল !

মাকড়সার জাল

ভূধর । বেশ তো ছিলে ?—হঠাৎ এত মারাত্মক রকমের সতী হ'য়ে উঠলে কেন বল দেখি ? এর চেয়ে মশায়, আমায় পুলিশে দিলে একটু নিষ্কৃতি পাই !

কুসুম । ব'লতে লজ্জা ক'চ্ছে না ! তোমায় পুলিশে দেবেনা—একেবারে শেষ ক'রতো । কেবল আমার এয়োতের জোরে—এখনো বেঁচে আছ !

স্বরজিৎ । দেখছেন রায়মশায়—এঁরা বেশ স্ত্রী দম্পতি ! এঁদের দাম্পত্য-কলহ পরম উপভোগ্য ! মেয়ের বিয়ে দিচ্ছেন কবে ?

কুসুম । আর মেয়ের বিয়ে বাবা ! সেদিন তোমার কাণ্ড দেখে সব ভয় পেয়ে গেছে । আজ ছ'দিন ছেলেটা আর আমার বাড়ীমুখে হয় না । পাড়ায় লোক জানাজানি । ঠাকুর-চাকর পর্যন্ত পালিয়েছে ! মেয়ে কাঁদছে—ছেলে পাঁচকথা শুনিয়ে দিলে ! বুড়ো মিনসেকে এখন আমি আগলে নিয়ে বেড়াই ! You don't know, what a miserable life—I live !

ভূধর । তুমি ইংরিজি জান—আপাততঃ সেটা না জানালেও চ'লতো !

কুসুম । না—চ'লতো না ; আমার ইংরিজি জানার মানে—we are respectable aristocrat, that means you can't possibly be a criminal by profession !

স্বরজিৎ । আপনি একটু অনুগ্রহ ক'রে যদি বাড়ীর ভিতর যান—আমাদের কাজের কথা আছে ! সাতকড়ি—

কুসুম । তুমি কথা দেও—গুলিটুলি ক'রবেনা ! হাজার হোক, তোমরা বাবা ছেলেমানুষ—মাথাগরম ! হাতের অঙ্গ, ছুঁড়লেই—এইযা ! Once done, can never be undone—an awful job, I tell you !

চতুর্থ অঙ্ক

(সাতকড়ির প্রবেশ)

সুরেন্দ্র । এঁকে গিল্লীর কাছে নিয়ে যাও !

কুসুম । আচ্ছা— !

[কুসুম ও সাতকড়ির প্রস্থান ।

স্বরজিৎ । মুখ্জে মশায়, আপনি সতি ভাগ্যবান !

ভূধর । হ্যাঁ, তাইতো মনে হ'চ্ছে ! এতটা ভাগ্যবান, আগে বুঝিনি—
একটু 'লেটে' বুঝলুম !

সুরেন্দ্র । Well—better late than never ! কি বলেন মশায় ?

ভূধর । মশায়ের নাম ? রায়মশায় ব'লে ডাকলেন শুনলুম ।

স্বরজিৎ । এঁকে আপনি চেনেন না ?

ভূধর । (মুখের দিকে ভাল করিয়া চাহিয়া) হ্যাঁ—মুখচেনা বই কি ! দেখেছি,
তবে পরিচয়ও নেই—নামটাও জানিনে !

স্বরজিৎ । সুরেনবাবু—আপনি এঁকে চেনেন ?

সুরেন্দ্র । না—দেখেছি ব'লেই মনে হ'চ্ছে না । হয়তো উনি দেখেছেন—
আমি লক্ষ্য করিনি !

স্বরজিৎ । ইনি কি কাজ করেন, তাও জানেন না বোধ হয় ?

সুরেন্দ্র । কেমন ক'রে জানবো ?—জানা তো সম্ভব নয় !

স্বরজিৎ । ক'লকাতা সহরে একটা reformed goonda organization
আছে—খবর রাখেন ?

সুরেন্দ্র । আমিই আপনাকে ব'লেছিলাম । খবর কি ক'রে রাখবো ব'লুন ?

স্বরজিৎ । ইনি হ'চ্ছেন সেই দলের সর্দার !

সুরেন্দ্র । ভদ্রলোকের মুখের উপর যখন এত বড় কথা ব'লছেন, তখন তার
সম্পূর্ণ প্রমাণ আপনি পেয়েছেন নিশ্চয়ই ?

মাকড়সার জাল

স্মরজিৎ । ই্যা—পেয়েছি । এঁদের কাজ, অত্যন্ত ভদ্ভাবে বালকবালিকা আর যুবতীহরণ ! বাইরের কোন লক্ষণে কিছু বুঝবার উপায় নেই—চমৎকার Organization !

সুরেন্দ্র । দেখুন, আপনি যে সনস্ত কথা ব'লছেন—আমিও তা শুনেছি । শুধু শুনেছি কেন ?—আপনি জানেন, আমি নিজে ভুক্তভোগী ! কিন্তু, আপনার অভিযোগ আপনি যদি প্রমাণ ক'রতে না পারেন, উনি আপনার নামে damage, defamation দুই—আনতে পারেন !

স্মরজিৎ । আমার নামে অভিযোগ আনবার যথেষ্ট স্বযোগ ঠেকে দিয়েছি ; তবু উনি এত তিতিক্ষাশীল ব্রাহ্মণ যে, কিছুতেই পুলিশে খবর দেন নি ! তার উপর, অনেক ঘটনার প্রমাণ, 'ডকুমেন্ট' নায় সাক্ষী সমেত, আমার হাতে আছে । এখন আপনি ব'লুন এঁকে নিয়ে কি ক'রবো ?

সুরেন্দ্র । আমি তো আপনাকে এবিষয়ে সম্পূর্ণ স্বাধীনতা দিয়েছি । আমার মুখ্য উদ্দেশ্য ছিল, মেয়েকে উদ্ধার করা ; গোণ উদ্দেশ্য, যারা হরণ ক'রেছে—সেই দলটাকে শাস্তি দেওয়া । মেয়েকেই যখন ফিরে পাওয়া গেল না—আপনি যা ক'রতে চান করুন ! আমার আপত্তিও নেই, সমর্থনও নেই—হয় তো অগ্নিদল !

(হনোতিকে টানিতে টানিতে কুহুমকামিনী তৎপশ্চাৎ জরস্তীর প্রবেশ)

কুহুম । এস, এস—অমন ক'রে লুকিয়ে ব'সে থাকলে চ'লবে না ।
(স্মরজিতের প্রতি) শোন বাবা, তুমি 'ডিটেক্টিভ' হও আর যেই

চতুর্থ অঙ্ক

হও, আমি তখন যে কথা ব'লছিলাম, কে একজন কোথায় ব'সে কল নাড়ে, আর ইনি কলের পুতুল—নড়েন চড়েন, ওঠেন, বসেন,—সেই কল হ'চ্ছে এই মেয়েটা !

স্বরজিৎ । আপনি যা ব'লছেন, তার প্রমাণ দিতে পারবেন ?

কুসুম । নিশ্চয়ই ! আমাদের বাড়ীতে ও প্রায়ই যায়—আমার ছেলে, মেয়ে, যে ছেলেটার সঙ্গে আমার মেয়ের বিয়ের সম্বন্ধ হচ্ছে—সবাই সাক্ষী দেবে । ওর সঙ্গেই যাকিছু পরামর্শ ! ওই মিটমিটে মেয়ে—ওর চেহারা দেখে ভুলে যেওনা ! আমার মেয়ে ওর কথায় ওঠে বসে—ছেলেকে পযান্ত বশ ক'রেছিল ! ওর মত শয়তানী আর দুটা নেই ! ওর পেট থেকে যদি কথা বার ক'রতে পার, তবেই বুঝবো—তুমি 'ডিটেক্টিভ' । আসল কৰ্ত্তা কে, ওই জানে !

স্বরজিৎ । মিষ্টার মুখার্জি ! আপনার স্বীকৃত অভিযোগ সত্যি ?

ভূধর । আমি কোন কথা ব'লবো না ।

স্বরজিৎ । সুনীতি দেবী, আপনি ব'লবেন—আসল লোকটা কে ?

সুনীতি । যতখানি বলা যেতে পারে—আপনাকে ব'লেছি । আর প্রশ্ন ক'রবেন না ।

স্বরজিৎ । স্বরেনবাবু—আপনি সুনীতি দেবীকে জানেন ?

স্বরেন্দ্র । আপনিই সেদিন আপনার হোটেলে গুঁকে দেখিয়েছিলেন ।

স্বরজিৎ । তার আগে ওঁর সঙ্গে আপনার পরিচয় ছিল ?

স্বরেন্দ্র । আপনি তো সন্দেহ ক'চ্ছেন—আসল মাস্তব আমি স্বয়ং ! আজ আপনার মাথায় সেই রকম সন্দেহই এসেছে । সেইজন্যই

মাকড়সার জাল

মিষ্টার মুখার্জিকে এখানে ডেকেছেন—আমি গোড়া থেকেই আপনার মনোভাব লক্ষ্য করেছি। কিন্তু একটা কথা মনে ক’রে দেখুন, আসল মামুষ যদি আমিই হই—আমি আপনাকে সত্যি কথা বলবো, এই কি আপনার ধারণা ?

কুম্ভম। এই মেয়েটা জানে ; তুমি ওকে জলুম কর—ও বলবে।

স্বরজিৎ। স্বরজিৎবাবু, আপনার nonviolent creedএ এই পর্য্যন্ত যাওয়া চলে—এর পর either you must be violent or you suffer injustice ! তাহ’লে আমি পুলিশে ফোন ক’রে দিই, পুলিশ case take up করুক—কি বলেন ?

স্বরজিৎ। না—বসুন ! (জয়ন্তীর প্রতি) আপনি এই দিকে আসুন, এই স্ত্রীতিই উৎপলা—আপনি নিশ্চয়ই জানেন ?

জয়ন্তী। স্ত্রীতিকে আমি পরশুদিন প্রথম তোমার বাসায় দেখি। তবে ওকে দেখবামাত্র মেয়ের মতই ওকে ভালবেসেছি—অমন মেয়ে হয় না !

স্বরজিৎ। আমি বলছি, আপনি ওকে বরাবর জানতেন !

জয়ন্তী। না—। এই মাত্র ওর সঙ্গে আমার সত্যি পরিচয় হ’ল। ওকে আমার কাছে পেলে আমি সত্যিই খুশী হব।

স্বরজিৎ। আপনার স্বামী কি কাজ করেন ?

জয়ন্তী। বাড়ীতে ব’সে পড়াশুনো করেন।

স্বরজিৎ। সংসার চলে কিসে ?

জয়ন্তী। কারবার আছে—তার আয়ে চলে।

স্বরজিৎ। কিসের কারবার ?

চতুর্থ অঙ্ক

জয়ন্তী । ‘পার্টনারসিপে’র কারবার—আপিস আছে । মাকে মাঝে আপিস যান ।

স্মরজিৎ । আপিসের ঠিকানা কি ?

স্বরেন্দ্র । উনি ঠিক ব’লতে পারবেন না । আপিসের এই কার্ড নিন—
এতে ঠিকানা লেখা আছে । একদিন সময় ক’রে আপিসে
‘সার্চ’ ক’রে দেখবেন ।মিষ্টার আর মিসেস্ মুখার্জিকে
আর এখানে বসিয়ে রাখবার কোন দরকার আছে কি ? গুঁরা
বাড়ী যান । ঠিকানা তো আপনার জানা আছে—দরকার প’লে
ডেকে পাঠাবেন ।

স্মরজিৎ । না—স্বরেনবাবু, আপনি আমায় জানেন না ; মনে রাখবেন,
কেউটে সাপ নিয়ে খেলা ক’রছেন !

স্বরেন্দ্র । উপমাটা ঠিক হ’লনা স্মরজিৎবাবু ! আপনি অহিংস—
nonviolent !

কুসুম । তুমি পাঁচজনকে পাঁচকথা কেন জিজ্ঞাসা ক’রছ বাবা ? আর কেউ
কিছু জাম্বুক না জাম্বুক—তোমার এই স্তনীতি দেবী সব
জানে ! ও মেয়েটো সোজা মেয়ে নয় । ওকে জিজ্ঞাসা কর !

ভূধর । তোমার বড় বাড় বেড়েছে ! কে তোমার উপদেশ চাচ্ছে ?
চুপ ক’রে বসে থাকতে পার না ? cantankerous woman !

কুসুম । না পারিনে—cantankerous woman ! আহা, মরি মরি
—কি বুদ্ধি ! নিজের বুদ্ধিতে চ’লে তো এই সর্বনাশ ঘটিয়েছ ?
যদি বাঁচতে চাও, এখন থেকে আমার বুদ্ধি শুনে কাজ করো ।
আমি ব’লছি বাবা,—তোমার ওই মিষ্টার মুখার্জি আমার সঙ্গে

মাকড়সার জাল

পনের মিনিট কথা ব'লবার অবকাশ পাননা—ছেলেমেয়ে কি ক'রছে তা দেখবার সময় নেই—অথচ, স্ননীতি বাড়ীতে এলে তার সঙ্গে ঘণ্টার পর ঘণ্টা গোপন পরামর্শ চলে! হয় স্ননীতিই সর্বস্ব—ইনি তার হাতের পুতুল, কিংবা যে সর্বস্ব—স্ননীতি তার দৃতীগিরি করে! তুমি স্ননীতিকে জিজ্ঞাসা কর—ও অস্বীকার করুক!

স্বরেন্দ্র। স্ননীতিকে উনি কোনো কথা জিজ্ঞাসা ক'রতে চাননা—হয়তো স্ননীতি সম্বন্ধে ওঁর দুর্বলতা আছে!

জয়ন্তী। ছিঃ, অমন কথা মুখে এনোনা—স্ননীতি আমার মেয়ে!

স্বরজিৎ। স্বরেনবাবু—খোঁচা দিয়ে কথা ব'লে আপনি আমায় দমাতে পারবেন না। আপনি 'দুর্বলতা' ব'লেছেন; আমি আরো ষ্পষ্ট ভাষায় ব'লছি—স্ননীতিকে আমি ভালবাসি।

স্বরেন্দ্র। বাস্তব না—আমার আপত্তি ক'রবার কি আছে! আমার স্ত্রী ওঁকে মেয়ে ব'লেছেন—বেশ তো, আপনি যদি স্ননীতি দেবীকে বিয়ে ক'রতে প্রস্তুত থাকেন—আমি উগোগী হ'য়ে বিয়ে দিতে রাজী আছি।

কুসুম। খবরদার বাবা—অমন কাজ—

ভূধর। আঃ—থাম।

স্বরজিৎ। স্বরেনবাবু—বলুন, কেন আপনি এমন কাজ ক'রলেন?

স্বরেন্দ্র। কি কাজ ক'রেছি?

স্বরজিৎ। আমার সঙ্গে মিথ্যে কথা ব'লেছেন। আমায় দিয়ে হীন স্বার্থ-সিক্কির চেষ্টা ক'রেছেন। শুকুন—উৎপলা নামে কোন মেয়ে

চতুর্থ অঙ্ক

আপনার ছিলনা, স্বতরাং আপনার মেয়ে হারায়নি, বা চুরি যায়নি !*

স্বরেন্দ্র । কিসে সিদ্ধান্ত ক'রলেন ? আপনি উৎপলাকে খুঁজে পাননি ব'লে ?

স্বরজিৎ । আমি উৎপলাকে খুঁজে পেয়েছি—উৎপলা আপনার সামনে দাঁড়িয়ে—

স্বরেন্দ্র । স্ত্রীতিকে আপনি উৎপলা বলতে চান ?

স্বরজিৎ । হ্যাঁ—তাই চাই ! উৎপলা আপনার কল্লনা । স্ত্রীতি সেই কল্লনার বাস্তব নারীমূর্তি ! আর এই Criminal organisation-এর দলপতি আপনি স্বয়ং ।

স্বরেন্দ্র । গায়ের ছোরে প্রমাণ করবেন নাকি ?

স্বরজিৎ । না—আপনি ডেকে এনে এদাঁদাঁর মতো কেন আমায় ফেললেন ? বলুন কি উদ্দেশ্য ছিল ? আপনার পাটনার মিষ্টার মুখার্জিকে খুন করে আমি আপনার পথ পরিষ্কার করে দেব—এই আশায় ?

স্বরেন্দ্র । আপনার কোন কথার অর্থ আমি বুঝতে পাচ্ছি না স্বরজিৎবাবু !

স্বরজিৎ । বুঝতে পাচ্ছেন না ?—গুণ্ডারা আপনাকে যে চিঠি দিয়েছিল এই দেখুন সে চিঠি । এতে মিষ্টার মুখার্জির বাড়ীর ঠিকানা আছে ।

স্বরেন্দ্র । হ্যাঁ তাতে কি প্রমাণ হয় ?

স্বরজিৎ । তাতে প্রমাণ হয়—যারা উৎপলাকে হরণ করেছে সে দলের সঙ্গে মিঃ মুখার্জির সংশ্লব আছে ।

* ইহার পরবর্তী অংশ একটু পরিবর্তিত আকারে “রঙমহল” রঙ্গমঞ্চে অভিনয় হইতেছে ।
ঠিক যেমননাট অভিনয় হয়, তাহা পরিশিষ্টে দেওয়া গেল । পৃষ্ঠা ১৮২

মাকড়সার জাল

স্বরেন্দ্র । থাকতে পারে—তারজ্ঞে কি আমি দায়ী হব ?

স্বরজিৎ । মিষ্টার মুখার্জি স্বীকার ক'রেছেন, আমিও প্রমাণ পেয়েছি, ঠাঁর দল ছ'মাসের ভিতর যত নারী হরণ ক'রেছে, তার মধ্যে 'উংপলা' ব'লে কোন মেয়ে ছিল না ।

স্বরেন্দ্র । মিষ্টার মুখার্জি যে সত্যবাদী যুপিষ্টির তার কোন প্রমাণ আছে ? উংপলাকে হয় তো তারা কল্‌কাতার বাইরে নিয়ে গেছে ।

স্বরজিৎ । আপনি উংপলার যে বর্ণনা দিয়েছেন—যে রূপ, গুণ, বয়স, চরিত্রের কথা ব'লেছেন—সে কেবল একটা মেয়েরই হ'তে পারে—সংসারে দুটো উংপলা জন্মায় না, যমজ বোন দেখতে এক হ'লেও চরিত্র ত'রকম হয় !

স্বরেন্দ্র । বুঝতে পেরেছি আপনাকে উংপলায় পেয়েছে । স্ত্রীতিদেবীকে উংপলা মনে ক'রেই আপনার এই বুদ্ধিব্রংশ হ'য়েছে !

স্বরজিৎ । না—আমার বুদ্ধিব্রংশ হয়নি স্বরেনবাবু—বুদ্ধি ঠিকই আছে । স্ত্রীতি—না—আমি তোমায় উংপলা বলেই ডাকবো—উংপলা নামটা আমি ভালবাসি । তোমার স্ত্রীতি নামের সঙ্গে কলঙ্ক জড়ানো আছে, ঘানি মাখানো আছে, তোমার উংপলা নাম যারই দেওয়া হ'ক—এখনো পবিত্র ! স্বরেনবাবু হাসবেন না—উংপলা—আমি তোমায় ভালবাসি—

স্ত্রীতি । আমায় ভাল বেসনা—আমার অদৃষ্ট ভাল নয় !

স্বরজিৎ । আমি অদৃষ্ট মানিনে, ভাগ্য মানিনে ! দুর্ভাগ্য সৌভাগ্য মাতৃষের নিজের সৃষ্টি । আমি তোমায় দুর্ভাগ্যের ভিতর থেকে উদ্ধার করবো—বাইরে নিয়ে যাব—

চতুর্থ অঙ্ক

স্বনীতি । তুমি পারবেনা ! লোকে তোমায় নিন্দে করবে—পাঁচজনে পাঁচ কথা বলবে । আমি তো তোমায় সব কথা ব'লেছি । অসম্ভব কখনো সম্ভব হয় না । তোমার দেগা পেয়েছি, এই যথেষ্ট ।

স্মরজিৎ । তুমি আমায় ভালবাস—উৎপলা !

স্বনীতি । আমায় জিজ্ঞাসা কোরনা । মৃত্যুর কথায় তোমার প্রশ্নের উত্তর দেওয়া যায় না ।

স্মরজিৎ । আমি মনে ক'রেছিলাম—সকলের সামনে তোমায় কোন কথা জিজ্ঞাসা ক'রবোনা—কিন্তু জিজ্ঞাসা না ক'রে উপায় নেই । শুধু একটা কথা ! ভেবেছিলাম সুরেনবাবু আর ভদ্রবাবুকে নিয়েই বোঝাপড়া করবো—তোমায় এর ভিতর ডাকবোনা, কিন্তু তুমি নিজেই এসেছ !

স্বনীতি । বল ।

স্মরজিৎ । আজ তিন চার বছর ধ'রে তুমি সুরেনবাবুকে জান ? হ্যা—
কি না ?

সুরেন্দ্র । যদি স্বনীতি বলে—তিন চার বছর ধ'রে সে আমায় জানে—
তাতে কি প্রমাণ হবে ! অনেক মেয়ের সঙ্গে আমার আলাপ থাকতে পারে ! আমি স্বীকার কচ্ছি—স্বনীতি আমায় জানে ।

স্মরজিৎ । আর প্রমাণের আমার দরকার নেই ! আপনিই সেই—you are inhuman. আপনার উদ্দেশ্য এখন আমি জলের মত বুঝতে পাচ্ছি । মৃত্যুর সামনে দাঁড়িয়েও মিষ্টার মুখার্জি আপনার নাম করেন নি—কিন্তু আপনার উদ্দেশ্য ছিল ঠুঁকে সরানো ।

মাকড়সার জাল

আমি বহু পাষণ্ড দেখেছি, অনেকের কথা বইয়ে পড়েছি,
আপনার মত আর একটাও দেখিনি !

সুরেন্দ্র । যে স্বীলোকের রূপে মুগ্ধ হ'য়ে তার সব কথা বিশ্বাস করে—সে
যেন সুরেন্দ্রনারায়ণ রায়ের চরিত্র সমালোচনা না করে । তুমি
রূপমুগ্ধ—তোমার কথার কোন মূল্য নেই ।

স্বরজিৎ । কি—কি—তুমি আমায় কি বলতে চাও ?

সুরেন্দ্র । শোন—এই স্ত্রীস্বনীতি কি, তুমি জাননা । তুমি স্ত্রীস্বনীতির কথা
সত্যি মনে করেছ, আমার কথা মিথ্যা ভেবেছ,—এর অর্থ
এই—স্ত্রীস্বনীতি স্ত্রীস্বনী—তার তুমি রূপমুগ্ধ ! কেন তুমি স্ত্রীস্বনীতির
কথা বিশ্বাস করবে আর আমার কথা বিশ্বাস করবে না ?
তোমার সত্য মিথ্যার মাপকাঠি,—নারীর রূপ !

স্বরজিৎ । স্ত্রীস্বনীতি কি, আমি জানি—তুমি কি, তাও বুঝেছি । তোমায়
শাস্তি পেতে হবে, মরতে হবে ! তুমি অনেকের সর্বনাশের
কারণ হ'য়েছ—তোমায় মরতে হবে ।

স্ত্রীস্বনীতি । ছিঃ, একি ! তুমি অহিংসব্রত নিয়েছ ! কংগ্রেস অহিংস !

(স্বরজিৎ পিস্তল বাহির করিলেন—সকলে শঙ্কিত হইলেন—স্ত্রীস্বনীতি শাস্তভাবে স্বরজিতের
হাত হইতে পিস্তল কাড়িবার সময়, গুলি তাহার বুকে লাগিল)

স্বরজিৎ । উৎপলা, উৎপলা—কি, গুলি তোমার গায়ে লেগেছে ?

স্ত্রীস্বনীতি । হ্যা—ঠিকই হ'য়েছে । তবে তোমার গুলিতে আমি ম'রবোনা,
পিস্তল আমার হাতে আসার পর গুলি আমার গায়ে লেগেছে—
পায়ের ধূলো দাও—(জয়হীর প্রতি) না, তুমি আমার কাছে এস,

চতুর্থ অঙ্ক

তোমার কোলে শুয়ে মরবো; ছেলে বেলায় কোলে নিয়ে
ছিলে—আজ শেষ সময় তোমার কোলেই মরি। মা, তুমি
সাক্ষী রইলে, ব'লো আমার মৃত্যুর জন্ত আমি নিজেই দায়ী।
আমায় বড় ভালবাসে অনিলা, প্রতিভা আর চিত্রা, তাদের
থবর দিওনা। (মৃত্যু)

দৃশ্যান্তর

(অস্ত্র ঘর—সন্ধ্যার আলো-ছায়ায় স্ত্রীতীর জীবনের মত

ঘরখানিও যেন রহস্তময় হইয়া উঠিয়াছে—কিছুক্ষণ

স্বরেজ ও ভূধর নির্ঝাক)

ভূধর। তা'হলে এইখানেই শেষ?

স্বরেজ। সেই রকমই মনে হচ্ছে—।

ভূধর। তুমি শেষ ক'রতে চেয়েছিলে—তাতো কোনদিন আমার বলনি?

স্বরেজ। তুমি তো জান—যে বিষবৃক্ষ রোপণ করে—তার নিজের সে
গাছ কাটতে মোহ হয়। আমি স্ত্রীতীকে স্তপাত্রে দান
করতে চেয়েছিলাম—ওকে পাচাতে চেয়েছিলাম—

(প্রথমে স্বরজিৎ প্রবেশ করিলেন একটু পরে জয়ন্তীও ঘরে আসিলেন)

Hospitalএ remove করা সম্ভব হবে?

স্বরজিৎ। না—উৎপলা এই মাত্র মারা গেল!

জয়ন্তী। হৃদনের জগ্নে দেখা দিয়ে আমার অপরাধী ক'রে গেল!

স্বরজিৎ। কিন্তু কে দায়ী? উৎপলার মৃত্যুর জগ্নে কে দায়ী?

স্বরেজ। একমাত্র আমিই দায়ী, আর কেউ নয়! স্বরজিৎবাবু—আপনার
অমৃতমান সত্য। এ দল আমার, আমার পরিকল্পনা, আমার

মাকড়সার জাল

সৃষ্টি ! দিন দিন এর কাজ, এর শক্তি, এত বেড়ে চ'লেছিল যে, আমি কিছুদিন থেকে শক্তিত হ'য়ে পড়ি, ধরা পড়বার ভয়ে নয়—আমি মনে করেছিলাম—হয় এর ধ্বংস হবে না হয় এর রূপান্তর ঘটবে। আমি আপনাকে অত্যন্ত খাটা মানুষ ব'লে জানি—তাই একে পরীক্ষা ক'রবার ভার দিয়েছিলাম আপনাকে—একদিন আমিও খাটা মানুষ ছিলাম—মিষ্টার মুখার্জিও খাটা মানুষ ছিলেন। নারী রক্ষা করাই আমাদের উদ্দেশ্য ছিল,—একদিন যে নারীকে রক্ষা করি সে এইমাত্র মারা গেল,—এই স্থনীতি—আপনি ঠিকই অনুমান ক'রেছিলেন—উংপলা আমার কল্পনা !

জয়ন্তী । কিন্তু ওর নাম সত্যিই উংপলা—আর এ নাম আমারই দেওয়া !

স্বরেন্দ্র । তুমি তো স্থনীতিকে চিন্তেনা !

জয়ন্তী । এই মাত্র ওর কাহিনী শুনলাম—ওকে কতদিন খুঁজেছি, পাইনি। ও আমার ছেলে বেলার সইয়ের মেয়ে—ওর মা আর আমি এক গাঁয়ের ! ওর যখন ছ'বছর বয়স, তখন ওর মা মারা যায়—আমারই চোখের সামনে ! ওর মা ওর নাম রাখে উংপলা—সে কথা আমি জান্তেম—ও জানে না।

স্বরজিৎ । '(জয়ন্তীর প্রতি) আপনি স্বরেন বাবুর উপদেশ মত উংপলার নাম নিয়ে আমার কাছে মিথ্যে গল্প করেছিলেন—মাতৃ স্নেহের ভান করে ছিলেন !

জয়ন্তী । সেই অবধি মমে শাস্তি পাইনি বাবা। এখন বুঝতে পাচ্ছি—আমি অপরাধ করেছি। আমার স্বামী আমায় কখনো

চতুর্থ অঙ্ক

কোন আদেশ করেন নি। তোমার কাছে মিথ্যা কথা বলি এটা উনি চেয়েছিলেন—। ওর মৃত্যুর জন্যে আমিই দায়ী।

স্বরজিৎ। আমি এখনো বুঝতে পাচ্ছি নে স্বপ্নের বাবু—কেন আপনি আমার সঙ্গে এ ব্যবহার করলেন!

স্বপ্নেন্দ্র। কি জানি কেন! আমি চিরদিন খেয়ালী। কংগ্রেসের Non-violent Creedকে আমি উপহাস করতাম, হয়তো Non-violent Creed পরীক্ষা করবার জন্যে আপনাকে ডাকি।

স্বরজিৎ। তাই কি?

স্বপ্নেন্দ্র। যে কারণেই হ'ক—সব দিক থেকে আমিই সন্দেহপ্রদান অপরাধী, এর প্রায়শ্চিত্ত আমাকে করতে হবে।

স্বরজিৎ। কি প্রায়শ্চিত্ত করবেন?

স্বপ্নেন্দ্র। এখনই পুলিশ আসবে, আমি দর দেব। ভদর—তুমি আমার স্ত্রীকে দেখো। আমার ভাগে যে টাকা জমেছে সে টাকা তুমি স্বরজিৎবাবুর হাতে দিও, উনি দেশের কাছে খরচ করবেন।

স্বরজিৎ। আমি আপনার টাকা নেব না।

স্বপ্নেন্দ্র। সত্যিকার অন্বেষণ কাজ আমরা করিনি স্বরজিৎ বাবু—বড় লোকের টাকা নিয়েছি—গরীবকে দান করেছি। তবু আজ আমি স্বীকার করছি—একাজ ভাল নয়, পাপের বীজ কোথায় লুকোনো ছিল—অর্থলিপ্সা—তার জন্যেই এই পবিত্র কুমারী জীবন দিল! আমায় রক্ষা করবার জন্যে সত্য কথা বলেছি! আপনি নিজের

মাকড়সার জাল

দায়ীত্বে এ টাকা না নেন, কংগ্রেসের হাতে দেবেন। এখনি পুলিশ আসবে—তোমরা চলে যাও—যাও, ভূধর বাড়ী যাও।

ভূধর। তুমি জান—স্বনীতির মত, বাঁচি আর মরি—তোমাকে ছেড়ে যাবার উপায় আমার নেই !

স্বরেন্দ্র। তুমি যাবেনা ?

ভূধর। না !

(কুমুদের প্রবেশ)

কুমুদ। বাবা !

ভূধর। কিরে কুমুদ—তুই এখানে কেমন ক'রে এলি ?

কুমুদ। মা 'ফোন' ক'রেছিল ? কিন্তু এসব কি ! স্বনীতি দেবীকে কে খুন করেছে ?

ভূধর। খুন ঠিক নয়—তবে—তোমার মাকে নিয়ে বাড়ী যাও।

কুমুদ। তুমি ?

ভূধর। আমার কতদূর কি হয় বলা কঠিন ! এখন থেকে চিত্রা আর তোমার মায়ের ভার তোমাকে নিতে হবে।

কুমুদ। কিন্তু তুমি তো স্বনীতি দেবীকে শ্রদ্ধা ক'রতে বাবা !

ভূধর। শ্রদ্ধা এখনো করি। অমন আর একটা মেয়ে আমি জীবনে দেখিনি কুমুদ। আমারও ইচ্ছে হ'য়েছিল—স্বনীতিকে পুত্রবধূ ক'রে ঘরে আনবো। তবে আমি জান্তেম—আমাদের ঘরের চেয়ে ওর প্রাণ অনেক বড় !

কুমুদ। তোমায় 'এ্যারেষ্ট' ক'রবে ?

চতুর্থ অঙ্ক

ভূধর । হঁ—সেই রকমই তো মনে হচ্ছে—তোমার মাকে নিয়ে বাড়ী যাও—দেবী কোরনা ।

কুমুদ । বাবা—আমি অনেক দিন আগেই বুঝতে পেরেছিলাম তুমি—
অগ্নায় কাজ কচ্ছ, গোপন কাজ কচ্ছ । মাঝে মাঝে ইচ্ছে হ'ত
তোমায় বারণ করি । কিন্তু—তুমি তো খারাপ লোক নও বাবা !

ভূধর । তুমি বাড়ী যাও—চিত্রাকে বুঝিয়ে বলো, স্ত্রীত্বের জন্তে কীদে
কীতক—আমার জন্তে যেন চুপ্‌চাপ না করে ।

কুমুদ । আমি একবার স্ত্রীত্ব দেবীকে দেখবো !

ভূধর । ঐ ঘরে ।

কুমুদ । বাবা তুমি সংসারের ভাবনা ভেবনা—সংসারের ভার আমি
নিলাম ।—তোমায় বাঁচাবার কোন উপায় নেই ?

ভূধর । আগে থেকে বিচলিত হ'য়োনো—বাড়ী চ'লে যাও !

[কুমুদের প্রস্থান ।

স্বরেন্দ্র । স্বরজিৎবাবু—আপনি ?

স্বরজিৎ । আমি আর কোণায় যাব বলুন ! আমার তো বাড়ী নেই,
পুলিশ আসুক—তারপর যা হয় হবে । উৎপলার মৃত্যুর জন্তে
কে দায়ী জানেন ?

স্বরেন্দ্র । বলুন—

স্বরজিৎ । আমার নিজের অহিংসা-নীতির উপর অবিশ্বাস । কুক্ষণে আমি
মিষ্টার মুখার্জির আশ্রমে ভয় দেখাবার জন্তে এই মারণ অস্ত্র হাত
দিই । আমরা সবাই আগুন নিয়ে খেলা করেছি । এ খেলায়
যে সব চেয়ে পবিত্র সেই আগে পুড়ে ম'ল !

মাকড়সার জাল

স্বরেন্দ্র । (ফোনে) হ্যালো ! পুলিশ স্টেশন শ্যামপুকুর—কে আপনি ?
নমস্কার ! নেবুবাগান থেকে কথা বলছি—স্বরেন রায়—হ্যাঁ।
নমস্কার । একবার আসতে হবে আমার বাড়ীতে—হ্যাঁ ডেথ্—
এক্সসিডেন্ট বলতে পারেন, মার্ডার বলতে পারেন, স্ট্রাইসাইড
বলতে পারেন—as you like it—এসে দেখুন—হ্যাঁ—
আম্মীয়া—পরমাম্মীয়া ! আমি, আমি বাড়ীতেই আছি ।

স্বরেন্দ্র অনেকক্ষণ কোন কথা বলিলেন না

নিঃশব্দ-পদনক্বারে চারিদিক ঘুরিলেন

বড় ক্ষোভ হচ্ছে অরজিবাবু । আমি নিঃসন্তান, এত
মেয়েটিকে আমি সত্যি নিজের মেয়ের মত ভাল বাসতাম ।
মাঝে মাঝে মনে হ'ত উপযুক্ত পাত্র দেখে বিয়ে দিয়ে ওকে
সংসারী ক'রে যাব—রাবণ রাজার স্বর্গের সিঁড়ি তৈরীর মত
—মানুষের অনেক সংস্কল্প কাজে পরিণত হয় না—আমারও
হয়নি । আপনিই ছিলেন এর একমাত্র যোগ্য পাত্র । আশ্চর্য্য
মেয়ে—ঠিক এমনটী বোধ হয় আপনিও দেখেন নি ! মৃত্যুর
ভয় ছিল না, জীবনের মমতা ছিল না—অথচ যত মানুষ এর
সঙ্গে আলাপ ক'রেছে, সবাই মনে করেছে—স্বনীতির চেয়ে বড়
বন্ধু তার নেই । এমন একটা সুন্দর জীবন আমার ভুলে নষ্ট
হ'য়ে গেল !—তবু তার জীবন সার্থক—জয়ন্তীকে না ব'লে
ডেকেছে, মরবাবু আগে আপনার দেখা পেয়েছে, আপনাকে
ভাল বেসেছে—

চতুর্থ অঙ্ক

“যে ফুল না ফুটিতে পড়িলে দরগীতে,

যে নদী মরুপথে হারাল দারা—

জানি হে জানি তাও

হয় নি হারা !”

(পুলিশ কন্সটারীগণের পায়ের শব্দ শোনা গেল)

ইন্সপেক্টর প্রবেশ করিলেন ।

স্বরেन्द्र । এই যে আস্তান—পাশের ঘরে ডেড্‌ বডি আছে, চলুন-

ইন্সপেক্টর । আপনার আত্মীয় !

স্বরেन्द्र । মেয়ের মত ! আস্তান !

(পুলিশ কন্সটারীকে লইয়া স্বরেন্দ্র রায় পাশের ঘরে গেলেন)

যবনিকা

পরিশিষ্ট

চতুর্থ অঙ্ক—১৭১ পৃষ্ঠার দুই পংক্তির পর হইতে পরিবর্তিত অংশ

(সুরেন্দ্র, ভূধর, স্মরজিৎ, স্ননীতি ইত্যাদি)

সুরেন্দ্র । কিসে সিদ্ধান্ত ক'রলেন ?—আপনি উৎপলাকে খুঁজে পাননি ব'লে ?

স্মরজিৎ । উৎপলাকে কেউ খুঁজে পাবে না । কারণ, আপনার কোনও দিন মেয়েই ছিল না—তা উৎপলা ? উৎপলা আপনার নিছক কল্পনা । আর স্ননীতির সঙ্গে তার এত মিল,—নিশ্চয়ই তার সঙ্গে আপনার দীর্ঘ দিনের পরিচয় । আপনি এই দলের সর্বেসর্ব্বা । আপনার নামই এ'রা—মানে, স্ননীতি আর ভূধর-বাবু—প্রাণপণে গোপন ক'রবার চেষ্টা ক'রেছেন ।

সুরেন্দ্র । Wonderful Logic !

স্মরজিৎ । Logicএ খুঁত থাকতে পারে,—কিন্তু এ নিশ্চিত ! আপনি ডেকে এনে এ ধাঁধায় কেন আমায় ফেললেন—বলুন ? কি উদ্দেশ্য ছিল ? আপনার পাটনার মিষ্টার মুখার্জিকে খুন ক'রে আমি আপনার পথ পরিষ্কার ক'রে দেব, এই আশায় ?

সুরেন্দ্র । আপনার কথা, কোন অর্থ আমি বুঝতে পাচ্ছি নে—
স্মরজিৎবাবু !

চতুর্থ অঙ্ক

স্বরজিৎ । বুঝতে পাচ্ছেন না ! গুণ্ডারা আপনাকে যে চিঠি দিয়েছিল, এই দেখুন সেই চিঠি । এতে মিষ্টার মুখার্জির বাড়ীর ঠিকানা আছে ।

সুরেন্দ্র । হ্যা ?—তাতে কি প্রমাণ হয় ?

স্বরজিৎ । তাতে প্রমাণ হয়—যারা উৎপলাকে হরণ ক'রেছে, সে দলের সঙ্গে মিষ্টার মুখার্জির সংস্রব আছে ।

সুরেন্দ্র । থাকতে পারে !—তারজ্ঞে কি আমি দায়ী হব ?

স্বরজিৎ । দায়ী এইজ্ঞে—তু উৎপলার অস্তিত্বই নেই, তার হরণের সঙ্গে ভদ্রবাবুর নাম যোগ ক'রে আমার ভদ্রবাবুর বিরুদ্ধে চালিত ক'রেছেন । ভদ্রবাবু, এই দেখুন সেই চিঠি ! এই চিঠির সূত্র দ'রে, আপনার সমস্ত কার্যের সন্ধান আমি পাই । এই চিঠি—ইনি আমার দিয়েছেন । বুঝতে পারছেন ? ইনি আপনার হিতৈষী নন ? এখনো বলুন ভদ্রবাবু, ইনি আপনাদের প্রধান কি না ?

ভদ্র । একথানা চিঠি দেখিয়ে কথা আদায় ক'রে নেবেন—ব্যাপার অত সোজা নয় ! এই চিঠি যে, আপনার নিজের রচনা নয়—কি ক'রে প্রমাণ ক'রবেন ?

স্বরজিৎ । সুনীতি, তুমি সাক্ষী ! এঁদের মেয়ে উৎপলা—তুমি কি না, দেখতে এঁরা স্বামীস্ত্রীতে আমার হোস্টেলে যান নি ?

সুরেন্দ্র । গিয়েছিলাম—তাতে কি সিদ্ধান্ত হয় ?

স্বরজিৎ । তাতে সিদ্ধান্ত হয়, এই চিঠি আমার রচনা নয়—আপনার রচনা ।

মাকড়সার জাল

স্বরেঙ্গ । হ্যা—এই চিঠি আমি আপনাকে দিই ।

স্বরজিৎ । তবে ?

স্বরেঙ্গ । ‘তবে’ আর কি ? এই চিঠি আমি ডাকবাংলো পাই—উৎপলা ব’লে মেয়ে আমার থাকুক, আর নাই থাকুক । এই চিঠি আমি পাই, আর তার রহস্য ভেদ ক’রতে আপনাকে দিই—তাতেই কি আমি অপরাধী ?

স্বরজিৎ । শুধু অপরাধী নন—*you are inhuman* ! মৃত্যুর সামনে দাঁড়িয়েও মিষ্টার মুখার্জি আপনার নাম করেননি,—কিন্তু আপনি এঁরই সর্বনাশের প্ল্যান ক’রছেন । সুনীতি, তুমি আমায় সব ব’লেছ—শুধু এঁর নামটা বলনি ; কেন বলনি ? —ইনি এমন কি ? বুঝতে পারছ না ? —ইনি শয়তান ! তোমাদের দ্বারা কাজ উদ্ধার ক’রে তোমাদেরই ফাঁসাতে চাচ্ছেন ! নীরব থেকে না । তোমায় আমি ভালবাসি—তোমায় এ-জাল থেকে মুক্ত ক’রতে চাই !

স্বরেঙ্গ । বেশতো ।—বিয়ে ক’রে নিয়ে চ’লে যান না ?

স্বরজিৎ । হ্যা—সুনীতিকে বিয়ে ক’রে নিয়ে যাই, আর ভূধরকে জেলে পাঠিয়ে দি,—আর তুমি একা এই অগাধ সম্পত্তি ভোগ কর ? —অত সহজ নয় ! তোমায় শাস্তি পেতে হবে—ম’রতে হবে । তুমি অনেকের সর্বনাশের কারণ হ’য়েছ । তোমার ম’রতেই হবে ।
(পিঙ্কল বাহির করিল)

সুনীতি । (বাধা দিয়া) ছিঃ ছিঃ—একি ! তুমি না অহিংস-ব্রত নিয়েছ ?

চতুর্থ অঙ্ক

স্বরজিৎ । ই্যা,—নিয়েছিলুম ; কিন্তু তোমরা আমায় হিংসা নিতে বাধ্য
ক'রছ ! কেন ব'লছ না এঁর নাম ?

(বলিতে বলিতে সুরেনের টেবিলের দিকে অগ্রসর হইয়া পিস্তল রাখিয়া দিল)

স্বরজিৎ । এখনো বল সব সত্য কথা ! এখানে আর কেউ নেই—তুমি,
ভূধর, স্ননীতি—বাইরের শুধু আমি । স্ননীতির হ'য়ে আমি
ব'লছি—স্ননীতি একটা পয়সা চায় না । স্ননীতি দল ছেড়ে
চ'লে যাবে । (ভূধরের দিকে) আর ভূধরবাবু ; আপনিও
না হয় অর্থের লোভ ছেড়ে দিন—আপনার আনন্দের সংসার,
ছেলে রোজগার ক'রতে আরম্ভ ক'রেছে ।

ইতিমধ্যে সুরেন টেবিল হইতে পিস্তল লইয়া স্বরজিতের পৃষ্ঠ লক্ষ্য করিতে স্ননীতি

পিস্তল বাহির করিয়া সুরেনকে লক্ষ্য করিল)

স্ননীতি । সাবধান মিষ্টার রায় !

স্বরজিৎ । (স্ননীতির দিকে ফিরিয়া) হাঃ—হাঃ—হাঃ ! পিস্তল রেখে দাও
স্ননীতি, দরকার হবে না । রায়মশায়, ও পিস্তল খালি—গুলি
নেই ! গুলিভরা পিস্তল তোমার হাতের কাছে রেখে
স'রে আসবো—কাঁচা ব'লে আমি অত কাঁচা নই ! দেখলে ?—
তোমরা যা ব'লতে চাওনি, এপিস্তল তা ব'লে দিলে ? এইবার
পুলিশে ফোন করি রায়মশায় !

সুরেন্দ্র । ভূধর—!

স্বরজিৎ । ভূধর তাহ'লে তোমার আপনার লোক ?

(ততক্ষণ ভূধর পিস্তল বাহির করিলেন)

সুরেন্দ্র । ই্যা আপনার লোক ; আর তার হাতের পিস্তল খালি নয় !

চতুর্থ অঙ্ক

ভূধর । না—খালি নয় ! স্বরজিৎবাবু, আপনার ‘ফোন’ পেয়ে ভেবেছিলাম—আপনার সঙ্গে শেষ বোঝাপড়া আজই হবে । তাই নিঃসঙ্কে আসিনি । স্ত্রীতি, তোমার পিস্তল বার ক’রবার দরকার হবে না । স্বরজিৎ শুধু তোমার প্রণয়ী নয়—আমারও বন্ধু ! কার সঙ্গে বোঝাপড়া ক’রতে হবে—এখন আমি বুঝেছি ! রায়—!

স্বরেন্দ্র । ভূধর !

(ভূধর স্বরেন্দ্রকে গুলি করিল— সে পড়িয়া গেল)

ভূধর । স্বরজিৎবাবু ! এইবার পুলিশে ‘ফোন’ ক’রুন । রায় গেল, আমিও যাব—স্ত্রীতিকে নিয়ে আপনি চ’লে যান ! ছেলেটা পাগল,—কিন্তু সংসারের ভার নিতে পারবে । যদি পারেন, যে মেয়েগুলি আমাদের হাতে আছে, তাদের সত্যিকারের ব্যবস্থা ক’রে দেবেন—সত্যিকারের নারীরক্ষা !

স্বরেন্দ্র । (উঠিতে চেষ্টা করিয়া) Well done—ভূধর ! তোমার পিস্তলটা শীগ্গির আমার হাতে দাও, আমি আত্মহত্যা ক’রেছি ! তোমার সংসার আছে—তুমি থাক । তোমায় ভুল বুঝেছিলাম । তোমারও যে দল ভাঙ্গবার ইচ্ছে হ’য়েছে, বুঝতে পারলে স্বরজিৎকে এর মধ্যে আনতাম না । তবে তাকে এনে ভালই ক’রেছি । স্ত্রীতির জন্তে এখন আমি নিশ্চিন্ত । স্ত্রীতি, কাছে এস—জয়ন্তীকে মা ব’লে ডেক ! তোমার ‘ফোটা’ দেখিয়ে দেখিয়ে তাকে উৎপলার মা দাঁড় করাতে আমার ছ’মাস লেগেছে ! সে এখন হিপোটাইজড্ ! সে

মাকড়সার জাল

সত্যি মনে করে—তার মেয়ে উংপলা চুরি গেছে ! তোমার ‘ফোটো’ তার উংপলার ‘ফোটো’—তুমি তার উংপলা । Give me your পিস্তল—I am still alive, I am still in command দাও—

(উভয়ে পিস্তল রাখিল)

হুসৈন । সব কটাই আমার পিস্তল—কোনটার লাইসেন্স আছে, কোনটার লাইসেন্স নেই ! স্বরজিৎ—my boy—quick—কাগজকলম ? এখনো পারবো, লিখে যাই দাও !

I have committed suicide.

—Roy.

(কুহুম ও জয়ন্তীর প্রবেশ)

কুহুম । একি !

জয়ন্তী । শেষ আত্মহত্যা ক’রলে ! আত্মহত্যার ভয় দেখিয়ে এত মিথ্যা কথা ব’লিয়ে নিলে ?—তবু আত্মহত্যা ক’রে !

হুসৈন । (জয়ন্তীকে ধরিয়) “মা”—!

যবনিকা

এই গানগুলি রঙ মহলের অভিনয়ে গাওয়া হয়

১নং গীত—চিত্রা

পথ চাহি দিন যায়
সে তো নাহি এলো হয়,
আমারই এ বন ছায়
ফোটে ফুল পাখী গায়।
হৃদয়ের তাল শুনি
সে চরণ ধ্বনি শুনি
চকোর চাঁদের চাহি
মিলনের গান গায়।

২নং গীত—সুনীতি

স্বপনের বাতায়নে
চেয়ে থাকি—
সুত্রে তারি লাগি
মোর বন ছায়
কুসুমে সুধায়
হিয়া তলে বাঁধিল যে রাঙা রাখি।
মন ভবনের
মধু স্বপনের
অদেখার তীরে সে কি যায় গো ডাকি ॥

৩নং গীত—প্রতিভা

বল বল সখা তরঙ্গী ভিড়াবে কি
এ ফুল ফুটেছে বাথার করণ কেতকী
ও কূলে পাখীরা ঘুমালো ক্লায়
নব নীল রেণু লুটালো ধূলায়
চেউ গুলি ওঠে চাঁদের কিরণ ছলকি ।
ছকুল ছাড়ায়ে মোরা ভেসে যাই যে কোন দেশে
প্রাণের সাগরে সেথাকি প্রাণের তটানী মেশে,
চল চল বধু কুল ছেড়ে যাই
কুল হারাবার গানখানি গাই
মোর হাসি ওঠে তোমার পরশে বলকি ।

৪নং গীত—ছাত্রী

দোলে হিন্দোলে শ্যাম রায়
শাওন গহনে কদম্ববন-ভায় ।
৫নং গান নাটকের ভিতরেই আছে

৬নং গীত—ছাত্রীগণ

পূজারিণী—প্রেমের পূজারিণী
পূর্ণ যে তার প্রাণের দেবালয় ।
তুই পরশরাগে মধুর হলি
হ'ল জীবন মধুময় ॥
তোর প্রাণের মাঝে মৃদং বাজে

(বাজে) আকুল রাগিনী ।

আপনারে তুই পূজার ফুলে .

বিলিয়ে দে তার চরণ মূলে

মন্দ ভাল, জয় পরাজয়,

সঞ্চয় অপচয়—

যেন প্রণাম হ'য়ে দয়াল প্রভুর চরণ ছুঁয়ে রয়

সে যে বল্বে এসে, বঁধু চিনি তোমায় চিনি ॥

৭নং গীত—নিব্বা'রিনী

দখিনা সমীরণে মোর গান ভেসে যায়

কোকিলের মধু কলতান যেথা হয়

গোলাপে রাঙায়

হেথা হয় চামেলী বনে

চেয়ে থাকে চাঁদ আনমনে

আজানা জনেরে যেন মোর গান

আবেশে সুধায় ॥

৮নং গীত—চিত্রা

তোমারে হয় রাখিতে চাই

আমার হিয়ার হারে ।

স্বপন ছায় তোমারে পাই

তৃষিত আঁখির পারে ॥

—শেষ—

